



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**


Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material





✓



*[Handwritten signature]*

25

Ն. ՏԷՐ-ՂԵՒՈՆԴԵԱՆ

# ՄԱՅՐԵՆԻ ԼԵԶՈՒ

ԵՐԿՐՈՐԴ ՏԱՐԻ

ԵՐԿՐՈՐԴ ԳԻՐԲ

ԸՆԹԵՐՑԱՆՈՒԹԵԱՆ

ՄԱՆՈՒԿՆԵՐԻ ՀԱՄԱՐ

ՏԱՄԵՒԻՆՆԵՐՈՐԴ ՏԻՊ

Պատկերներով եւ նորանոր վարժութիւններով

*Հարկաւ չպարտաւորուած*

9359

Թ Ի Ֆ Լ Ի Ս

Արագատիպ Մ. Մարտիրոսեանցի  
Գուշկինեան փողոց, № 12.  
1903



ВЕРИТЕЛИ

ВЕРИТЕЛИ

ВЕРИТЕЛИ

Дозволено цензурою. Тифлисъ, 8 Февраля 1903 г.





# Յ Ա Ռ Ա Չ Ա Բ Ա Ն

«Մայրենի Լեզուի» երկրորդ տարին տասնևիններորդ անգամ տպագրութեան ենք տալիս: Առանց դաւաճանելու մեր նախագաղափարին, այս անգամ գիրքը ենթարկում ենք նոր խմբագրութեան: Գրքի ըսկզբում, որպէս նախապատրաստական շրջան, դնում ենք մի շարք դիւրին նիւթեր նախնական ընթերցանութեան համար: Այստեղ, ինչպէս և յաջորդ շրջաններում, ամեն մի յօդուածից յետոյ բերում ենք նրան համապատասխան մի մանկական ոտանաւոր:

Հետևեալ շրջաններում յօդուածների դասաւորութիւնը որոշ խումբերի, որոշ սխտեմայի ենք ենթարկում. այսպէս, օրինակ, երկրորդ շրջանի յօդուածները վերաբերում են ընտանեկան և դպրոցական կեանքին. երրորդ շրջանի յօդուածները առնուած են կենդանական աշխարհից. չորրորդ շրջանի նիւթերը վերցրած են բուսական աշխարհից և, վերջապէս, հինգերորդ շրջանի նիւթերը պատում են տարուայ չորս եղանակներին շուրջը:

Ամեն մի շրջանից յետոյ դնում ենք մի մանկական հէքիաթ: Այս հէքիաթները թէև առնուած են ռուսերէնից, բայց նոքա, առանց բացառութեան, պատմում են և մեղանում: Այդ հէքիաթների այս կամ այն ձևափոխութիւնը ես լսել եմ իմ հանգուցեալ մօրից: Վերջին շրջանից յետոյ դնում ենք «Մասունցի Դաւիթը»: Այդ նիւթը մշակելիս հէնքը վերցրել ենք պ. ձաղարբէգեանի հիւսուածքից, բայց ամբողջութիւնը պատմել ենք բոլորովին ինքնուրոյն կերպով:

Գրքի սկզբում (առաջին և երկրորդ շրջաններում) ամեն մի յօդուածից յետոյ դրել ենք նիւթեր գրաւոր վարժութիւնների համար, նաև տուել ենք երկրորդ տարուայ քերականական վարժութիւնների պաշարը: Հետևեալ շրջաններում ուսուցիչներն այդ վարժութիւնները պիտի կրկնեն և ընդարձակեն, տեղի ու ժամանակի հետ յարմարուելով:

Յօդուածների ընտրութիւնը, միաժամանակ բոլոր շրջաններից օգտուելու հատուցութիւնը յանձնուում է վարժապետների իմաստութեանն ու խոհեմութեանը:

ՆԿԿՈՂԱՅՈՍ ՏԵՐ-ՂԵՆՈՆԴԵԱՆ

# ՄԱՅՐԵՆԻ ԼԵԶՈՒ Բ. ՏԱՐԻ

## ՇՐՋԱՆ ԱՌԱՋԻՆ

Թեթեւ նիւթեր նախնական ընթերցանութեան համար:

### 1. Ա Յ Բ Բ Ե Ն Ա Ր Ա Ն

Ես փոքրիկ մանուկ էի. տեսնում էի, որ հայրս, գիր կարդալիս, ակնոց է դնում աչքերին: Մի օր ես խնդրեցի, որ ինձ համար էլ ակնոց առնի. «Ես էլ քեզ պէս ուզում եմ կարդալ», ասացի: Միւս օրը հայրս բերեց ինձ համար մի պատկերազարդ գիրք: Սա հայերէն այբբենարան էր: «Ահա սա է քո ակնոցը, որդի», ասաց հայրս: Այնուհետև մայրս ինձ կարդալ-գրել սովորեցրեց:

Գրեցէք հետևեալ բառերի նշանակութիւնը՝ մանուկ, ակնոց, պատկերազարդ, ահա, այնուհետև...

Նկատեցէք հետևեալ բառերի ուղղագրութիւնը՝ հայերէն, ռուսերէն, վրացերէն, թուրքերէն...

Գրեցէք եւ զանազանեցէք՝ բան, պան. բատ, պատ. բաղ, պաղ. բահ, պահ. բանիք, պանիք...



## 2. Կ Ե Ր Գ Ե Լ-Գ Ր Ե Լ

Երբ որ լեզու բացուեցաւ,  
 Ազատ խօսիլ սովորեցայ,  
 Բարի մօրս ձեռքի տակ  
 Գրեի-կարդայն ըսկսայ:

Չատ ժամանակ չանցկացած՝  
 Այլևս գիր կարդալը  
 Այնպէս դժուար չէր թւում,  
 Ինչպէս կ'ասեն ծոյլերը:

Այնուհետև ինձ համար  
 Հոլ-վէզի, գնդակի չափ  
 Միբելի են թուղթ, գրիչ,  
 Գիրք, քանոն, մատիտ, տետրակ:

*Գրեցէք հետեւեալ քտերի նշանակութիւնը՝ ազատ, բարի-  
 այլևս, թուում էր:*

*Յիշեցէք եւ գրեցէք ձեր գիտեցած դասական առարկա-  
 ների եւ խաղալիքների անունները:*

## 3. ԱՄԵՆ ԲԱՆ ԻՐԱՆ ՏԵՂԸ

Հայկը ծոյլ տղայ չէր, բայց կարգ ու կանոն  
 չէր սիրում: Երեկոները, դասերը սովորելուց  
 յետոյ, նա իւր գրքերն ու տետրակները թողում  
 էր թափթրփած ու ցրիւ տուած. առաւօտներն

էլ, երբ որ վեր էր կենում, ժամերով որոնում  
 էր իւր շորերը կամ ոտնամանները: Ամենայն  
 օր այս ու այն կողմն էր ընկնում Հայկը և միշտ  
 դասից ուշանում էր:

*Գրեցէք հետեւեալ քտերի նշանակութիւնը՝ ծոյլ, ջա-  
 նասէր, ժամերով, որոնում էր:*

*Նկատեցէք հետեւեալ քտերի ուղղագրութիւնը՝ առա-  
 ւօտ, երեկոյ, կէսօր, կէսգիշեր. ժամ, ժամացոյց, ժամ,  
 ժամաւոր, ժամասէր:*

*Գրեցէք եւ զանազանեցէք՝ կար, զար, կող, գող, կուտ,  
 գութ, կիր, գիր, կէտ, գետ, կալ, գալ:*

## 4. ՏԻՈՒՐ ԵՐԵՒԱՅ

Երբ որ ծագեցաւ սլայծառ արեգակ,  
 Աքլար, ազանի, հաւ ու ծիծեռնակ,  
 Ձի, ոչխար, գառնուկ, այծ, ուլ, հորթ ու կով  
 Գրնացին իրանց գործին ըշտապով.  
 Միայն ծոյլ տղան չըզնաց դալրոց,  
 Գիրքը շրպրտեց ու փախաւ փողոց.  
 Իրիկունն ամենք յետ դարձան ուրախ,  
 Միայն տղան էր տրտում, գլխակախ:

*Գրեցէք հետեւեալ քտերի նշանակութիւնը՝ ծագեցաւ,  
 ազանի, ուլ, դալրոց, տրտում, շտապով, գլխակախ:*

*Յիշեցէք եւ գրեցէք ձեր գիտեցած չորքոտանի կենդանի-  
 ների անունները:*



5. ԻՄ ՈՒՍՈՒՄՆԱՐԱՆ ԳՆԱԼԸ

Սեպտեմբեր ամիսն էր: Հայրս ասաց, որ ինձ պէտք է ուսումնարան տանեն: Ես շատ ուրախացայ. վաղուց ուզում էի ուսումնարան գնալ: Հայրս ինձ համար մի պայուսակ գնեց: Ես նրա մէջ դասաւորեցի հարկաւոր առարկաները: Մենք ուղևորուեցանք: Ես ուսումնարան չէի տեսած: Սիրտս թնդում էր: Ութը ժամին մենք հասանք մի մեծ շինութեան և բակի դռնից ներս մտանք: Բակում շատ մանուկներ կային. ոմանք խաղում էին արձակ-համարձակ, ոմանք էլ գլխակոր կանգնած էին իրանց ծնողաց հետ: Մենք ներս մտանք ուսուցիչների սենեակը: Ես երկիւղի մէջ էի. բոլորը նոր մարդիկ էին. ոչ մէկին չէի ճանաչում: Ուսուցիչների գլխաւորը—տեսուչը նկատեց իմ շփոթմունքը, մօտ եկաւ, փայփայեց ինձ: Ես սրտասլընդուեցայ: Յետոյ ինձ քննեցին և ընդունեցին աւագ նախակրթարանը:

*Բառեր՝ պայուսակ—քսակ, սումկայ. դասաւորեցի—դարսեցի, տեղաւորեցի. ուղևորուեցանք—ճանապարհ ընկանք. բակը—գաւիթը, հայաթը. ոմանք—մի քանիսը. գլխակոր—գլուխը կախ գցած. երկիւղ—վախ. աւագ նախակրթարան—մեծ պատրաստական դասատուն:*

Մնացած բառերը ինքներդ ջոկեցէք եւ գրեցէք: Գրեցէք եւ զանազանեցէք՝ կող. քող. կար. քար. կաղ. քաղ. կոյր. քոյր. կամ, ֆամ:

6. ՄԸՆՈՒԿ ԸՐԵՒԻՆ

Նախշո՞ւն արև,  
 Հազար բարև.  
 Այս ո՞ւր էիր շատ-շատ օրեր  
 Ամպերի տակ մըտել, կորել:  
 Մի՞թէ դու էլ, յամառ մանուկ,  
 Գիտես պահուիլ այդպէս դադտուկ.  
 Հերիք, անգ, մեզ խռովես,  
 Էլ չըփախչես, հոգիդ սիրես:

*Բառեր՝ յամառ—իր ասածի, կամակոր. պահուիլ—[Ժադկենալ. դադտուկ—ծածուկ. խռովիլ—նեղանալ, չխօսելու չափ վշտանալ. խռովել—նեղացնել, շփոթեցնել. մեզ խռովես—մեզ շփոթեցնես, անհանգիստ անես:*

*Չանազանեցէք հետեւեալ բառերի ուղղագրութիւնը՝ համար, յամառ. հետ, յետ. հատիկ, յատակ. հատն, յատուկ:*

7. ՄՐՋԻՆԸ ԵՒ ԱՂԱԻՆԻՆ

Մրջիւնը մօտ գնաց առուակին, որ ջուր խմէ: Ջրի ալիքը ներս քաշեցին նրան եզերքից: Մրջիւնը խեղդում էր: Աղանին օգնութեան հասաւ. նա մի չոր տերև առաւ, գցեց մրջիւնի առաջ: Մրջիւնը վեր բարձրացաւ տերևի վրայ և խեղդուելուց ազատուեց:



Երկար ժամանակ չանցաւ: Որսորդը՝ հրացանը ձեռին, մօտեցաւ առուակին: Աղանին անհոգ նստած էր ծառի վրայ: Որսորդը հրացանի բերանն ուղղեց դէպի նա: Մըջիւնը մօտ վագեց և կծեց որսորդի ձեռքը: Որսորդը ցնցուեց. հրացանը տրաքեց, բայց չզիպաւ աղանուն:

*Բառեր՝ մըջիւն, առուակ, ալիք, եզերք, որսորդ, հրացան, անհոգ, ցնցուիլ:*

*Յիշեցէք եւ գրեցէք ձեր գիտեցած վայելնի թռչունների անունները:*

*Գրեցէք եւ զանազանեցէք՝ դաս, տաս. դար, տար. դեղ, տեղ. դուր, տուր. դա, տայ:*

### 8. ԱՔԱՂԱՂՆ ՈՒ ՀԱԻԸ

«Ծուղըղուղո՞ւ, սանամէր,  
էն մէկ հաւ կար, ո՞ւր գնաց»:

— Ծարաւ աղբիւր կուլ դնաց:

«Ի՞նչ կար կըտուց»:

— Զիր ու չամիչ:

«Ո՞ւմ էր տանում»:

— Հարս ու փեսին:

«Ո՞ւր էր հարսը»:

— Ոսկէ թախտին:

«Ի՞նչ էր եփում»:

— Համով կորկոտ:

«Ո՞վ էր բերել»:

— Քաշալ Ակոր:

«Ո՞վ էր հարել»:

— Աղայ Սուլթան:

«Ո՞ւր էր դրել»:

— Բաց պատուհան:

«Ո՞վ է կերել»:

— Սեիկ փիշիկ:

«Վայ սեիկ փիշիկ, վայ սեիկ փիշիկ,

Քո մէրն ուտի քո թշիկ»:

*Բառեր՝ սանամէր, սանահէր, կոուց, շիր ու չամիչ. կորկոտ— ձաւար և նրանից ու մսից եփած կերակուր (քեաշկայ):*

*Գրեցէք ձեր գիտեցած ընտանի թռչունների անունները:*

### 9. ԱԳՌԱԻԸ ԱՂԱԻՆԵՏԱՆԸ

Ագուար տեսաւ, որ աղանիններին լաւ են կերակրում, ուղեց ինքն էլ աղանի ձեանալ. սպիտակ փոշի ցանեց վրան և մտաւ աղանետուն: Աղանինները կարծեցին, թէ սա էլ իրանցից է, ներս ընդունեցին: Բայց ագուար մոռացմամբ կռաւեց իւր ձևով: Աղանինները կտցահարեցին և դուրս խուկեցին: Ագուար վերադարձաւ իւր ընկերների մօտ, բայց սրանք էլ չընդունեցին նրան, որովհետև գունափոխուել էր:

*Բառեր՝ ձեանալ— նմանուիլ, դառնալ. ցանեց— ածեց, շաղ տուեց. փոշի. ընդունեցին. մոռացմամբ. վերադարձաւ. գունափոխուել էր:*



Նկատեցէք հետեւեալ ըստերի կազմութիւնը՝ աղանե-  
տուն, կտցահարել, գունափոխուել, վերադառնալ:

Գրեցէք եւ զանազանեցէք՝ մեխ, մեղ. ճխ, օղ, ող.  
կախ, կաղ. սոխ, սող. ուխտ, ուղղ. ախտ, աղտ.

10. Կ Ռ Ո Ւ Ն Կ Ն Ե Ր

Կըռ-կըռ-կոկըռան

Կըռունկները հահ թըռան.

Կըռունկների թեի տակ

Եկաւ ամառ մեր դռան:

Գրեցէք ամիսների եւ ապա տարուայ եղանակների  
անունները:

Գրեցէք զարնանային, ամարային, աշնանային եւ ձմե-  
րային ամիսների անունները:

Գրեցէք եւ զանազանեցէք՝ ուր, ուռ. սեր, սեռ, սէր. սար,  
սառ. գառը, կարը, քարը. արու, առու. արատ, առատ. արեգ, առէք:

11. ՕՁԻ ԳԼՈՒԽԸ ԵՒ ՊՈՉԸ

Մի անգամ օձի պոչը վիճեց զլիսի հետ, թէ  
իրանցից որը պէտք է առաջից գնայ: Գլուխն  
ասաց. «Դու չես կարող առաջից գնալ, որովհե-  
տե ո՛չ ականջներ ունիս և ո՛չ աչքեր»: Պոչն ա-  
սաց. «Ականջներ ու աչքեր չունիմ, բայց ոյժ ու-  
նիմ և ես եմ քեզ շարժողն ու ման ածողը: Ե-  
թէ կամենամ, կրփաթաթուեմ ծառի շուրջը և

դու մի քայլ անել չես կարող»: Գլուխն ասաց.  
«Ուրեմն բաժանուենք»: Եւ բաժանուեցին:

Պոչը պոկ եկաւ զլիսից և սկսեց առաջ սո-  
ղալ. բայց հէնց մի փոքր հեռացաւ թէ չէ՝ ըն-  
կաւ մի ճեղքի մէջ ու սատկեցաւ:

Բառեր՝ վիճեց, ոյժ, շուրջը, քայլ, սողալ, ճեղք:

Գրեցէք ձեր գիտեցած սողունների անունները:

Գրեցէք եւ զանազանեցէք՝ օձ, օժ. ձեր, ծեր. ձագ,  
ծակ. ձոր, ծոր. ծեծ, ցեց. ծիծ, ցից:

12. Հ Ը Ն Ե Լ Ո Ւ Կ Ն Ե Ր

Աչքեր ունի, ոտքեր չունի,

Մարդ կը սուսնէ, ձեռքեր չունի,

Չու է ածում, փետուր չունի,

Շապիկ ունի, որ կար չունի:

Չորս ոտք ունիմ՝ կարճ ու կոկիկ,

Գլուխ ունիմ՝ ինչպէս գորտիկ.

Մարդ տեսնելիս սիրտս է դողում,

Ոտք ու գլուխս չի երեսում:

13. ՎԱՐԴԵՆԻՆ ՈՒ ՓՈՒՂԸ

Վարդենին ու փուշը բուսել էին միատեղ:  
Մի օր փուշն ասաց իւր գեղեցիկ հարևանին.  
«Բարեկամ, քո համբերութիւնդ ինձ զարմացնում է.



չգիտեմ ինչո՞ւ չես պատժում քո վշերով այն մեղուներին, որոնք այնպէս տղտղալով հօտդ ու հիւթդ ծծում են»:

— Ինչո՞ւ պատժեմ, համեստութիւնով պատասխանեց վարդենին. չէ՞ որ իմ հիւթից նրանք անուշ մեղր են պատրաստում:

*Բառեր՝ վարդենի, փուշ, բուսել էին, հարեան, համբերութիւն, հոտ, հիւթ, մեղու, համեստութիւն:*

*Գրեցէք ձեր գիտեցած միջատների անունները:*

*Գրեցէք եւ զանազանեցէք՝ հոտ, հօտ. հոր, հօր. մոր, մօր. մարտ, մարդ:*

### 14. ՀՐՆԵԼՈՒԿ

*Ո՛չ ցորեն եմ, ո՛չ գարի,  
Որ հողագործն ինձ ցանի.  
Առանց ջրի հունցած եմ,  
Առանց ձեռքի կոյրած,  
Ես անկրակ թըխած եմ,  
Թոնիր, ջաղաց տեսած չեմ,  
Ձեր ամենիդ սիրածն եմ:*

### 15. Լ Ա Ի Ը Ն Կ Ե Ր

Մարդիկ վեր առան և կակաչի հասարակ ծաղիկը շահօքրամի հետ մի խեցիի մէջ

տնկեցին: Մի քանի ժամանակից յետոյ կակաչիցն էլ շահօքրամի հոտ էր գալիս:

Լաւ ընկերի հետ որ ապրենք, մենք էլ շատ բան կը վաստակենք:

*Բառեր՝ կակաչ—տիւլպան (ծաղիկ), շահօքրամ—մեխակ (ծաղիկ). խեցի—ծաղկաման. վաստակ—աշխատանք. վաստակել—աշխատել, շահիլ. վաստակիլ—յոզնիլ:*

*Գրեցէք ձեր գիտեցած ծաղիկների անունները:*

*Գրեցէք եւ զանազանեցէք՝ ճար, չար. ճանկ, չանկ. ճուտ, չութ. ճօճ, չոչ:*

### 16. Մ Ա Ն Ո Ւ Յ Ը Կ

*Գեռ ո՛ւր է ծիծառ, գեռ ո՛ւր է սոխակ,  
Գարնան կարապետ եկաւ մանուշակ.  
Երկնային խունկը չորս կողմը բուրեց,  
Նորածին աշխարհ նախ նա համբուրեց:*

*Երկինքն է անամպ, շողշողուն արև,  
Տանք մանուշակին, երեխայք, բարև,  
Որ մեր դաշտերին բերեց նոր զարուն,  
Նախշուն հաւերով, ծաղկով զարդարուն:*

*Բառեր՝ ծիծառ, սոխակ, կարապետ, Կարապետ, երկնային, խունկ, բուրեց, նորածին, նախ, անամպ, հաւեր, զարդարուն:*

*Գրեցէք եւ զանազանեցէք՝ դուր, տուր, թուր. տաս, դաս, թաս. դեղ, տեղ, թեղ. դատ, տատ, թաթ. դեր, աէր, թեր...*



17. ՊԱՌԱՆՈՒ ՀԱԻԸ

Հաւր օրական մի ձու էր ածում պառաւի համար: Բայց պառան ազահ էր. նա մտածեց՝ «եթէ հաւին շատ կուտ տամ, մի ձուի փոխանակ երկուսը կամ երեքը կ'ածի օրական»: Մտածեց ու կատարեց: Հաւր սաստիկ պարարտացաւ և էլ ձու չածեց:

Բառեր՝ պառաւ, ծեր, ալսոր, երիտասարդ, պատանի, մանուկ, ազահ, պարարտ, նիհար:

Գրեցէք եւ զանազանեցէք՝ տող, դող, թող. տէր, դեր, թեր. տակ, տար, թագ. տնակ, դանակ, թանաք:

18. ՄԱՆԿԱԿԱՆ ԽԵՂ

Պ Ա Ռ Ա Ն Ը

Ջո՛ւ-ջո՛ւ, ջո՛ւ-ջո՛ւ, իմ վառիկներ,  
Սիրուն ճուտեր, հաւ-մարիկներ.  
Ոսկեփետուր արլարիկներ,  
Եկէ՛ք, կերէ՛ք ձեր հատիկներ:

Մ Ա Ն Ո Ւ Կ Ն Ե Ր Ը

Արամ, Աշխէն, Վարդան, Խորէն,  
Սանդուխտ, Չուշան, Հայկակ, Սուրէն,  
Գնանք, տեսներ՝ հաւերն ո՛ւր են:

Տեսէ՛ք, տեսէ՛ք, չալ-չալ հաւեր  
Հեռու քաշուել, կ'ուտեն որդեր.  
Այնտեղ փոքրիկ, փափրիկ, թմբրիկ,  
Պզտիկ ճուտիկ կ'ուտէ կուտիկ:

Չար փիշիկը մօտ է գալիս,  
Սև ձագին է մտիկ տալիս.  
Թաթը մեկնեց,  
Վզից բռնեց:

Աքաղաղներ, հաւ-մարիկներ,  
Պահպանեցէ՛ք ձեր ճուտիկներ:

Ա Ք Ա Ղ Ա Ղ Ն Ե Ր Ը

Հասէ՛ք, հասէ՛ք, օգնեցէ՛ք,  
Չար փիշիկին պատժեցէ՛ք:

Հ Ա Ի Ե Ր Ը

Ժողովուենք, միանանք,  
Չար կատուին վրայ տանք:

Բ Ո Լ Ո Ր Ը

Տեսա՛ք, տեսա՛ք, ինչ եղաւ.  
Գող կատուն որ մեզ տեսաւ,  
Խիստ վախեցաւ ու փախաւ.  
Ուրեմն ապրենք միասին,  
Որ մօտ չգայ թշնամին:



Գրեցէ՛ք ձեր անունը, հայրանունը եւ ազգանունը:—Գրեցէ՛ք ձեր քոյրերի եւ եղբայրների անունները:—Գրեցէ՛ք ձեզ ծանօթ օրիորդների եւ տղաների անունները եւ ազգանունները:

9359





«Եկէք, եղբարք, շնորջ պատենք,  
Մեր մօր վիշտը փարատենք»:

## ՇՐՋԱՆ ԵՐԿՐՈՐԴ

Տանը եւ ուսումնարանումը

### 19. ՄԵՐ ՏՈՒՆԸ

Մեր տունը մի ընդարձակ բնակարան է: Նա ութ սենեակ ունի: Ամենամեծ սենեակը դահլիճն է: Գահլիճին կից կայ մի ուրիշ սենեակ, նրանից քիչ փոքր, ուր սովորաբար ընդունում ենք մեզ մօտ եկողներին. դա կոչւում է ընդունարան: Հայրս իրան համար առանձին սենեակ ունի—առանձնարան, որտեղ նա զբաղւում է իւր գործերով: Ճաշին, ընթրիքին և թէյին մենք հաւաքւում ենք սեղանատունը: Գիշերները մենք քնում ենք մի ընդարձակ սենեակում, որ կոչւում է ննջարան: Մանուկներին համար էլ մի ջոկ սենեակ է յատկացրած, որտեղ մենք պատրաստում ենք մեր դասերը: Մանկանոցը շատ մեծ չէ, բայց ամենից պայծառ սենեակն է: Այսպէս ահա բոլոր սենեակներն իրանց նշանակութիւնն ունին: Մնում է յիշել նախասենեակը և խոհանոցը, ուր խոհարարը մեզ համար համեղ կերակուրներ է պատրաստում:

Գրեցէք հետեւեալ բառերի նշանակութիւնը՝ ընդարձակ, դահլիճ, կից, ընդունարան, առանձնարան, զբաղւում է, ընթրիք, սեղանատուն, ննջարան, մանկանոց, յատկացրած է, նախասենեակ, խոհանոց, խոհարար:



Դիտեցէք եւ նկարագրեցէք ձեր կացած ընակարանը:  
Արտագրեցէք հետեւեալ բառերը եւ, ուր որ հարկաւորն  
է, ը տառը աւելացրէ՛ք՝ դբադմունք, դբօսանք, դգեստ, դգալ...  
Զբոյց, զկեռ, զղջալ, զնդան (բանդ), զննել, գտել (մաքրել\*\*):

20. Խ Ր Ճ Ի Թ

Կէս գիշերին պայծառ լուսինն  
Երկնքումը բարձրացաւ,  
Սփռեց աղօտ ճաճանչները  
Եւ խրճիթը լոյս առաւ:

Փոքրիկ խուղ էր, դատարկ ցեխից  
Անշքապէս նա շինած.  
Մի դուռն ունէր ցած և նեղլիկ  
Եւ մի երդիկ էլ բացած:

Խրճիթի մէջը, երդկի տակը  
Կլոր հնոց կար շինած,  
Նրա շուրջը երեք հոգի  
Գործը ձեռքին նստոտած:

Պառաւ կինը ճախարակը  
Վարպետութեամբ պտտում էր,  
Բրդի փափուկ քուլանները  
Ուշի ուշով մանում էր:

\*\*\*) Բաղաձայն տառերը բառի սկզբում, մի ուրիշ բաղաձայնի հանդիպելիս, իրանցից յետոյ ը են առնում, որ հնչում է; բայց չի գրում (զըրիչ, դբժուար, թըթու և այլն). միայն ս, զ, շ տառերը, վերև յիշուած բաղաձայններին հանդիպելիս, ը հնչինը առնում են սկզբից (ըգբադմունք, դգեստ):

Համեստաղէմ կոյս աղջիկը,  
Սանդերքն առաջը դրած,  
Հանդարտութեամբ բուրդ էր գգում,  
Իւր մայրիկի մօտ նստած:

Երիտասարդ տղամարդը  
Արագ-արագ տաշում էր,  
Եւ մի ժամից ողջ գութանը  
Վաղուան համար պատրաստ էր:

Հաւը խօսեց: Պառաւն մեղմով  
Ձեռքի քուլան վերջայրեց.  
— «Կէս գիշերը վաղուց անցաւ,  
Պէտք է քնենք», նա ասեց:

Անցան ժամեր: Եւ խրճիթում  
Խոր լուլթիւն էր տիրել,  
Մինչ աղջիկը արիաջան  
Անկողնից վեր էր կացել:

Լուսամուտից նա դուրս նայեց  
Եւ շրթունքը մեղմ խաղաց.  
Արշալոյսը նոր էր բացւում,  
Կուժն ուսեց, ջուրը գնաց:

Բառեր՝ խրճիթ—տնակ, փոքրիկ տուն. խուղ—խուց, գետնայ փոր տնակ. անշքապէս—առանց զարդի. երդիկ—կտուրի մէջ տեղից բացած լուսամուտ. հնոց—կրակ վառելու տեղը, օջաղը. շուրջը—շորս կողմը. ճախարակ—թել մանելու գործիք, անիւ, շարխ. կոյս աղջիկ—չպսակուած աղջիկ. սանդերք—բուրդ գդելու գործիք. արագ—շուտ. վաղուան—էգուցուան. արիաջան—աշխատասէր. անկողին—տեղաշում արշալոյս—առաւօտուայ առաջին լոյսը:

Արձակ գրեցէք այս ոտանաւորը ձեր տետրակների վմտ:-



### 21. ՄԵՐ ԴՍՍԱՏՈՒՆԸ

Մեր դասատունը մի մեծ սենեակ է: Սենեակի մի անկիւնում դրած է սեղան և աթոռ վարժապետի համար: Սենեակի միւս անկիւնում դրած է մի մեծ գրատախտակ: Պատերին կախած են կենդանիների նկարներ և աշխարհագրական քարտէզներ:

Սենեակի մէջտեղը աշակերտների համար շարած են նստարաններ: Նստարանների առաջ նոյն կարգով դրած են գրասեղաններ: Վարժապետը սովորեցնում է Աշակերտները սովորում են: Վարժապետը դաս է հարցնում: Աշակերտները պատասխանում են: Աշակերտները գրում են, կարդում են, նկարում են և հաշուում են թւերով: Ամեն մի դասից յետոյ աշակերտներին հանգիստ են տալիս. ապա սկսում է միւս դասը: Դասամիջոցը տևում է հինգ կամ տասն րոպէ:

Բառեր՝ անկիւն, նկարներ, աշխարհագրական քարտէզ, նստարան, գրասեղան, հանգիստ են տալիս, դասամիջոց, տևում է:

Գրեցէք հետեւեալ բառերը եւ, ուր որ հարկաւորն է, քաւելացրէք՝ սպասել, սպիտակ, ստամոքս, ստանալ, սփոփել, սքանչելի... Սլաք, սխալ, սմբակ, Սմբատ, սնունդ, սրինգ...\*)

### 22. ՀՐԱՆԻՐ ԴԷՊԻ ՈՒՍՈՒՄՆԵՐԸ

Հաւր խօսեցաւ, օրը բացուեցաւ,  
Արևն էլ վաղուց ելաւ, բարձրացաւ.  
Խելօք մանուկներ, շուտ հագնուեցէք,  
Չուտով դասատուն դուք հաւարուեցէք:

\*) Տես 20-դ երեսի ծանօթութիւնը:

Մարդ և անասուն, գազան և թռչուն,  
Ամենքն էլ իրանց գործին են զնում.  
Մրջիւնը բերնով կերակուր տանում,  
Մեղուն ծաղկիցը հիւթեր է ծծում:

Դաշտը գոյնզգոյն ծաղկով զարդարուած,  
Մարգագետինը կանաչ հագնուած,  
Անտառը ձմեռուայ քնից արթնացած,  
Իւր տերևները շարժում է կամաց:

Ձկնորսներն իրանց ուռկանն են քաշում,  
Հնձողներն իրանց մանգաղը շարժում...  
Դուք էլ, մանուկներ, ձեր զրբերն առէք.  
Աստուած ծուլութիւն չէ սիրում երբէք:

Բառեր՝ հաւր խօսեցաւ—աբաղադր կանչեց. օրը բացուեցաւ— լուսացաւ. ելաւ—դուրս եկաւ. մրջիւն. մեղու. անասուն. հիւթեր. գոյնզգոյն, մարգագետին. անտառ. ձկնորս. ուռկան. հնձող. մանգաղ. երբէք:

Ձոկեցէք բոլոր առարկաները, որոնք կենդանի են, ապրում են և ազատ կերպով կարող են մի տեղից միւս տեղ շարժուել:—Շնչաւոր առարկաներ:

Ձոկեցէք նմանապէս այն բոլոր առարկաները, որոնք կենդանի չեն, չեն ապրում, կամ թէև կանք ունին, բայց չեն կարող ազատ կերպով մի տեղից միւս տեղ անցնել:—Անշունչ առարկաներ:

### 23. ՄԵՐ ԸՆՏԱՆԻՔԸ

Մեր ընտանիքը մեծ չէ. ես ունիմ հայր ու մայր, երկու եղբայր և երկու քոյր. ես ամենից մեծն եմ: Մենք մի պառաւ տատ էլ ունինք: Նա շատ սակաւ է տանից դուրս գալիս. միայն ժամ է զնում: Նա մեզ շատ է սիրում և փայփայում է:



Իմ հայրը շատ է աշխատում. նրա աշխատանքովն ենք կերակրւում և հագնւում ամենքս:

Մայրս տնտեսութիւն է անում. նա հրամայում է ճաշ և ընթրիք պատրաստել. նա գնում է ներքնատունը և մառանը: Բայց որ իմանաս, թէ ես ինչպէս սիրում եմ նրա հետ մառան գնալ: Ամբողջ օրը մայրս մեզ համար հոգս է քաշում: Նա սովորեցնում է մեզ խաչակնքել և աղօթել: Մենք երեկոները, քնելուց առաջ, միշտ աղօթում ենք:

Ես մէկ փոքրիկ քոյր էլ ունէի, բայց նրան տարան գերեզմանատուն և դրեցին սև հողակոյտի տակ: Մայրս մինչև այսօր էլ լաց է լինում փոքրիկ Մանուշակի համար:

Բառեր՝ ընտանիք—տան մէջ միասին ապրողները. սակաւ—քիչ, երբեմն. փայփայում է—գուրգուրում է, սիրում է. տնտեսութիւն—տան հոգացողութիւն (տուն-տես). ընթրիք—իրիգնահաց. ներքնատուն—սառտափ, ամենաստորին տունը. մառան—պաշարեղէն պահելու սենեակ. հողակոյտ—գերեզման (հող-կոյտ):

Նկատեցէք հետեւեալ բառերի ուղղագրութիւնը՝ պաշարեղէն, մսեղէն, խմորեղէն, քարեղէն, փայտեղէն, բրդեղէն, երկաթեղէն...

### 24. ԶԵՒԵԿՆԵՐԻ ՄԻԹՅԵՐԵՆՔԸ

«Եկէք, եղբարք, շուրջ պատենք,  
Մեր մօր վիշտը փարատենք»:

Մատղաշ տղայք ցատկելով  
Մօր շորս կողմը կտրեցին,  
Կէս վշտագին, կէս ուրախ  
Մօր հետ այսպէս խօսեցին.

—Մայրիկ, մայրիկ, քանի լաս,  
Մինչ երբ տանջուիս, հառաչես.  
Մանուշակը վատ տեղ չէ,  
Հերիք սիրտըդ մորմոքես:

Երբ մեր քոյրը մեզ թողեց,  
Մենք ճիշ բարձինք լալագին,  
Մայրիկ, դու այս խօսքերով  
Վերջ դրեցիր մեր լացին.

«Երկնքումը մեզնից լաւ  
Հրեշտակները ձեր քրոջ  
Կը փայփայեն, կը սիրեն,  
Սէր, օրհնութիւն մեր տիրոջ»:

«Ինչպէս անմեղ թիթեռնիկն  
Ծաղկանց մէջ է ոստոստում,  
Որպէս աստղիկն երկնքի  
Պարզ գիշերին է փայլում,

«Այնպէս հոգին ձեր քրոջ  
Աստուածաբնակ դրախտի մէջ  
Հրեշտակներին հաւասար  
Պիտի գտնէ ելևէջ»:

Մայրիկ, մայրիկ, նոյն խօսքերն  
Լսիլը մեզնից սրտաբաց.  
Երջանիկ է Մանուշակն,  
Սրբիլը աչերդ, ուրախ կաց:

Բառեր՝ շուրջ պատենք—շորս կողմը բռնենք. վիշտը—հոգսը, գարգը. մատղաշ—ձաճիկ. վշտագին—տխուր. յառաչես—ախ քաչես.



մորմոքես—այրես, խորովես. ճիշ բարձինք—գոռացինք. ելեէջ—տուն  
ու դուրս անել, բարձր ու ցածր անել:

Ջոկեցէք բոլոր շնչատոր առարկաների անունները:—Ջո-  
կեցէք բոլոր անշունչ առարկաների անունները:—Դիտեցէք եւ  
զանազանեցէք հետեւեալ առարկաները՝ Փրկիչ, Տէր, հրեշտակ,  
հոգի, Աստուած (հոգևոր առարկաներ):

25. Գ Ա Գ Ը

Պապը սաստիկ ծերացել էր: Նրա աչքերը լաւ չէին  
տեսնում, ականջները ծանրացել էին. նրա ձեռներն ու  
ոտները ծերութիւնից դողդողում էին, այնպէս որ՝ գզալը  
բերանը տանելիս, կերակուրը կաթկաթեցնում էր:

Այս բանը դուր չէր գալիս նրա որդուն ու հարսին.  
Նրանք ծերին իրանց հետ սուփրի չէին նստացնում, այլ  
մի անկիւնում առանձին տեղ էին տալիս՝ հաց ուտելու:  
Մի անգամ, հաց ուտելիս, ծերի ձեռները դողդողացին,  
ամանը վայր ընկաւ ու կոտրուեց: Չատ սաստիկ բարկա-  
ցան հարսն ու որդին խեղճ ծերի վրայ և այնուհետեւ  
փայտէ ամանով էին կերակուր տալիս նրան:

Ծեր մարդը մի թոռն ունէր: Մի օր մանուկը, յա-  
տակի վրայ նստած, տաշեղներից մի բան էր շինում:

Մայրը հարցրեց նրան. «Այդ ինչ ես շինում, որդի»:  
— Փայտէ աման եմ շինում, մայրիկ, որ երբ դու և  
հայրիկս ծերանաք, նրանով կերակուր տամ ձեզ, պա-  
տասխանեց մանուկը:

Հայրն ու մայրը նայեցին միմեանց երեսի և ամօթից  
կարմրեցին. նրանք այնուհետեւ սկսեցին ծերին շատ  
պատուով պահել:

1. Յիշեցէք եւ գրեցէք ազգակցութիւն ցոյց տուող շնչա-  
տոր առարկաների անունները. պապ, տատ, հայր, մայր...

2. Արտագրեցէք այս դասից բոլոր անշունչ առարկանե-  
րի անունները:

26. Բ Ը Բ Ի Գ Ո Ր Թ

Սարի լանջին, ժայռի տակ,  
Ջուր էր բղխում սառնորակ  
եւ, ցրուելով խոտերում,  
Իգուր ճահիճ էր դառնում:

Նրա առջև մի խոր գուշ  
Չինեց հովիւն ու տարաւ,  
Խաղ ասելով նա անուշ,  
Ջրեց հօտը իւր ծառաւ:

Պախըէն անցաւ այն սարից,  
Չոգից հանած չոր լեզուն,  
Կուշտ-կուշտ խմեց աղբիւրից,  
Ապա նայեց Աստըծուն:

Անցւորն եկաւ օթակէզ,  
Սառն աղբիւրը որ տեսաւ,  
Գլխարկն առաւ ու չորեց,  
Խմեց, սիրտը հովացաւ:

Ապա թէ իւր օրհնանքը  
Մաղթեց մարդը այն բարի.  
— Քո շինողիդ օր-կեանքը  
Այս ջրի պէս երկարի:

Բառեր՝ սարի լանջին—կրճքին, դոշին. ժայռ—լեռ քար. բղղ-  
խում էր—դուրս էր գալիս. ճահիճ—ջրմմայ. գուշ—փոս, աղբիւր-  
հովիւ—ոչխար պահող, արածացնող. հօտ—ոչխարների խումբը. պախ-  
բայ—եղնիկ, եղջերու. անցւոր—անցկացող, ճանապարհորդ. օթա-  
կէզ—չոգից այրուած. մաղթեց—խնդրեց, խնդրելով ասաց:



Ջոկեցէք շնչաւոր, անշունչ եւ հոգեւոր առարկաների անունները:

Հովուի արած գործը պատմեցէք եւ գրեցէք ձեր բաներով:

### 27. ԻՆՉՊԷՍ ԵՆ ԶԻՆՈՒՄ ՏՆԵՐԸ

Փայտէ տները շինում են հիւսնները գերաններից: Քարէ տները շինում են որմնադիրները աղիւսներից կամ տաշած քարերից: Ամենից առաջ հիմքն են դնում: Հիմքի վրայ բարձրացնում են պատերը: Պատերի մէջ թողնում են բացուածներ՝ դռների և լուսամուտների համար: Երբ որ պատերը բարձրացնում պրծնում են, ապա գցում են նրանց վերայ գերաններ, իսկ գերանների վրայ կոճեր. յետոյ նրանց վրայ շինում են կտուրը: Կտուրը թերուած է լինում, որ անձրևի ջուրը վրան չկանգնի: Կտուրները ծածկում են հողով, երկաթով կամ եղէգով:

Տունը դրսից պատրաստ է, բայց նրա ներսից դեռ էլի շատ գործ կայ. պէտք է յատակն ու առաստաղը տախտակել, վառարանները պատշաստել, դռները կախել, լուսամուտների փեղկերը հագցնել. պէտք է պատերը կամ ներկել, կամ թուղթ կալցնել: Երբ որ տունը պատրաստում է, նրա մէջ բերում-դարսում են զանազան կարասիներ և ամանեղէններ. յետոյ կանչում են քահանային: Քահանան օրհնում է տունը, և այնուհետև սկսում են նրա մէջ բնակուիլ:

Բառեր՝ հիւսն—դուրգար. որմնադիր—պատրաշ. հիմքը—ФУНДАМЕНТЪ. կոճեր—ճեղքած գերաններ. յատակ—տակը, (ПОЛЪ). առաստաղ—օձորք, (ПОТОЛОКЪ). փեղկերը—դռան կամ լուսամուտի տախտակները, ծածկոյնները, (СТАВНИ):

Ջոկեցէք եւ գրեցէք նախ շնչաւոր եւ ապա անշունչ առարկաների անունները:

### 28. ՏՄՆ ՕՐՀՆՈՒԹԻԻՆԸ

Նոր տունն արդէն կանգնած է,  
Բայց դեռ ծածկած, սարքած չէ.  
Արև, անձրև կարող են  
Ամեն կողմից ներս մտնեն:

Ուստի խնդրում ենք աշխարհի Արարչից,  
Որ կամենայ իւր երկնային խորանից  
Աջողութիւն եւ օրհնութիւն վայր ցօղել  
Այս տան վերայ, որ մընում է անծածկել:  
Եւ թող նա մեզ նախ և առաջ պարզուէ՝  
Մեր ցորենի ամբարներին լիութիւն,  
Եւ յարկի տակ պարկեշտութիւն, ժըրութիւն,  
Եւ մանաւանդ առողջութիւն մեր զոմում,  
Եւ մեր զինուն քաղցը ճաշակ մառանում.  
Եւ թող նա մեր խաչակնքէ դուռ, երդիկ,  
Որ ներս մըտնել չկարենան չար ոգիք:

Եւ որ նորաշէն այս օրհնեալ զըռնէն  
Պարկեշտ երեխայք ել ու մուտ անեն:

Իէհ, որմնադիր, ծածկէ-պըրծի քո շէնքը.  
Տանրս վերայ իջաւ Տիրոջ օրհնէնքը:

Բառեր՝ Արարիչ—ստեղծող, Աստուած. երկնային խորանից—երկնային բնակարանից. վայր—ցած, ներքև. ցօղել—չաղ տալ. պարգև—ընծայ. պարգևել—տալ, ընծայել. ամբար—ցորնատուն, պտղատուն. ժիր—աշխատող, զրինգ. ժրութիւն—աշխատասիրութիւն. ճաշակ—համ. մառան—պաշարանոց:

Արտագրեցէք Նշանակած առակարների անունները. նրկատեցէք, որ այդ առարկաները մենք մեր հինգ զգայարաններով ճանաչել չենք կարող. դրանց մենք մտքով ենք ըմբըռնում:—Մտաւոր առարկաներ:



### 29. ՀԱՅՆ ՈՒՏԵԼՈՎ՝ ԲԱՆՆ ԱՆԵԼՈՎ

Աշխատասէր մանուկը, լուսամուտի առաջ նստած, պատրաստում էր դասերը. փայլուն արևն էլ զբսից նրան ասում էր. «Բաւական չէ, ինչ կարդացիր, վեր կաց, խաղերդ սկսիր»: Մանուկը պատասխանում է արեգակին. «Ո՛չ, պայծառ արեւիկ, ո՛չ. այժմ խաղի միջոց չունեմ. թո՛ղ առաջ դասս վերջացընեմ»:

Մանուկը գրում է ու կարդում, իսկ պատուհանի տակ, ձղան վրայ նստած, սիրուն թռչունն է երգում և միշտ այս բանն է ասում. «Հերիք չէ կարդաս. մի քիչ էլ խաղաս»:

Մանուկը թռչունին պատասխանում է. «Ո՛չ, սիրուն թռչնակս, ո՛չ. այժմ խաղի միջոց չունեմ. թո՛ղ առաջ գործս վերջացընեմ»:

Մանուկը դարձեալ նստած է՝ գիրքն առաջին և լուսամուտին էլ չէ նայում. իսկ պարտէզի կարմիր կեռասը ականջի տակ այս է ասում. «Բաւական չէ քեզ՝ ինչքան կարդացիր. դո՛ւրս արի գուռը, ծառը բարձրացիր, հասած պտուղներս կեր, ուրախացիր»: Մանուկը կեռասին պատասխանում է. «Ո՛չ, իմ քաղցրատես կեռաս, ո՛չ. այժմ խաղի միջոց չունեմ. թո՛ղ առաջ դասս վերջացընեմ»:

Մանուկը կարդաց ու գրեց, բոլոր գործը վերջացրեց, գրքերն արկղի մէջը դրեց, ապա դէպի այգին վազեց ու համարձակ ձայնով ասեց՝ «դասերս պրծայ, ո՛վ էր ինձ կանչում...» Արեգակն արդէն ժպտում է նորան. փոքրիկ թռչնակը անուշ երգ հիւսում. կեռասի ծառը, ծիծաղը դէմքին, հասած պտուղներ նորան նուիրում:

Բառեր՝ միջոց չունեմ—ժամանակ չունեմ. կեռաս—գիլաս, բալ. քաղցրատես,—սիրուն տեսք ունեցող (քաղցր—տեսք). արկղ—եաշիկ. ընծայում էր—տալիս էր, նուիրում էր:

Որոնեցէք եւ արտագրեցէք բոլոր շնչաւոր եւ անշունչ առարկաների անունները:—Աւելացրէք ձեզանից միջանի մըտաւոր եւ հոգեւոր առարկաների անուններ:

### 30. ԳՆՐՈՒՆ



արուն սիրուն ու նախշուն  
Բերեց մեր տուն բիւր ողջոյն.  
Սոխակն ունէր իւր գրկին,  
Վարդըն ունէր իւր սրտին,

Արօտ դալար՝ ուսերին,  
Մարեակ, ծիծառ՝ ձղներին,  
Յատակ աղբիւր, պարզ առուակ,  
Հազար ու բիւր սար, ձորակ,  
Հովիտ, անտառ, դաշտ և մարդ  
Ջուր ցանէին սառնորակ:

Բառեր՝ բիւր—շատ (տասը հազար). արօտ—արածելու տեղ. գալար—ոչ չոր, թարմ, կանաչ. սարեակ—սարեկ թռչունը, մոշահաւ.



քիծառ—ծիծեռնակ. յստակ—իստակ, մարուր. ձորակ—փոքրիկ ձոր. հովիտ—ընդարձակ ձոր. դաշտ—տափարակ տեղ. մարգ—փոքրիկ կանաչ տափ, թալայ. սառնորակ—սառք, շատ զով:

Առարկայի անունը:—Ամենայն առարկայ անուն ունի: Նկատեցէք այստեղ յիշած առարկաների անունները. բաժանեցէք նրանց երկու խումբի՝ անուններ, որոնք առարկայի մէկն են ցոյց տալիս և անուններ, որոնք ցոյց են տալիս առարկայի շատը (գարուն, ողջոյն, ուսեր, ձգներ):

31. ՈՅԺՆ ԻՐԱՒՈՒՆՔ 2Է

Փոքրիկ Սաթինիկը գնաց այգին, նստեց ծառի տակը և սկսեց տիկինի խաղալ: Նրա հղբայր Սուրէնը ներս վազեց այգին, Սաթինիկի ձեռքից տիկինը խլեց, հեծաւ իւր փայտէ ձին և սկսեց չափ գցել այգու մէջ: Սաթինիկը կանգնած լաց էր լինում:

Սուրէնի մեծ եղբայր Վահանը կամեցաւ ինքը խաղալ. նա խլեց Սուրէնի ձեռքից տիկինն էլ, ձին էլ. Սուրէնը գնաց, գանգատուեց հօրը. իսկ հայրը, լուսամուտի առաջ նստած, բոլորը տեսել էր:

Ի՞նչ կ'ասէր հայրը Սուրէնին:

Բոլոր անունները երկու խումբի բաժանեցէք՝ ա) անուններ, որոնց կարելի է փոփոխել—մէկից շատ շինել (այգի—այգիներ, ծառ—ծառեր) եւ բ) անուններ՝ որոնց չի կարելի փոփոխել, մէկից շատ դարձնել (Սաթինիկ բայց ոչ Սաթինիկներ):

32. ՀԶՕՐ ԺԱՐ

Երբ իմ ծնողքս կամ ես եմ տկար,  
Եւ կամ հանդիպի մի այլ պատահար,  
Երբ-որ աշխարհի մէջ կայ ցաւ կամ սով,

Երբ-որ մարդիկ են իրար հետ խըռով,—  
Այդ ամեն չարին ունիմ ես մի ճար.  
Այդ իմ աղօթքն է ամենի համար:

ա. Առարկայի մէկը՝ ցաւ, սով, ճար, տուն, սիրտ, սար, դաշտ, մարգ, ջուր...

Առարկայի շատը՝ ցաւեր, սովեր, ճարեր, տներ, սրտեր, սարեր, դաշտեր, մարգեր, ջրեր...

բ. Առարկայի մէկը՝ գարուն, սոխակ, սարեակ, ծիծեռնակ, աղբիւր, առու, մանուկ...

Առարկայի շատը՝ գարուններ, սոխակներ, սարեակներ...  
Եղակի թիւ. յոգնակի թիւ:

33. ԱՌԱՒՕՏԵԱՆ ՃԱՌԱԿԱՅԹՆԵՐԸ

Պայծառ արևը բարձրացաւ երկինքը և տարածեց իւր ոսկէփայլ ճառագայթները, որ արթնացնէ քնած երկիրը:

Առաջին ճառագայթը թռաւ, արտոյտի վրայ ընկաւ: Արտոյտը թրպրտաց, թափ տուեց թևերը, դուրս թռաւ բնից, շատ ու շատ բարձրացաւ և երգեց իւր ոսկէհնչիւն երգը. «Ա՛խ, ինչքան լաւ է առաւօտեան պարզ և թարմ օդի մէջ թռչիլը, ինչքան լաւ է, ո՛րքան դուրեկան»:

Երկրորդ ճառագայթը նապաստակի վրայ ընկաւ: Նապաստակը ականջները շարժեց և ուրախ-ուրախ թռուկոտաց դէպի ցօղապատ մարգագետինները. վազեց-գնաց նախաճաշիկ անելու հիւթալի խոտերով:

Երրորդ ճառագայթը հաւարունը մտաւ: Աքաղաղը թափահարեց թևերը և երգեց՝ ծո՛ւ-ղըո՛ւ-ղո՛ւ: Հաւերը ցած եկան թառերից, կըրկուացին, սկսեցին քըջքըջել աղբը և ճիճուներ որոնել:

Չորրորդ ճառագայթը փեթակի վրայ ընկաւ: Մեղուն



դուրս սողաց իր մոմեղէն խցից, կանգնեց փեթակի դռան առաջ, ուղղեց իւր թևերը և բզկալով թռաւ գնաց մեղր հաւաքելու հոտաւէտ ծաղիկներէց:

Հինգերորդ ճառագայթը մտաւ մանկանոցը և ընկաւ փոքրիկ ծոյլ մանուկի անկողնու վրայ ու սկսեց ուղղակի նրա աչքերը ծակծկել. բայց նա շուռ եկաւ միւս կողքի վրայ և նորից քնեց:

Բառեր՝ տարածեց—փռեց. ճառագայթները—շողերը. արտոյտ—արեղաձագ թռչունը, (жаворонокъ). ոսկէհնչիւն—ոսկու նման ձայն հանող. թարմ—թաղայ, մարուր, նոր. ցօղ—շաղ. ցօղապատ—շաղաթաթախ. մարգագետին—կանաչ տափ, (лугъ). նախաճաշիկ—առաջին ճաշը (закуска). հիւթալի—սննդարար, հիւթով լիքը. որոնել—պտըրտել. փեթակ—մեղուի տնակը, քթոցը. խուց—փոքրիկ տնակ:

Արտագրեցէք բոլոր շնչաւոր առարկաների անունները՝ թուերը փոխելով: Արտագրեցէք բոլոր անշունչ առարկաների անունները՝ թուերը փոխելով:

### 34. ՕՐՕՐՈՅԻ ԵՐԳ

Արի, իմ սոխակ, թինդ պարտէզ, մէրին,  
Տաղերով քնն բեր տըղիս աչերին.  
Բայց նա լալիս է. դու, սոխակ, մի՛ գալ,  
Իմ որդին չուզէ տիրացու դառնալ:

Ե՛կ, արեղաձագ, թինդ արտ ու արօտ,  
Օրօրէ տըղիս, քընի է կարօտ.  
Բայց նա լալիս է. դու, ծնգուկ, մի՛ գալ,  
Իմ որդին չուզէ արեղայ դառնալ:

Թինդ դու, տատրակիկ, քո ծագն ու բունը,  
Վուժույով տըղիս բեր անուշ քունը.

Բայց նա լալիս է. տատրակիկ, մի՛ գալ,  
Իմ որդին չուզէ սրգատը դառնալ.

Կաշաղակ մարակիկ, գող, արծաթասէր,  
Շահի գրուցով որդոս քննը բեր.  
Բայց նա լալիս է, կաշաղակ, մի՛ գալ,  
Իմ որդին չուզէ սովըագար դառնալ:

Թինդ որսը, արի՛, քաջասիրտ բազէ,  
Քո երգը գուցէ իմ որդին կ'ուզէ.  
Բազէն որ եկաւ, որդիս լըոնցաւ,  
Ռազմի երգերի ձայնով քընեցաւ:

Բառեր՝ սոխակ—բլբուլ. մէրի—անտառ. արեղաձագ—արտուտիկ. արեղայ—վարդապետ. տատրակ—աղունակի տեսակ մի թռչուն. կաշաղակ—քըչեղակ (сорoka). բազէ—ղզլ-ղուշ, որսի թռչուն, (соколъ). ուղմի երգեր—պատերազմի երգեր:

Կրկնեցէք սովորաձներդ՝ առարկայ, շնչաւոր առարկաներ, անշունչ առարկաներ, մտաւոր առարկաներ, հոգևոր առարկաներ. առարկայի անունը, անուան թիւը—մէկը և շատը: Օրինակներ այս դասից:

### 35. Կ Ա Ի Ի Ա

Փոքրիկ նազելին վաղուց գիտէր, որ կաւիճով զրուս են զրատախտակի վրայ, որ նրանով կարելի է ձեռներն ու շորերը փոշոտել, որ նա սպիտակ է ու փափուկ և կարելի է փշրել, փոշի դարձնել. Ուրիշ ոչինչ չէր իմանում նազելին կաւիճի մասին: Մի անգամ նա հարցրեց ագլանուն. —Ո՞րտեղից են ստանում կաւիճը:

—«Խանութներից», պատասխանեց աղախինը:  
—Չատ լաւ, իսկ խանութներում ի՞նչ տեղից է:  
«Մարերից... այդպիսի սարեր էլ կան»:



— Հահ, ուրեմն դա հող է, մտածեց Նազելին և էլ ոչինչ չհարցրեց:

Բայց որքան զարմացաւ մեր Նազելին, երբ մի անգամ նկատեց գրքի մէջ մի այնպիսի պատկեր, որպիսին նկարած է այստեղ, և նրա տակը կարդաց՝ կաւիճ: Նազելին վազեց իւր մօր մօտ.



«Մայրիկ, սիրելի մայրիկ, մի՞թէ սա կաւիճ է նկարած»:

— Այո, որդի, տեսնում ես, գրած է...

«Բայց մեր կաւիճը այդպէս չէ, մայրիկ»:

— Նա էլ այդպէս կ'երևի, եթէ խոշորացոյցի տակ դնենք: Խոշորացոյցը մի ապակի է, որ առարկաները ցոյց է տալիս մեծ դիրքով:

Այնուհետև մայրն սկսեց պատմել, թէ ինչից և ինչպէս է գոյանում կաւիճը \*):

Նկատեցէ՛ք նշանակած բառերը՝ փոքրիկ Նազելի. խելօք Նազելի. ծոյլ Նազելի. աշխատասէր Նազելի.— Փափուկ կաւիճ, պինդ կաւիճ. ծանր կաւիճ. թեթև կաւիճ.— Սպիտակ փոշի. սև փոշի. դեղին փոշի. կարմիր փոշի:

Նշանակած բառերը մի առարկայ ջոկում են (որոշում են) իրան նման մի ուրիշ առարկայից—ցոյց են տալիս, թէ առարկան ինչպիսի է (որպիսի է):

\*) Ուսուցիչը բացատրում է.

Կաւիճը այն մանր կենդանիների բունն է, որոնք շինում են կաւիճէ և կրէ լեռներ: Դրանք բնակում են ծովային ջրերում և այնքան մանր են, որ հասարակ աչքով չեն տեսնում: Ուսումնականներն այդ մանրիկներին անուանում են ինֆուզորիա: Նրանք շատ են և իրանց մանր կաշուի մէջ սողում են ջրի յատակում... այնտեղ ապրում են—ապրում ու մեռնում, իսկ իրանց կաշին—վահանը թողնում են ջրի յատակում: Ջուրն էլ աւազի հետ քշում է նրանց իրան ալիքներով դէպի ծովի ափերը: Նրանք այնքան շատ են, որ շնայե-



36. Թ Ռ Չ Ն Ի Կ

Երէկ բացի ես դռնակը այն բանտի, Որի մէջը խեղճ թռչնիկն էր բանտարկուած. Նրան տուի ազատութիւն ցանկալի, Եւ դաշտերին իրանց երգիչը կորած:

Թռաւ—անցաւ նա նուրբ օդը ճեղքելով, Պայծառ օրուայ թարմութիւնը զգալով. Թռաւ—անցաւ ազատութիւն շնչելով Եւ ինձ համար մեղմ, մնջիկ աղօթելով:

Բառեր՝ դռնակ—փոքրիկ դուռը. բանդ—արգելարան, վանդակ. բանդարկել—բանդը դնել, տուն գրցել. ազատութիւն տուի—արձակեցի. ցանկալի—ինչ որ ինքը կամենում էր, ուզում էր. նուրբ—նօսրը, ոչ-թանձր. պայծառ—պարզ, մաքուր. թարմ—թաղայ. թարմութիւն—նոր լինելը, թաղայ լինելը. մեղմ—կամաց. մնջիկ—ցածր ձայնով, մտքումը:

Արտագրեցէ՛ք որոշող բառերը առարկայի անուան հետ՝ խեղճ թռչնակ, ցանկալի ազատութիւն, նուրբ օդ, պայծառ օր...

լով իրանց մանրութեան, այդ մեռած մարմինները միմեանց վրայ դարսուելուց ծովի յատակից, շատ տարիներ անցնելուց յետոյ, վեր է բարձրանում և հսկարտաբար փայլում է արեգակի տակ մի ամբողջ սար: Ահա ինչպիսի նշանատր կենդանիներ են այն մանրիկները. նրանք մինչև անգամ ամբողջ սարեր են շինում: Երբեմն այն սարերի վրայ աճում են խոտեր, թփեր, և շինում են քաղաքներ, դիւղեր: Մեր պատերն սպիտակացնող կիրն էլ քիչ չունի այն ջրային մանրիկների պատեաններից:



37. Ս Պ Ո Ւ Ն Գ

Փոքրիկ Սաթինիկը՝ հեալով և հագիւ շունչ քաշելով, ներս վազեց մօր սենեակը և բացականչեց. «Մայրիկ, մայրիկ, տես թէ ինչպիսի սև մարդ է անց կենում մեր փողոցով. նրա վրայ, ոտից մինչև գլուխը, կախկիտուած են մի տեսակ գեղեցիկ փափրիկ բաներ, սիրուն ծակոտիներով: Նրանցից մինին ես այն էր ձեռք էի տալիս, բայց որ իմանաս, թէ նա ինչպէս ծիծաղելի կերպով կուշ եկաւ, կ'ասես թէ վախեցաւ ինձանից. իսկ յետոյ ինքն իրան էլի ուղղուեց»:

— Հա՛, հասկանում եմ, ասաց մայրը. դա սպունգ վաճառող յոյն է. գնանք-գնենք մի քանիսը. ես վաղուց մտադիր էի գնել Յոլակի համար: Եւ բռնելով Սաթինիկի ձեռքից, մայրը դուրս գնաց բակը, ուր ներս էր եկել սպունգ վաճառողը:

Մինչև որ Սաթինիկի մայրը ջոկում էր սպունգներից աւելի ամուրներն ու փափուկները, աղջիկն անդադար սեղմում էր կամ մէկ կամ միւս սպունգը. նրան սաստիկ գրաւում էր այն բանը, թէ ինչպէս են նրանք սեղմում և նորից բացում, լայնանում: Մայրը գնեց մի քանի սպունգ, վճարեց նրանց արժէքը և յոյնն էլ արդէն պատրաստում էր հեռանալու, բայց Սաթինիկը դեռ էլի բռնում էր իւր փոքրիկ թաթիկներով չեշոտ սպունգները և հետաքրքրութեամբ նայում էր կամ յոյնին կամ մօրը:

— Գէ՛հ, գնանք, աղջիկս, տեսնում ես՝ ծախողը հեռանում է:

«Իսկ դա որտեղից է հաւաքել այդքանը, մայրիկ»:

— Գնանք, գնանք. ես յետոյ տանը կը պատմեմ քեզ: Եկան տուն: Աղջիկը չէր հեռանում մօրից, այլ շա-

րունակ խնդրում էր, որ պատմէ, թէ որտեղից է հաւաքել յոյնը այդքան սպունգները:

Մայրը կատարեց իւր աղջկայ խնդիրը և պատմեց, թէ ինչ տեղից և ինչպէս է ստացւում սպունգը \*):

Բառեր՝ հեալով—շուտ շուտ շնչելով, հեթեթալով. բացականչեց—բարձր ձայն տուեց. մտադիր եմ—միտք ունեմ. գրաւում էր—դիւր էր գալիս, հետաքրքիր էր թւում. սեղմել—հուպ տալ. սեղմուիլ—կուշ գալ, հուպ գալ. վճարել—արժէքը տալ. շարունակ—միշտ, անդադար:

Մայրը ջոկում էր ամուր սպունգներ. մայրը ջոկում էր փափուկ սպունգներ:—Մայրը ջոկում էր ամուրները. մայրը ջոկում էր փափուկները:

Առարկայի որպիսութիւնը ցոյց տուող բառերն էլ թիւ ունեն. նրանք առարկայի հետ միշտ եզակի են դրում. իսկ երբ առարկան չկայ—յոգնակի:

\*) Ուսուցիչը պատմում է.

Այն երկիրը, որտեղ ապրում են յոյները, կղզիներով ցրուած է ծովի մէջ: (Ծովը մի մեծատարած ջուր է, այնքան մեծ, որ երբ մի անգամ նրա մէջն են մտնում, էլ շուտով ցամաքի երես չեն տեսնում): Այս ծովի ափերի մօտ յոյներից աղքատները լողալով խորասուզում են ջրի տակը և այնտեղից հանում են այդ սպունգները: Ջրիցը նոր հանած ժամանակը սպունգները ամենևին նման չեն լինում մեր գնածներին. նրանք ամբողջապէս ծածկուած են լինում լորձիւնով, այնպէս որ այդ խոր ծակոտիներն ամենևին չեն նշմարւում: Այն լորձիւնը նոյնպէս կենդանի է և ապրում է ծովի յատակում, թէև ամենևին չէ կարող իւր տեղը փոխել: Բայց քանի որ նրան չեն պոկել իւր ծննդեան տեղից, նա ապրում և շարժում է իւր շօշափուկները: Այդ շօշափուկներով նա ջրիցն ընդունում է իրան սնունդը: Նրանք շատ անգամ բռնում են բաւական մեծ տարածութիւն ծովի խորքում: Երբ-որ ծովի տակից հանում են նրան, ստիպուած են լինում երկար ժամանակ լուանալով մաքրել այդ անշարժ կենդանու անախորժահոտ լորձիւնը, մինչև որ հասնում են նրա փափուկ, ծակոտկենաւոր մասերին, որոնք հիմա էլ ներս են ծծում ջուրը, բայց հէնց սեղմում ես թէ չէ,



38. Գ Ա Ր Ն Ա Ն Կ Ա Ր Ա Պ Ե Տ

Մարտըն անցաւ, հասաւ ապրիլ գեղեցիկ,  
Հեռու աշխարհից եկաւ ծիծեռնիկ,  
Բարճով դու եկար, զարնան կարապետ,  
Բուն շինողներից ամենից վարպետ:

Կռռնկը թուաւ գնաց վերերէն,  
Սոխակն էլ փախաւ մեր պարտէզներէն.  
Մէկ դու մնացիր ճնճղուկների հետ,  
Սիրուն ծիծեռնակ, զարնան կարապետ:

Պատուհանիս մօտ շինիր քո բունը,  
Անուշ ճուղոցով երգիր զարունը,  
Ածան ձու, հանիր գեղեցիկ ձագեր,  
Ու մնան մեզ մօտ մինչև սեպտեմբեր:

Բառեր՝ կարապետ—ճամպայ բաց անող, առաջից գնացող: Կարապետ—տղամարդու յատուկ անուն. վերերէն—վերններից. ճնճղուկ—ծիտ. երգիր զարունը—երգ ասան զարնան մասին, գովիր զարունը:

Արտագրեցէք որպիսութիւնը առարկայի հետ՝ գեղեցիկ ապրիլ. հեռու աշխարհ. սիրուն ծիծեռնակ. անուշ ճուղղիւն. քրնքուշիկ ձագեր...

Միևնոյն որպիսութիւնները գրեցէք առանց առարկայի՝ յոգնակի թուով:

Նորից դուրս են թողում: Հէնց իւր այս յատկութեամբն է նա մեզ պիտանի և օգտակար: Ուրեմն մեր ունեցած սպունգը այն ծովային կենդանու ամրամասը, նրա ոսկրակազմն է:

39. Մ Ա Տ Ի Տ

Յուակը շատ սրամիտ մանուկ էր. մի օր նա իւր հօր զրասեղանի առաջ նստած մատիտ էր կտրում իրան համար. բայց քանի կտրում էր, կտրւում էր. թէև մատիտ կտրելը դժուար բան չէր, բայց այսօր գործը չէր յաջողւում: Յուակը մտածման մէջ էր. նա անուշաղիւր էր, նրա համար էլ գործը գլուխ չէր գալիս:

—Ի՞նչ ես անում, փոքրիկս, ներս մտնելով ասաց հայրը. երևում է՝ խելքդ ուրիշ բանի վրայ է, նրա համար էլ գործը ձեռիցդ վայր է ընկնում:

«Այո, հայրիկ, ես ուզում եմ իմանալ, թէ ինչպէս է այս սև ու փայլուն չոփը փայտէ ճիպոտի մէջ մտել ու մատիտ դարձեր»:

—Է՛, որդի, կ'ուզես հարիւր մատիտ կտրատիր՝ ու կտրատիր, բայց էլի քո խելքովդ ոչինչ հաստատ տեղեկութեան չես հասնիր... Դա արդէն շատերին յայտնի է՝ գրքի մէջ կարգան, հարցրո՛ւ... Իսկ ինչոր ամենքն էլ վաղուց գիտեն, նրա մասին հարկաւոր չէ գլուխ ցաւացնել:

«Գրքերի մէջ ես այդ բանին չեմ պատահել, իսկ եթէ դու պատմես, հայրիկ, շատ շնորհակալ կը լինեմ»:

—Չան լաւ. նայիր այդ կտորներին, որ դու այդտեղ թափել ես. նրանք սև են, նշանակում է՝ ինչի նման են»:

«Ածուխի նման են, հայրիկ»:

—Չատ լաւ. բայց նկատիր, որ ածուխն աւելի փափուկ է և, երբոր կտրում ես, հաւասար չէ կտրւում. իսկ երկաթը, տեսել ես, ինչպէս է կտրւում:—Համեմատիր...

«Հասկացայ. այստեղ խառնուած են երկաթն ու ածուխը»:



—ձշմարիտ է, ասաց հայրը և համառօտ կերպով պատմեց, թէ ինչպէս է պատրաստուում մատիտը\*):

Դիտեցէ՛ք եւ զանազանեցէ՛ք՝ կտրել—կտրատել. սրել—սրօտել. քանդել—քանդոտել. փորել—փորփըրել. պատառել—պատառօտել. կոտրել—կոտրատել:

Դիտեցէ՛ք հետեւեալ քառերի կազմութիւնը՝ սրամիտ, գրասեղան, այսօր, կապարաքար:

Մկատեցէ՛ք եւ զանազանեցէ՛ք՝ երկար ճիւղոտ, փայտէ ճիւղոտ. մեծ սար, կաւիճէ սար. բարձր տուն, քարէ տուն. տափակ կտուր, հողէ կտուր:

#### 40. ԱՐԻՆ ԵՒ ԱՐԵՒԷ

Արի, իմ քոյրիկ, լոյս տուր գեղերը,  
Թէ ամաչում ես դուրս գալ պարզ օրը»:  
—Ո՛հ, վախենում եմ ես, լուսին եղբայր,  
Գիշերը շրջել, մարդկանցը լոյս տալ:  
«Յերեկը շրջի՛ր, կը տամ ասեղ քեզ,  
Որ մարդ կը նայի, աչքերը կ'ածես»:

\*) Ուսուցիչը բացատրում է.

Ածուխն ու երկաթը անհաւասար չափով, այսինքն մէկից շատ, միւսից քիչ, հողի տակը խառնուել են միմեանց հետ, միացել են և գրանից առաջացել է կապարաքարը: Մարդիկ էլ գտել են նրան, սղոցել են և անց են կացրել ճիւղոտի մէջ ու մատիտը պատրաստուել է: Բայց այս էլ պէտք է իմանաս, որ սարերում գտած կապարաքարով չեն բաւականացել մարդիկ. այժմ նրանք միևնոյն բանը շինում են արհեստական կերպով, այսինքն՝ գործարանում. դրա համար առանձնապէս շինած հնոցներում երկաթը հալում են, նրա հետ ածուխ են խառնում և կապարաքար են պատրաստում, պատրաստելուց յետոյ՝ նրան ջուրը հոսում են և ստանում դանդան տեսակներ՝ փափուկ, պինդ... Փափուկ մատիտների մէջ երկաթը սակաւ է, իսկ պինդերի մէջ նա համեմատաբար աւելի է:

Այն օրից արդէն աննման քոյրը  
Տալիս է երկրին տաք, փայլուն օրեր.  
Իսկ գիշերները աստղեր անհամար  
Ղուսին եղբօր հետ փայլում են պայծառ:

Գրեցէ՛ք եւ զանազանեցէ՛ք՝ աննման քուրիկ, արեւիկ քուրիկ. անուշիկ եղբայր, լուսին եղբայր. քարի վարժապետ, Յովհաննէս վարժապետ:

Գրեցէ՛ք միքանի զոյգ անուններ միեւնոյն առարկայի համար՝ Թիֆլիս քաղաք, Կուր գետ... (Բացայայտ որոշողներ—բացայայտիչներ):

#### 41. Ռ Ե Տ Ի Ն

Վարդիկը, որ մի փոքրիկ, աշխատասէր ու խելօք մանուկ էր, մի անգամ գրքից դասն արտագրելիս, ք տառի տեղ պ գրեց: Վարդիկը նկատեց իւր սխալը և սկսեց լաց լինել:

«Մի՛ լաց լինիր, սիրունիկ, ասաց նրան իւր մայրը. քան թէ լաց ես լինում, վեր առ, ուղղիր»:

— Բայց այն ժամանակ կը կեղտոտուի, մայրիկ. իսկ վարժապետը պատուիրել է, որ մաքուր և անսխալ արտագրենք:

«Ե՛հ, այդ ցաւին էլ ճար կ'անուի. վեր առ ռետինը ու կամաց և զգուշութեամբ քերիր սխալ գրած տառը. միայն զգո՛յշ կաց, որ թուղթը չը ծակես»:

— Յետոյ այդ քերած տեղը ինչպէս ք գրեմ, մայրիկ. չէ որ թանաքը կը ծծի և աւելի վատ կը լինի:

«Ա՛յ, ինչպէս կ'անես. զգուշութեամբ քերելուց յետոյ՝ դու նրան կը տրորես գրչահատի կոթով. լաւ տրորելուց յետոյ՝ շուտով կը գրես հարկաւոր տառը և իսկոյն աւագ կածես վրան... էլ ոչինչ չի նկատուիր»:



Լացը դադարեց. տառը ուղղուած էր արդէն, և Վարդիկն սկսեց իւր մօրը հարց ու փորձ անել.

— Ո՞րտեղից է, մայրիկ, այդ պատուական ռետինը, որ այդպէս զարմանալի կերպով ձգւում, մատովդ է փաթաթուում, իսկ երբ-որ բաց ես թողում, նորից սեղմւում, կուշ է գալիս: Իսկ այն միւսը հազցրած է փայտի մէջ և ի՞նչ երկար է ու մեծ... Ո՞րտեղից են այդ բոլոր ռետինները, մայրիկ:

«Մի տեսակ ծառ կայ, ասաց մայրը, որ աճում է տաք երկիրներում. այդ ծառից հիւթ է դուրս գալիս, իսկ այդ հիւթիցը կամ խէժիցը մարդիկ պատրաստում են զանազան տեսակ ռետիններ. նրանցից մի քանիսը թանաքով գրածի համար են, միւսները մատիտով գրածի համար: Ռետինից շինում են նոյնպէս կրկնակօշիկներ, կօշիկներ, գնդակներ և ուրիշ շատ բաներ:

Բառեր՝ ռետին—բէզին, խունկ. աճում է—դուրս է գալիս, բուսնում է. հիւթ—ծուծը, ջուրը. խէժ—թանձր հիւթ. կրկնակօշիկ—գալօշ:

Գրեցէ՛ք միջանի շնչաւոր առարկաների անուններ այս դասից. առարկաների մօտ դրէք իրանց յարմարաւոր որպիսութեան անուններ:

Հետեւեալ անունների մօտ դրէ՛ք մի երկրորդ անուն իրանց պաշտօնին համեմատ՝ Վարդիկ, մայրիկ, վարժապետ, աշակերտ, քոյր, եղբայր, քեռի, մօրաքոյր, ընկեր, ընկերուհի, թագաւոր, թագուհի:

### 42 ԵՐԿՈՒ ՔՈՅՐ

Մեզնից շատ առաջ կար մի թագաւոր,

Հողով գեռ արի, գլխով ալևոր.

Մեծ ծով էր պատել նորա աշխարհը.

Ոսկի ասացին գիտունք այն դարը:

Ունէր նա երկու մատղահաս աղջիկ,  
Մինը խիստ տրգեղ, միւսը գեղեցիկ:  
Մի օր տգեղը ասում է միւսին՝  
«Երթանք ծովի ափ, քոյրիկ, միասին»:

Սիրունը գնաց առաջից տրտում,  
Տգեղը յետքից ոխ պահած սրտում.  
Հազիւ թէ ծովի ափին էր հասած,  
Իւր սիրուն քրոջ գլորեց նա ցած:

Կանչեց կիսամեռ սիրունը ջրից.  
«Քոյրիկ, իմ քոյրիկ, փրկէ ինձ մահից.  
«Ես ունիմ տանը գեղեցիկ մանեակ,  
«Ա՛ռ, էն քեզ լինի, պարզէ՛ք ինձ կեանք»:

— Էն առանց քեզ էլ կարող եմ ստանալ,  
Ինձնից փրկութիւն դու բնաւ մի յուսալ:  
«Քոյրիկ, թէ այդ էլ քեզ չէ բաւական,  
Կը տամ քեզ ոսկէ պսակ պատուական»:

— Էն առանց քեզ էլ կարող եմ ստանալ,  
Ինձնից փրկութիւն դու բնաւ մի յուսալ:  
«Քոյրիկ, մի թողնիլ դու ինձ անտէրունչ.  
«Քեզ սիրուն փեսաս կը տամ անտրտունչ»:

Տգեղի սիրտը դարձել էր լեռ քար,  
Քրոջ խնդիրը թողեց անկատար:

Չկնորսը ծովը ձրգեց մեծ ուռկան,  
Բունեց մարմինը սիրուն աղջրկան,  
Ջրիցը հանեց, դրեց ափի մօտ,  
Չատ ծաղիկ ցանեց վրան ու շատ խոտ:



Մի աշուղ անցաւ, տեսաւ աղջրկան,  
 Լացեց ու առաւ, դրեց ուսի վրան,  
 Տարաւ իւր տունը այդ անգին գիւտը,  
 Չորացուց նորա մարմնի դիւի հիւթը.  
 Գեղեցիկ տաւիդ շինեց ոսկրերից,  
 Քաղցրաձայն լարեր հիւսեց մազերից:  
 Երբոր ամեն բան պատրաստեց կարգին,  
 Գնաց արքունիք՝ տաւիղը ձեռքին.  
 Երբ մտաւ դահլիճ շքեղ զարդարած,  
 Տեսաւ տգեղին փեսի մօտ կանգնած.  
 Բացեց բերանը, լարերին խփեց,  
 Հիւրերի առաջ բարձրաձայն երգեց.

«Հնչէ, իմ տաւիդ, հնչէ համարձակ,  
 «Հարազատ քոյրս խլեց իմ պսակ.  
 «Լսէ, իմ ծնող, լսէ սիրական,  
 «Հարազատ քոյրս խլեց իմ փեսան.  
 «Լսէ, ժողովուրդ, լսէ անխըռով,  
 «Հարազատ քոյրս գլորեց ինձ ծով»:

Միւս օրը դահլիճք խարոյկ շինեցին,  
 Մահապարտ քրոջ մէջը գլորեցին:  
 Հուրը պըլպըլաց, աղջիկը կանչեց.  
 «Իմ մեղաց համար Աստուած ինձ պատժեց»:

*Բառեր՝ արի—քաջ, առողջ. ալևոր—ծեր, սպիտակ մազերով ծածկուած. գիտունք—գիտացող, ուսումով մարդիկ. մատղահաս—ջահիլ տարիքով. ոխ—քէն, ջիզըը. մանեակ—ожерелье. բնաւ—ամենեւին. անտրտունջ—առանց գանգատուելու, առանց փրնթ փրնթալու. լեռ քար—պինդ քար, ժայռ. գիւտ—գտնուածք. տաւիդ—քնար, սաղ. արքունիք—թագաւորի պալատը. լարեր—տաւիղի թելերը, սիմերը.*

դահլիճ—սլաշտօնեայ՝ մարդկանց կախելու, գլխատելու, պատժելու համար. հուր—կրակ. իմ մեղաց համար—իմ մեղքերի համար:

'Իհտեցէ՛ք առարկաների արածը, գործածը՝ Միրունը ասում է՝ ես ունեմ տանը գեղեցիկ մանեակ... ես այն քեզ կըտամ... դու պարգեւի՛ր ինձ կեանք:

Տգեղը գնաց, սասց, կանչեց...

Ձկնորսը ձգեց, բռնեց, հանեց, դրեց, ցանեց...

Աշուղը անցաւ, տեսաւ, լացեց, առաւ, դրեց տարաւ, չորացրեց, շինեց, հիւսեց...

Դու փրկէ, լսէ, հնչէ... դու մի յուսար, մի թողնիր...

Արտագրած բառերը ցոյց են տալիս թէ առարկան ինչ է անում, ինչ կանէ, ինչ պիտի անէ, կամ ինչ պիտի չանէ...

43. Կ Ր Ա Կ

Միմոնը գնաց դաշտը: Չատ ցուրտ էր և անձրև էր գալիս. նա դողդողում էր ամբողջ մարմնով: Միմոնը մտաւ անտառը, չոր ցախ ժողովեց, զրպանից հրահանը հանեց, զարկեց իկայծաքարին և կրակ արեց: Նա տաքացաւ, շորերը ցամաքեցրեց և իւր չոր հացի կտորը տաքացրեց, կերաւ:

Կրակի առաջ նստած՝ Միմոնը մտածում էր. «Ի՞նչ լաւ բան է կրակը. առանց նրան ո՛չ կերակուր կարելի է եփել և ո՛չ տաքանալ: Տես, ո՞րքան գործ է շինւում դարբնոցում և գործարաններում: Եթէ կրակը չլինէր, մենք երկաթից ինչպէս պիտի շինէինք պայտեր, խոփ, կացին և ուրիշ շատ բաներ: Աշմարիտ, թէև երբեմն կրակից մենք վնաս ենք ստանում, բայց այդ էլ մեր անզոլուշութիւնից, մեր յիմար անհողութիւնից է լինում: Մենք արեգակիցն էլ ենք տաքանում. նա էլ կրակի նման այրւում է երկնքում: Առանց արեգակի ոչինչ չէր աճիլ՝ ո՛չ դաշտերում, ո՛չ անտառներում և ո՛չ պարտէզներում, և



բորոր կենդանիք ու մաբդիկ կը մեռնէին քաղցածութիւնից, իսկ այժմ Աստուծոյ ողորմութեամբ ապահով ապրում ենք:

Բառեր՝ հրահան—չախմախ. արէթ—դաւ (ТРУТЬ). կայծքար—չախմախքար. դարբին—երկաթագործ. դարբնոց—դարբնի խանութը. գործարան—ուր որ շինում են զանազան գործուածքներ. պայտ—ձիու նալը. խոփ—գութանի երկաթը, որ հողը բարձրացնում, շուռ է տալիս:

Մենք ինչ ենք անում՝ տաքանում ենք, շինում ենք, մըսում ենք...

Սիմոնը ինչ էր անում՝ դողում էր, մտածում էր, ասում էր...

Սիմոնը ինչ արաւ՝ մտաւ անտառը...

#### 44. Գ Ը Ր Բ Ի Ն

Կըռանը ձեռքին, զընդանն առաջին,  
Քիթ-երես մըրոտ, դարբնոցի միջին,  
Կաշուէ դոզնոցը առաջը կապած,  
Լըռիկ կանգնած է մեր Խաչոյ դարբին:

Փուքսը—փո՛ւ-հա-փո՛ւ—փշում է, փշում,  
Կայծեր ու մոխիր դէս ու դէն փըռում,  
Երկաթի մի շերտ հնոցը կոխած,  
Սաստիկ տաքիցը վառում, կարմըրում:

Խաչոն հանում է երկաթի շերտը,  
Զընդանի վրայ կըռանով ծեծում,  
Զինում նրանից պայտ, մեխ ու՝ կացին  
Եւ իսկոյն ջրի տաշտակը կոխում:

Թշնամ է երկաթն ցուրտ ջրի միջին,  
Ամպի պէս փըռում տաք-տաք գոլորշին,  
Կրկին պնդանում, կրկին փափկանում,  
Մինչև պատրաստուած շրպըտում գետին:

Այսպէս ամբողջ օր մեր դարբին Խաչոն  
Կրակի առաջ, այն կեղտ ու մըրում,  
Մի կտոր չոր հաց ձարելու համար  
Կուշ-ձիգ անելով իւր կեանքն է մաշում:

Բառեր՝ կռան—մեծ շարուճ. մուրճ—սովորական շարուճ. զընդան—սալը. շերտը—կտորը. գոլորշի—չոգի:

Արտագրեցէք առարկան եւ նրա արած գործողութիւնը:

#### 45. Օ Դ

—Գու օդ տեսել ես:

—Նա միշտ քեզ մօտ է և դու նրան չես տեսնում:

—Բայց կարելի է լսել, թէ ինչպէս է ձայն հանում նա:

—Տեսնենք:

Ահա քամին ղօղանջում է խողովակների մէջ և սուլելով ներս է մտնում տան ամենայն բացուածքներից. ահա նա խփում է պատուհաններին և սաստիկ փոշի է բարձրացնում ճանապարհներում:

Իսկ ինչ բան է քամին:

Նա օդն է, որ շարժւում է—մի տեղից միւս տեղ է փախչում: Փախչելու ժամանակ նա զարկում է որևիցէ առարկայի և լսում է աղաղակ, շվիոց: Երբ փշում ես փողոյ, կամ սրինդ ես ածում, կամ մտրակդ պտըտացնում ես,—ամեն անգամ ձայն է լսում: Փորձի համար մի թղթի պարկ շինիր և մի փորքիկ ծակ թողելով՝ փչէր, ուռցրո՛ւ նրան, իսկ յետոյ բռունցքով խփիր այդ փշած



պարկին. պարկը սաստիկ կը ճայթի և կը պատուռի: Սա օդն էր, որ դու լցրել էիր նրա մէջ քո բերանից: Երբ-որ վագում ես, զգում ես, թէ ինչպէս է խփում օդը երեսիդ: Նշանակում է՝ նա միշտ քեզ հետ է և դու նրանով ես շունչ քաշում: Առանց օդի դու մի ըռպէ էլ չես կարող ապրել: Երբ-որ դու, լողանալիս, ջրի տակն ես անում, քո շորս կողմից ջուր է լինում: Բոլորովին այնպէս էլ օդն է շրջապատում քեզ ցամաքի վրայ և դու նրան չես տեսնում այն պատճառով, որ նա շատ նուրբ է և թափանցիկ: Օդը մինչև անգամ քո ներսդ էլ է մտնում:

Բառեր՝ ղօղանջում է—զընգ-զընգում է. խողովակ—լուր, (труба). սուլել—շվվացնել. բացուածք—ճեղք. աղաղակ—ձայն, բըղաւոց. փող—խողովակ, ղոււնայ. սրինգ—շվի. մտրակ—դամշի. բըռունցը—դմբուզ (кулак). նուրբ—բարակ, նօսը. թափանցիկ—նուրբ, պարզ, լոյս անցկացնող:

46. ԲԸՄԻՆ ԵՒ ՆԸԻԵՐԸ

Ծովի երեսին հանդարտիկ քամին  
 ձեմում է ազատ՝ ծիծաղը դէմքին.  
 Փոքր ու մեծ նաւեր՝ առագաստ բացած,  
 Նորա ժպիտին նայում են յառած.  
 Քամին հնչում է յաջողակ ու մեղմ,  
 Նորա խաղում են, ձեմում քաղցրադէմ.  
 Կանգնում է քամին, գժւում, բորբոքւում,  
 Տանջւում են նաւերն, ողբում ու սըգում:

Բառեր՝ ձեմում է—զբօսնում է. առագաստ—վարագոյր, նաւի քաթանէ թեւերը, որոնց քամին ուռցնում է ու առաջ տանում նաւը. յառած—աչքը գցած, պլշած. հնչում է—փչում է. յաջողակ—լաւ կողմից. մեղմ—կամայ. բորբոքւում—սաստկանում. սըգում են—սուգ են անում, լալիս են:

Ես ձեմում եմ, դու ձեմում ես, նա ձեմում է. մենք ձեմում ենք, դուք ձեմում էք, նորա ձեմում են:  
 Ես ձեմեցի, դուք ձեմեցիք... Ես կը ձեմեմ, դուք կը ձեմէք...  
 Ես պիտի ձեմեմ, դուք պիտի ձեմէք...  
 Դործողութեան անունն էլ, առարկայի անունն պէս, երկու թիւ ունի՝ եզակի եւ յոգնակի:  
 Արտագրեցէք այս դասից առաջ եզակի գործողութիւնները, յետոյ յոգնակիները:

47. ՈՒՐԻՉԻՆ ՀՈՐ ՓՈՐԵՍ, ԻՆՔԴ ՄԷՋԸ ԿԸՆԿՆԵՍ

Մի ծեր մարդ ապրում էր իւր պառաւ կնոջ հետ: Պառաւը շատ չար կին էր և ունէր մի աղջիկ՝ անունը Զողակաթ: Զողակաթը չարութեան կողմից իւր մօրիցը պակաս չէր:

Ծերը հանդարտ և բարի մարդ էր և ունէր մի աղջիկ, անունը Մարիամ: Մարիամն էլ շատ հանդարտ, աշխատասէր և գեղեցիկ աղջիկ էր:

Խորթ մայրն ամենեւին չէր սիրում Մարիամին: Նա միշտ ասում էր իւր մարդուն. «Ձեմ ուզում Մարիամի հետ կենալ. տանը նրան անտառը, այնտեղ մի գետնափորը գրտիր, թո՛ղ նա այնտեղ մանի, գործի, ինչ ուզում է՝ անի»:

Պառաւն այնքան ասաց, որ խեղճ մարդու գլուխը տարաւ: Էլ ուրիշ ճար չկար. ծերը լծեց սայլակը, վեր առաւ Մարիամին և ճանապարհ ընկաւ: Գնացին անտառը և այնտեղ գտան մի այր: Չատ ցաւում էր ծերը իւր աղջրկայ վրայ, բայց ինչ կարող էր անել: Նա տուեց Մարիամին հրահան, կայծաքար, արէթ և մի տոպրակ բրինձ ու ասաց նրան. «Մարիամ, կրակ վառիր, սրդի, բրնձից քեզ համար կերակուր եփիր, խրճիթդ լաւ սըբբիր—աւելիւր և դու էլ նստիր ու մանիր. մի վախենար, վաղը ես կը գամքեզ տեսութեան»:



Մարիամը մնաց մենակ, ամբողջ օրը մանեց, իսկ երբ-  
որ միժնեց, վառարանը վառեց և իրան համար կերա-  
կուր եփեց: Հէնց որ կերակուրն սկսեց եփ դալ, մին էլ  
տեսնես, յատակի տակից մի մուկը դուրս վազեց և նրան  
ասաց. «Սիրուն աղջիկ, մի գդալ սպաս տաս ինձ՝ ուտեմ»:  
Մարիամը լաւ կերակրեց մկանը. նա էլ շնորհակալութիւն  
արեց ու գնաց:

Ինքը Մարիամն էլ հաց կերաւ ու սկսեց մանել-  
Յանկարծ, կէս գիշերին, մէկ արջ ներս է մտնում խրճիթը  
և ասում է նրան. «Ապա, աղջիկ, կրակը հանգցրո՞ւ, արի-  
աչքակապուկի խաղանք. վեր առ այս արծաթէ զանգակն  
ու զընգզընգացրո՞ւ, իսկ ես կ'աշխատեմ քեզ բռնել»:

Մարիամը շատ վախեցաւ և չէր իմանում, թէ ինչ  
անէ: Բայց այն բոլորին մուկը դուրս վազեց յատակի տա-  
կից, բարձրացաւ Մարիամի ուտերը և նրա ականջումն  
ասաց. «Մի վախենար, Մարիամ, կրակը հանգցրո՞ւ, դու  
էլ դռան յետը թնփ կաց, իսկ զանգակն ինձ տուր»: Մա-  
րիամն այնպէս էլ արեց:

Արջն սկսեց խաղը, բայց ամենեկին չկարողացաւ մկա-  
նը բռնել. մուկը վազում էր և զընգզընգացնում, իսկ ար-  
ջը նրա յետևից պտոյտ-պտոյտ էր անում: Նա շատ այս ու  
այն կողմն ընկաւ, բարկացաւ, կատաղեց, գոռաց բարձր  
ձայնով, սկսեց դադանակով բոլոր անկիւններին ու պատե-  
րին խփել, կոտորեց եղած աման-չամանը, բայց մկանը ինչ  
կարող էր անել: Վերջապէս արջը հանդարտուեց ու ասաց.  
«Դու շատ լաւ աչքակապուկի ես խաղում, աղջիկ, այդ  
պատճառով ես առաւօտեան կ'ուղարկեմ քեզ համար մի  
ջուկ ձի և մի սայլ հարստութիւն»: Ասաց ու գնաց:

## II.

Միւս օրը առաւօտեան պառաւն ինքն ուղարկեց

ծերին անտառ. «Քնա՛, ասաց, տես, շատ է մանել քո  
Մարիամը»:

Ծերը դնաց. իսկ պառաւը նստեց լուսամուտի առաջ  
և ինքն իրան ասում էր. «Անա՛ ծերուկս կը գայ և Մարիա-  
մի ոսկորներն էլ հետը կը բերէ»:

Պառաւը նստած սպասում էր. մէկ էլ լսեց, որ ան-  
տառի կողմից մի չըխկչըխկոցի ձայն է գալիս: Պառաւը  
մտածեց. «Անա՛ ծերուկս գալիս է և Մարիամի ոսկոր-  
ներն էլ հետը բերում է»: Այս խօսքերն ասած-չասած՝ բակի  
դռները բացում են, ձիերը ներս են վազում. իսկ Մա-  
րիամը, իւր հօր հետ սայլի վրայ նստած, անթիւ բարիք  
է բերում: Պառաւը բարկանում, կատաղում է... «Ա՛յ քեզ  
հրաշք, գոռում է նա. վազն էլ իմ աղջկաս տանես ան-  
պատճառ. իմ ձողակաթը քո Մարիամի հատը չէ. նա եր-  
կու ջուկ ձի և երկու սայլ ոսկի կը բերէ»:

## III.

Միւս օրը ծերը պառաւի աղջկան տարաւ անտառի  
այրը և տուեց նրան բոլոր բաները, ինչ-որ իւր աղջկան  
էր տուել: Ձողակաթը կրակ վառեց և ճաշ եփեց: Մուկը  
յատակի տակից դուրս նայեց և ասաց. «Սիրուն աղջիկ,  
խնդրեմ մի գդալ կերակուր տաս»: Ձողակաթը գոռաց  
նրա վրայ. «Կորիք, կեղտոտ անպիտան. դեռ կերակուր էլ  
է ուզում». ասաց ու ճիպոտով խփեց խեղճ մկան մէջքին:  
Մուկը փախաւ, մտաւ իւր բունը. իսկ Ձողակաթը նստեց  
միայնակ, բոլոր կերակուրը կերաւ ու պարկեց քնելու:

Կէս գիշերին արջը ներս մտաւ այրը և ասաց աղջկան.  
«Ա՛յ աղջիկ, արի աչքակապուկի խաղանք. առ այս փոքրիկ  
զանգակը, վազիր և զընգզընգացրո՞ւ, իսկ ես կ'աշխատեմ  
քեզ բռնել»: Աղջիկը վեր առաւ զանգակը և սկսեց վազել.



բայց ուր պիտի փախչէր արջի ձեռքից: Նրա ծնկները ծալոււմ էին, ձեռները դողդողում և զանգակն ինքն իրան գրնգրնգում էր: Իսկ մուկը յատակի տակից ասում էր. «Չար ձողակաթը թող ոչնչանայ, արժանի է»:

Միւս առաւօտ պառաւը մարդուն ուղարկեց իւր աղջկայ յետեից. «Գնա՛, ասաց նա, ձիերը և ոսկին բեր»:

Ծերը գնաց. իսկ պառաւը նստեց դռանը և սպասում էր: Փոքր ժամանակից յետոյ նա լսեց, որ անտառի ճանապարհից թրխկթրխկոցի ձայն է գալիս: Պառաւը մտածեց. «Ահա՛ գալիս է իմ ձողակաթը և իրան հետ անթիւ բարիք է բերում»:

Վերջապէս ծերունին մօտեցաւ դռանը: Պառաւի աղջիկն այնպէս ջարդուած ու կոտրատուած էր, որ հագիւ կարողացան սայլակից ցած բերել: Վատաղեց շար պառաւը, բայց ինչ կարող էր անել:

Մի քանի ժամանակից յետոյ Մարիամը մի խելօք երիտասարդի հետ ամուսնացաւ:

Արտագրեցէք այն բառերը, որոնք ձեզ չեն պատահած...

Արտագրեցէք միքանի գլխաւոր առարկաներ իրանց գործողութիւններով:

Արտագրեցէք միքանի որպիսութիւն ցոյց տուող բառեր այն առարկաների հետ, որոնց համար նրանք դրած են:

Արտագրեցէք այն բոլոր առարկաների անունները, որոնց համար միաժամանակ դրած է երկու անուն (բացայայտող բառեր):

Ջոկեցէ՛ք այն անունները, որոնց մօտ դուք ինքներդ կարող էք աւելացնել մի ուրիշ յարմարաւոր անուն, որ նրանց ո՛վ կամ ինչ լինելը ցոյց տայ (բացայայտէ):



### ՇՐՋԱՆ ԵՐՐՈՐԴ

Նիւթեր կենդանական Աշխարհից

#### 48. Չ Ն Ի Կ

«Ապա, սիրուն շնիկ, կարգա՛, թէ ինչ է գրած իմ գրքը», ասաց Հայկը իւր փոքրիկ շանը:

«Ի՛նչ իմ բանն է գիր կարգալը, ասաց շունը. ես տունը կը պահպանեմ, գիշերները չեմ քնիլ ու միշտ կը հաջեմ, գայլերին կը վախեցնեմ, որսի կը գնամ, նապաստակ կը բռնեմ, բազեր կը դտնեմ. իմ կողից այսքանն էլ բաւական է»:

#### 49. Կ Ա Տ Ո Ի

Փիսիկ-փիսիկ, դու չա՛ր փոքրիկ, շատ սիրուն ես, խորամանկ ես, մետաքսապատ թաթեր ունիս, սուր եղունգով մատներ ունիս: Ականջներդ շուտ են լսում, մեծ աչքերդ մթնում փայլում, երկար բեխերդ ոլորած, խեղճ մկներին մահ ես նիւթում:

Քո ընկերիդ երբ տեսնում ես, պոչդ այս-այն կողմն ես շարժում, մէջքդ ծալում, կուցնում, աչքերդ փակ



մուռացնում, բայց թէ յանկարծ մի խեղճ մուկիկ մի ան-  
կիւնից դուրս է ընկնում, քո պողպատէ թաթիկներով  
գլխին խփում ես, սպանում:

50. ՇՈՒՆԸ ԵՒ ԿՇՏՈՒՆ

Ժամանակով կատուն ճօն էր.  
Չունն էլ գլխին գդակ շունէր.  
Սա մի անգամ, որդիանց-որդի,  
Ճանկել էր մի գառան մորթի.  
Եկաւ մի օր, ձմրան մըտին,  
Կատուի կուշտը տարաւ մորթին:

«Բարի-աջողում, ուստայ Փիտոյ,  
Գլուխս մըսեց, ի սէր Աստ'ծոյ,  
Առ էս մորթին ու ինձ համար  
Գըղակ կարեր գլխիս յարմար.  
Վարձըդ կը տամ, հանդիստ մընայ,  
Միայն՝ խնդրում եմ, չուշանայ»:

— Աչքիս վերայ, քեռի Քուչի,  
Մի գըղակ է, հօ մի քուրք չի.  
Քո պատուական խաթրի համար,  
Ուրբաթ օրը համեցէք, տար.  
Փողի մասին աւելորդ է,  
Մեր մէջ խօսիլն էլ ամօթ է:

II.

Ուրբաթ օրը քեռի Քուչին  
Ուստից առաջ, բաց-բաց կուճին  
Թափ-Յափ տալով, քայլերը մեծ,

Ուստայ կատուի շէմքում կանպնեց:  
Ուստէն եկաւ, քուրքը հագին,  
Չանը տեսաւ. բեղի տակին  
Իրան-իրան քիչ փընթփընթաց  
Ու մուշտարու վըրայ թընդաց.  
— Ի՞նչ եղաւ քեզ, վահ, տընաշէն.  
Չես թողնում որ մի շունչ քաշեն.  
Հեշտ բան հօ չէ. դեռ ես նոր եմ  
Յըրցամ տուել, թէ որ կարեմ:

«Գէհ, հէր օրհնած, այդպէս ասա,  
Այդ բարկանայդ էլ ինչիս ա՛»,  
Ասաւ Քուչին ու նեղացած  
Վերադարձաւ, գլուխը բաց:  
Մին էլ եկաւ. դարձեալ չըկար:  
Այս անգամը դիպան իրար.  
Էլ գող փիտոյ, էլ քաշալ շուն...  
Բանը հասաւ դիւանբաշուն:  
Չունը մինչև զընաց-եկաւ,  
Ուստայ կատուն կոտորը ընկաւ,  
Գլուխն առաւ ու մի գիշեր  
Հայդէ, կորաւ, էն կորչիլն էր...

III.

Այն օրուանից մինչև այսօր  
Չունն այս բանը չի մոռանում.  
Որտեղ կատուին պատահում է,  
Յարձակում է, մորթուց քաշում.  
Իսկ սևերես կատուն յանկարծ  
Յետ է դառնում ու բարկացած



Փըշտացնում է՝ իբր նոր եմ  
Յըրցամ տուել, թէ որ կարեմ:

Բառեր՝ ճօն—քուրք կարող, գլխարկ կարող. քեռի—մօրեղբայր.  
կուճին—գլուխը. թնդաց—բարկացաւ. ցրցամ տուել—ջրցան տուել,  
թրջել. դիւանբաշի—գլխաւոր դատաւոր. յարձակում է—վրայ է  
ընկնում:

51. Ե Ր Կ Ո Ւ Մ Ո Ւ Կ Ը

Փորըիկ մուկը մեծին ասաց. «Ինչքան չար և ժլատ  
է մեր տանուտէրը. տունը կատուներով լցրել է. այս դեռ  
բաւական չէ՝ անկիւններումն էլ թակարդներ է դրել և  
ամեն կերպով կամենում է մեզ ջնջել: Մի՛թէ մեզ շատ  
բան է հարկաւոր. մի կտոր ճարպ, քիչ հացի փշրանք,  
միքանի հատիկներ—ինձ բաւական է:

—Ճշմարիտ է, պատասխանեց մեծ մուկը, մեզ ա-  
մեն մինիս քիչ է հարկաւոր, բայց մենք էլ քիչ չենք:

52. Դ Ա Ղ Տ Ե Յ Ի Մ Ո Ւ Կ Ը

Վախկոտ, մոխրագոյն գաղան,  
Չատ մեծ է քո երկիւղը.  
Ոտներդ զգոյշ ես փոխում,  
Սիրտըդ սաստիկ է շարժում.

Քիչ վախեցիր,  
ես չար մարդ չեմ.  
Քեզ չեմ հալածիլ,  
Միամիտ կացիր:

Քո խրճիթըդ քարուքանդ եղաւ

Եւ հողի հետ հաւասարեցաւ.  
Դու նոր հողը պիտի փորես,  
Փափուկ մամուռ պիտի ճարես,

Նոր տուն շինես,

Մէջը տպրես:

Չորս կողմումդ փշող քամուց  
Խիստ ներդորժող սառնամանուց

Ազատ լինես:



53. 2 Ի

Ձին գեղեցիկ կենդանի է: Նա, երբ-որ ուրախ է, խըր-  
խընջում է եռանդով, ականջները վեր ցցում, աչքերն այս  
ու այն կողմը ոլորում, վիզը սիրուն կռացնում և իւր  
ամուր սմբակներով գետինը թակում: Ձին պարանոցի  
վրայ երկար բաշ ունի, որի մի փունջը, երկու մանրիկ  
ականջների միջով, ծածկում է նրա ճակատը. յետևի կող-  
մը նա ունի հերարձակ ազի, որ տէրերը, թամբելուց յե-  
տոյ, կշկռում, կարճացնում են, կամ սանրում ու երկար  
ձգուած են թողում:

Ձիու բերանը սանձ են գցում, մէջքին սիրուն թամբ



են դնում, փորքաշը կապում, կրծկալը պնդում, երկու կողմից ասպանդակներ կախում, յետոյ հեծնում ու քշում, ուր որ սրտերն է ուզում:

Ձիու սմբակները պայտում են, որ ոտները չվնասուին: Ձին արագ և գեղեցիկ գնացք ունի. նա ուժեղ կենդանիներից մինն է: Երբ աշխոյժ երիվարը չափ է ընկնում, գետինը ոտների տակը, կ'ասես, տատանում է:

54. ՏԻՈՒՐ ԶԻ

Ի՞նչ ես խըրխընջում, իմ ծի եռանդուն,  
Ինչի՞ ես այդպես գլուխըդ կախել.  
Ինչի՞, ինձ ասա, բաշըդ չես շարժում,  
Ձես կոծում բերնիդ սկեփայլ սանձեր:

Մի՞թէ ես քեզ չեմ պատում ու քորում  
Եւ կամ քեզ գարի առատ չեմ տալի.  
Մի՞թէ սարքըդ չէ սիրուն, շողջողուն,  
Կապդ ու փորքաշըդ չե՞ն աբրեշումի.  
Երկզոյգ պայտերըդ չե՞ն արծաթաջրած,  
Ասպանդակներըդ սկզով չե՞ն պատած:

Տխուր ծին ինձի այս պատասխանեց.  
«Ժս նորա համար եմ այսչափ տրտում,  
Որ որոտմունքի ծայներ եմ լսում.  
Ա՛նա փողերի թինդ ու դղրդին,  
Սըրբերի ճայթիւնն աշխարհ է լցնում:

Ես խրխնջում եմ մորմորիչ ծայնով,  
Պատճառ՝ զգում եմ, որ հովիտներով  
Երկար չեմ վազիլ, պատուով չեմ ապրիլ.  
Իմ փայլուն սարքով էլ չեմ պճնուիլ:

Թշնամին անզուլթ—ես այդ զգում եմ—

Իմ ողջ սարքերս պիտի կողոպտէ  
Եւ այս արծաթեայ երկզոյգ պայտերս  
Թեթեւ ոտներիցս նա պիտի պոկէ»:



55. Կ Ո Վ

Կովը ձիու չափ գեղեցիկ չէ և ոչ էլ նրա չափ ուժեղ, բայց օգտակարութեան կողմից նա ոչ մի ընտանի կենդանուց յետ չի մնալ:

Կովի դունչը լայն է, ականջները դէպի այս ու այն կողմն են ցցուած: Կովը վերին ծնօտի վրայ առաջնատամներ չունի, այդ պատճառով էլ նա կծել չէ կարող, բայց դրա փոխանակ կարող է հարու տալ իւր երկու սուր եղջիւրներով:

Կովի ճակատը տափակ է, վիպը բարակ, ողնաշարը դուրս ցցուած, կողքերը փքուած, ոտները կարճիկ, կրճղակները բաժանուած, պոչը վրձնաձև:

Կովը իւր կերակուրը երկու անգամ է ուտում. առաջ խոտը պոկում է, փոքր ինչ ծամւորում ու կուլ տալիս. յետոյ, երբ-որ բաւական պաշար է հաւաքում, կանգնում է կամ նստում մի ապահով տեղ, կուլ տուածը նորից բե-



ըանն է դուրս բերում և հանգիստ կերպով որոճում է, այսինքն իւր տափակ սեղանատամների տակ նորմէկից լաւ աղում, մանրացնում է:

56 Կ Ո Ր Ա Թ Հ Ո Ր Թ

Ձիւն էր դալիս փաթիլ-փաթիլ,  
Հետն էլ անձրև կաթիլ-կաթիլ.  
Այդ միջոցին մի պառաւ կին  
Հորթ էր փընտռում դաշտի միջին:

Կովը եկաւ տաւարիցը՝  
Կուրծ ու ծծեր կաթնով լիքը.  
«Հորթուկս ո՛ւր է», նա բառաչեց,  
Խեղճ պառաւին լացացըրեց:

Մինչդեռ այսպէս պառաւ ու կով  
Ողբում էին լաց ու կոծով,  
Յանկարծ լսուեց մի բարակ ձայն,  
Կովն իմացաւ, որ հորթն է այն:

Կովը վազեց բառաչելով,  
Պառաւն հետքից տընքտընքալով.  
Կորած հորթը մօրը գտաւ,  
Լիք ծըծերը բերանն առաւ,

Ծծեց բոլոր կաթն ու տրուզեց,  
Տան-տիկնոջը բան չթողեց.  
Բայց պառաւը այս անգամին  
Սիրով ներեց չար հորթուկին:

57. ԿԵՆԴԱՆԻՆԵՐԻ ՎԷՃԸ

Կովը, ձին և շունը վիճում էին միմեանց հետ, թէ տէրը նրանցից ո՞րին աւելի է սիրում:

«Ի հարկէ նա ինձ ամենիցդ շատ է սիրում, ասում էր ձին. ես նրա արօրն ու ցաքանը քաշում եմ, անտառից նրա համար փայտ եմ բերում. նա շատ անգամ հեծնում է ինձ և քաղաք է գնում. նա առանց ինձ բոլորովին կորած կը լինէր»:

—Ո՛չ, մեր տէրն ինձ աւելի է սիրում, ասաց կովը. քո արածդ ինչ է, որ մեծ-մեծ էլ խօսում ես. դրա մեծագոյն մասը իմ եղբայր եզն էլ կարող է կատարել. իսկ ես նրա բոլոր ընտանիքը կաթնով կերակրում եմ:

—Դուք երկուսդ էլ սխալում էք, օտնաց շունը. մեր տէրն ինձ ամենիցդ էլ աւելի է սիրում, որովհետև նրա բոլոր հարստութիւնը ես եմ պահպանում:

Կենդանիների տէրը լսեց այս վէճը և ասաց նրանց. «Ձուր տեղը միմեանց հետ մի վիճէք. դուք ամենքդ էլ ինձ հարկաւոր էք և ձեզանից ամեն մինը լաւ է իւր տեղումը»:

58. Կ Թ Ե Լ Ե Ի Հ Ա Ր Ե Լ

(Մարմնամարզական խաղ)

«Աստ, տեսնեմ, մեր զիւղերում  
Կովերն ինչպէս են կրթում»:

—Ահա այսպէս են կրթում.

Հորթը կապում մօր ծընկնից,  
Ծիծը խլում զաւակից,

Կովկիթն իրանց ձեռքն առնում,  
Ապա կողքին կըկրզում:



Փր՛22, բը՛ժժ...

Փր՛22, բը՛ժժ...

Ահա՛ այսպէս են կըրթում,  
Փոքրիկ հորթին լացացնում:

«Ո՛նց են հարում խընոցին,  
Հէնց էսօր էլ հարեցին»:

— Ահա՛ այսպէս հարեցին.

Թոկը ծառից կապեցին,  
Հաստ խնոցին կախեցին,  
Երկու օրուայ հաւաքսը  
Նրա մէջը ածեցին,  
Տաք ու հով ջուր խառնեցին  
Եւ, ծայրերից բռնելով,  
Տարան, բերին, շարժեցին.

Թըր՛խկ, շըր՛խկ,  
Չըր՛խկ, թըր՛խկ...

Ահա՛ այսպէս հարեցին,  
Դեղին կարագ հանեցին:



59. Ո Չ Խ Ա Ր

Ասում են, թէ ոչխարը յիմար է, ես էլ կարծում եմ,  
որ այդ ճշմարիտ է: Հրգեհի ժամանակ ոչխարներն իրանք-

իրանց ընկնում են կրակի մէջ, իսկ երբ-որ տեսնում են  
գայլը, փայտի պէս մնում են իրանց տեղը և յիմարաբար  
կճղակներով գետինը փորում են:

Բայց մեր ինչին է պէտք ոչխարի խելքը. մեզ հար-  
կաւոր է նրա բուրդը՝ գուլպայ, շալ և մահուդ գործելու հա-  
մար, նրա ճարպը՝ սապոն և մոմ շինելու, կաշին՝ կօշիկ-  
ների և մուշտակների, իսկ միսը՝ խորովելու համար:

60. ԳՆԹԸ ԳՆՅԼԻ ՄՈՐԹՈՎ

Մի օր մէկ գառը, չեմ գիտում ինչ էր,  
Խելքին ինչ տեսակ քամի էր փռչել,  
Գըցեց իւր վըրայ մի գայլի մորթի,  
Գընաց, խառնուեցաւ հետը իւր հօտի:

Բայց երբ շների աչքովըն ընկաւ,  
Ասին՝ անտառից ահա գայլ եկաւ.  
Գոռում-գոչումով վրան վազեցին,  
Բերաններն առան ու զըզըզեցին:

Լաւ էր, որ շուտով հովիւը տեսաւ,  
Փայտ ու մահակով նոյն տեղը հասաւ.  
Ու խեղճ գառնուկը կատղած շների  
Սուր ատամներից հազիւ փրկուեցաւ:

Եւ մեր գառը հազիւ հազ,  
Արիւնթաթախ ու նուազ,  
Թոյլ ոտները քաշ տալով,  
Հասաւ գոմը վայ տալով:





61. Խ Ո Ձ

Չատ կեղտոտ է մեր խոզը, կեղտոտ է և շատակեր. ամեն բան ուտում է, ամեն բան ջարդում, տիղմերի մէջ այնպէս է թաւալում, կ'ասես թէ պարզ ջրի մէջ լինի. նա մեծ յօժարութեամբ մտնում է ճահիճների մէջ և էլ չի ուզում դուրս գալ այնտեղից:

Խոզի կնճիթը գեղեցիկ չէ—բուլթ է, քիթը գետնին է հասնում, բերանը՝ ականջներին. իսկ ականջները՝ կեղտաշորի պէս կախուած են: Ամեն մի ոտի վրայ խոզը չորս կճղակ ունի: Նրա պոչը ոլոր է, ողնաշարը դուրս ցցուած, ողնաշարի և պարանոցի վրայ կոշտ մազեր են դուրս եկած: Խոզը երեքի չափ ուտում է, հինգի չափ հաստանում. տէրերն էլ նրան լաւ պահում են և շատ ուտացնում, որովհետեւ նրա ճարպը և մազը լաւ գին ունին:

62. ԽՈՋԸ ԿԱՂՆԻ ԺՆՈՒ ՏԵՎ


Խոզը, հաստարմատ կաղնու տակ կանգնած, Կերաւ կաղինը, գլուխը կախած, Մինչեւ կոկորդը կերաւ, լցուեցաւ, Ապա կաղնու տակ հանգիստ քնեցաւ:

Յետոյ գարթելով՝ բացաւ աչքերը Եւ բուլթ կնճիթով սկսաւ փորել Այն կաղնի ծառի հաստ արմատները, Որից այդ ժամին սնունդ էր առել:

«Չէ՞ որ այդ բանը ծառին վնաս է, Երան վերելից՝ ագոււր կ'ասէ. Եթէ այդպիսով արմատը բանաս, Նա կը չորանայ, այդ լաւ իմանաս»:

—Իսկ ինձ ինչ վնաս, թէ կը չորանայ, Ցածից ասում է նրան խոզն ազահ. Ես դրրա մասին իսկի չեմ ցաւում, Կաղինն է իմն, նա է գերացնում:

Ծառը բարձրիցը՝ «Ապերախտ, ասաց, Ուստի են թափում կաղինները ցած. Գէթ կարենայիր մի վերել նայել Եւ կոյր աչքովդ այդ բանն ստուգել»:



63. Ս Ա Գ Ե Ր

Սագերը գնացին գետի ափը՝ կերակուր գտնելու, ճիճուներ որսալու: Իրիկնապահին պառաւր վեր առաւ ճիպոտը և գնաց, որ նրանց տուն բերի: Սագերը պառաւին



որ տեսան, ջուրը թափուեցան և սկսեցին լողալ: Պառա-  
ւը կանչեց նրանց.

ՋճԼ-ՋճԼ, ջճԼ-ջճԼ, շատակեր,  
Սև ու սպիտակ իմ սագեր,  
Հերիք, որչափ լողացիք,  
Կարմիր տոտիկ լուացիք,  
Հերիք, որչափ գետի մօտ  
Որդեր կերաք դուք տըղմոտ.  
Գընանք, գընանք դէպի տուն.  
Ձեզ կուտ կը տամ իրիկուն:

Բայց չար սագերը խղճուկ պառաւին չուզեցան լսել-  
երկար ու բարակ վիզները ձգեցին, կարմիր թաղանթոտ  
ոտները շարժեցին, լայն թևերը թափ տուին, կտուցները  
բաց արին,

—Ղան-ղան, դան-դան, գոռացին,  
Թող ջուր մտնենք մենք կրկին.  
Դեռ չենք ուզում գնալ տուն,  
Մտնել աղտոտ հաւաքուն.  
Ջրի մէջը վայր ու վեր՝  
Պէտք է մաքրենք մեր թևեր:

Պառաւը նստեց գետի ափին: Սագերը լողացան, լո-  
ղացան, մէկ էլ յանկարծ թևերը թափիթափ տուին, մի-  
մեանց յետևից գողգողալով դուրս թափուեցին ջրից ու  
դէպի տուն վազեցին:

64. Ա Ղ Ա Ի Ն Ի Ն Ե Ր

Սիրուն աղաւնիներ, թաւոտն թռչուններ, կտրին նրս-

տելով, միմեանց նայելով, իրար սիրում են, միշտ համ-  
բուրում են և ձագուկներին մնաս բարով ասելով, դէպի  
դաշտն են շտապում, հատիկներ են հաւաքում, քուչերում  
փափկացնում, իրանց փոքրիկ ձագերին նախաճաշիկ պատ-  
րաստում: Իսկ բնի մէջ ձագերը, քնքոյշ աղաւնեակները,  
նստած են մնում, ուտել են ուզում: Մայրը տուն է յետ դառ-  
նում և պատրաստած սնընդով փոքրիկներին կերակրում:

65. Ծ Ի Ծ Ե Ռ Ն Ա Կ



Ծիծեռնակը, տես, ամենևին չէ  
հանդստանում, ամբողջ օրը թռչում  
է, ծղօտներ է հաւաքում, կտուցովը  
կաւ է կրում, իւր համար բուն է շի-  
նում: Բունը շինեց, վերջացրեց, մէջը երեք ձու ածեց,  
նրանց վրայ շարունակ երեք շաբաթ պինդ նստեց, փոք-  
րիկ ձագեր գոյացրեց: Ձագերը որ դուրս եկան, բերան-  
ները բաց արին և կերակուր խնդրեցին: Ծիծեռնակը թռաւ,  
դաշտը դուրս եկաւ, մծեղներ բռնեց, նրանց կերակրեց:  
Ժամանակը հասաւ. ձագերի փետուրները դուրս եկան.  
Նրանք թևաւորուեցան, իրանց բնից դուրս թռան, հեռու  
ճանապարհ ընկան, կապոյտ ծովերի, մութ անտառների,  
բարձր սարերի վրայից անցան:

66. Պ Ա Ն Գ Ո Ւ Խ Տ Պ Ա Տ Ա Ն Ո Ւ Ե Ր Գ Ը

Ծիծեռնակ, ծիծեռնակ, դու գարնան սիրուն թռչնակ,  
Դէպի ո՞ր, ինձ ասա, թռչում ես այդպէս արագ:

Ախ, թոխր, ծիծեռնակ, ծնած տեղս—Աշտարակ,  
Անդ շինի՞ր քո բունը հայրենի կտուրի տակ:



Անդ հետու աշխոր հայր ունիմ սգաւոր,  
Որ միակ իւր որդուն սպասում է օրէցօր:

Երբ տեսնես դու նորան, ի՞նչից շատ բարեւ արա,  
Ասա, թո՛ղ նստի լայ իւր անբախտ որդու վերայ:

Դու պատմէ՛, թէ ինչպէս աստ անտէր ու խեղճ եմ ես,  
Միշտ լալով, ողբալով կեանքըս մաշուել, եղել կէս:

Ինձ համար ցերեկը մութ է շրջում արեգը,  
Գիշերը թաց աչքիս քունը մօտ չի գալիս:

Ասիր որ չբացուած, թառամեցայ միացած,  
Ես ծաղիկ գեղեցիկ՝ հայրենի հողից զրկուած:

Դէ՛հ, սիրուն ծիծեռնակ, հեռացիր, թռիր արագ  
Դէպի հայոց աշխարհը՝ ծնած տեղս—Աշտարակ:

67. ԿԱՂԱՄԻԻ ԹԻԹԵՌ

Մանուկը պարտէգում բռնեց մէկ սպիտակ թիթեռ  
և բերեց իւր հօր մօտ:

«Դա շատ վնասակար թիթեռ է, ասաց հայրը. եթէ  
դրանք բազմանան, մեր կաղամբը բոլորովին կ'ոչնչանայ»:  
—Մի՛թէ սա այդչափ ազան է, հարցրեց մանուկը:

«Ոչ թէ ինքը թիթեռն է ազան, այլ նրա թրթուրը,  
պատասխանեց հայրը: Այդ թիթեռն ամուսն է շատ մանր  
ծուաներ, իսկ նրանցից դուրս են սողում որդունքներ,  
որոնք անուանում են թրթուրներ: Թրթուրը շատ  
ազան է. նա ուրիշ բան չունի, բացի ուտելն ու մեծա-  
նալը: Երբ նա մեծանում է, պատենաւորում է: Այդ մի-  
ջոցում նա ոչ ուտում է, ոչ խմում, այլ անշարժ ընկած  
է: Մի քանի ժամանակից յետոյ նրանից թիթեռ է դուրս

գալիս, ինչպէս անձ այդ բռնածոյ: Այդպէս է կերպարա-  
նափոխում ամեն մի թիթեռ: Զուից գոյանում են թրթ-  
թուրներ, թրթուրներից պատենաւորներ և պատենաւոր-  
ներից՝ թիթեռներ: Իսկ թիթեռները ձու են ամուսն ու  
մեռնում:

68. Զ Ա Տ Ի Կ

Որդին. նայիր, հայրիկ, ինչպիսի գեղեցիկ, կլորիկ  
բզէզ եմ բռնել: Սրա գլուխը սև է, թևերը կարմիր և թե-  
ւերի վրայ բծեր կան: Մի՛թէ սա կենդանի է, հայրիկ.  
ամենեկին չի շարժում:

Հայրը. Կենդանի է, բայց մեռած է ձևանում. իւր վեց  
ոտները ծալել, փորիցն է կպցրել, բեխերը թազցրել է  
և սպասում է, որ դու նրան վայր գցես խոտերի մէջ: Դրա  
անունը Զատիկ է: Դա շատ օգտակար բզէզ է: Զատիկը  
և աւելի էլ դրա թրթուրները ուտում-ոչնչացնում են շատ  
վնասակար կանաչագոյն միջատներ, որոնք խմբովին կըսլ-  
չում են տերևներին և շատ վնաս տալիս նրանց:

Որդին. նայիր, հայրիկ, բզէզը արթնացաւ և բար-  
ձրացաւ մատիս ծայրը. այնտեղից նա ո՛ւր կը գնայ:

Հայրը. Ահ՜ն կը տեսնես. մտիկ տուր, թէ նա ինչպէս  
շարժում է իւր կարծր վերնաթևերը, իսկ նրա տակից  
հանում—չուում է իւր իսկական թևերը, որոնք թեթև են  
և թափանցիկ:

Որդին. Ահ՜ն թռաւ նա. ինչ խորամանկն է եղել:

69. ԹԻԹԵՌ ԵՒ ՄՆՆՈՒԿ

Մ ա ն ու կ

Սիրուն թիթեռ, ինձ ասա՛,



Թէ ինչո՞վ ես դու ապրում.  
Ամբողջ օրը խաղում ես,  
Ի՞նչպէս է որ չես յոգնում:

Թ Ի Թ Ե Ո

Սիրուն կանաչ դաշտերում  
Ես ապրում եմ համարձակ,  
Ծաղկանց բուրմունքը անուշ  
Իմ կերակուրն է միակ:

Բայց իմ կեանքը շատ կարճ է,  
Նա մի օրից չէ երկար.  
Բարի եղիբ, ո՞վ մանուկ,  
Խնայիր ինձ, ձեռք մի տար:

70. Ն Ր Ե Ղ Է Ն 2 Ի

Ա

Մի ծեր մարդ երեք որդի ունէր՝ երկուսը խելօք,  
Իսկ երրորդը յիմար և կեղտոտ: Գիշեր ու ցերեկ յիմարը,  
տանը վայր ընկած, ոչինչ գործի չէր գնում:

Ծեր մարդը մի օրավար ցորեն էր ցանել: Յորենը  
դուրս էր եկել, մեծացել և գեղեցիկ հասկեր բռներ. մի-  
այն գիշերները մէկը գալիս էր ու տրորում արտը: Այս  
բանին մի ճար անելու համար՝ ծերը իւր որդոցն ասաց.  
«Սիրելի որդիք, գիշերները հերթով գնացէք, արտը պահ-  
պանեցէք և աշխատեցէք գողին բռներ»:

Առաջին գիշերը մեծ որդին գնաց՝ պահպանութիւն  
անելու, բայց կէս գիշերին քունը տարաւ ու քնեց: Առա-

ւօտեան յետ դարձաւ տուն և ասաց. «Ամբողջ գիշերը  
չքնեցի, սառայ, փայտ դարձայ, բայց գող չտեսայ»: Միւս  
գիշերը երկրորդը գնաց, ողջ գիշերը քնեց և առաւօտեան  
միևնոյն լուրը բերեց:

Երրորդ գիշերը հերթը յիմարին հասաւ: Նա մէկ պա-  
րան վեր առաւ և գնաց, արտի մօտ նստեց, գողին սպա-  
սեց: Կէս գիշերին մօտեցած՝ նրա քունը տարաւ: Յիմարը  
վեր առաւ դանակը, մատը մի փոքր կտրեց, մէջը աղ  
ածեց, մրմնջացրեց և այդպիսով քունը փախցրեց: Կէս  
գիշերին, մէկ էլ տեսնես, աշխարհ շարժուեցաւ, քամի  
վեր կացաւ և երկնքիցը հրեղէն թևով մի ձի ցած իջաւ,  
արտի մէջ մտաւ. քթածակերից ամպ էր բարձրանում,  
աչքերում, կարծես, կայծակ էր փայլում: Եւ ձին սկսեց  
ուտել ցորենը. ո՛չ այնքան ուտել, ինչքան կոխոտել:

Փորսող տալով մեր յիմարը կամաց-կամաց մօտեցաւ  
ձիուն և յանկարծ թոկը նրա պարանոցը գցեց, բռնեց:  
Ձին ամենայն զօրութեամբ ձգձգեց, յետի ոտների վրայ  
ծառս եղաւ, բայց մեր յիմարի ձեռքից չազատուեցաւ: Ապա  
կանգնեց ու սկսեց աղաչել. «Յովհաննէս, բարեկամ, ինձ ար-  
ձակիր. ես դրա փոխարէն մեծ ծառայութիւն կ'անեմ քեզ»:

«Ձատ լաւ, բայց ես քեզ յետոյ ինչպէս գտնեմ», աս-  
աց Յովհաննէսը:

— «Երբ-որ կը կամենաս ինձ կանչել, դուրս կը գաս դաշ-  
տը, երեք անգամ կը շվվացնես և կը կանչես. «Հրեղէն ձի,  
հրեղէն ձի, շուտով ինձ հասիր». ես այն ըոպէին քո առա-  
ջը կը լինիմ»: Յովհաննէսն արձակեց ձին և պատուիրեց,  
որ միւս անգամ արտը չտրորէ:

Յիմարը յետ դարձաւ տուն: «Ի՞նչ տեսար, ինչ շինե-  
ցիր», հարցրին նրան եղբայրները: Յովհաննէսը պատաս-  
խանեց. «Ես մի հրեղէն ձի բռնեցի. նա ինձ խոստացաւ,  
որ էլ մեր արտը չի մտնիլ. ես էլ նրան արձակեցի»: Մնա-



ցած բաները նա չպատմեց: Չատ ծիծաղեցին եղբայր-  
ները խեղճի վրայ. միայն, ճշմարիտ որ, այն օրից յետոյ  
ոչ ոք արտին վնաս չէր տալիս:

Բ

Այս անցքից մի օր յետոյ թագաւորից ամեն գիւղեր  
ու քաղաքներ մունետիկներ ուղարկուեցին, որոնք բարձր  
ձայնով կանչում էին և ասում. «Ո՛վ պարոններ, քաղաքա-  
ցիներ, ազնուականներ և գիւղացիներ, մեծ թագաւորը  
տօն է կատարում և ձեզ ամենքիդ հրաւիրում է. երեք օր  
պէտք է ուրախութիւն լինի: Լաւ ձիաներդ վեր արէք.  
Թագաւորի միակ և արեգակից գեղեցիկ աղջիկը բարձր  
բուրգի պատշգամբում նստած կը լինի. ով որ իւր ձիով  
կարողանայ թռչել, թագաւորի աղջկան հասնել ու նրա  
մատից մատանին հանել, թագաւորը նրան իւր աղջիկը  
կնութեան կը տայ»:

Յովհաննէսի եղբայրներն էլ գնացին այս հանդէսը,  
բայց ոչ թէ իրանք թռչելու, այլ ուրիշներին նայելու:  
Յովհաննէսը խնդրեց, որ իրան էլ հետները տանեն: «Իու  
ինչի համար ես գալիս, յիմար, ասացին եղբայրները,  
մարդկանց վախեցնելու, ինչ է. տանը վէր ընկիր»:

Եղբայրները ձի նստեցին, գնացին: Յովհաննէսն էլ  
նրանց յետևից ծածուկ դուրս գնաց դաշտը և իւր հրեղէն  
ձիուն կանչեց: Որտեղից որ էր՝ ձին իսկոյն վագեց, Յով-  
հաննէսի առաջին կանգնեց: Յովհաննէսը ձիու գլխովը  
թռաւ, որից յետոյ կերպարանքն էլ փոխուեցաւ և մի  
այնպիսի քաջ տղամարդ դարձաւ, որ տեսնողն ամենևին  
չէր ճանաչիլ, թէ առաջուայ կեղտոտ Յովհաննէսն է: Յե-  
տոյ նա հեծաւ ձին և քշեց դէպի հանդէս: Գնաց-տեսաւ,  
որ թագաւորի տան առաջ, ընդարձակ հրապարակում,

անհամար ժողովուրդ էր հաւաքուած: Իսկ բարձր աշտա-  
րակի պատշգամբի վրայ թագաւորի աղջիկն էր նստած.  
Ինքը գեղեցիկ լուսնի նման, մատանին փայլում էր արե-  
գակի նման: Բայց ոչ ոք չէր համարձակում դէպի վեր  
ցատկել. ով էր իւր գլխից ձեռք վեր առել: Մեր Յովհան-  
նէսը խփեց իւր ձիու կողերին: Չին մոնչաց ու ցատկեց.



միայն երկու աստիճան մնաց, որ հասնէր թագաւորազն  
աղջկան: Ժողովուրդը լեզուն կծեց—զարմացաւ: Իսկ Յով-  
հաննէսը ձիու գլուխը յետ դարձրեց ու փախաւ: Եղբայր-



ներն ուշ ճանապարհ տուին: Յովհաննէսը մի լաւ մտրակեց նրանց ու անյայտացաւ: Երբ-որ հասաւ նոյն դաշտը, ձիու վրայից թռաւ, իւր առաջուայ կերպարանքն ստացաւ, ձին արձակեց ու տուն գնաց: Եղբայրները երեկոյեան յետ դարձան քաղաքից և զարմացած պատմեցին իրանց հօրը, ինչ որ տեսել էին: Իսկ Յովհաննէսը լսում էր և քթի տակին ծիծաղում:

9.

Հետեեալ օրը մեծ եղբայրները միւսների նման կրկին գնացին հանդէս և Յովհաննէսին հետները չտարան: Յովհաննէսը դուրս եկաւ դաշտը, ձիուն կանչեց, հեծաւ ու քշեց: Երբ-որ թագաւորի պալատին մօտեցաւ, առաջուանից աւելի մարդ տեսաւ. ամենքն էլ թագաւորազն աղջկան էին մտիկ տալիս, բայց ոչ ոք չէր կամենում ցատկել: Նա խփեց իւր ձիու կողերին, ձին մունչաց ու ցատկեց. միայն մէկ աստիճան մնաց, որ աղջկան հասնէր: Ժողովուրդը լեզուն կծեց—զարմացաւ, իսկ Յովհաննէսը ձիու գլուխը յետ դարձրեց ու փախաւ: Նրա եղբայրները ուշ ճանապարհ տուին: Յովհաննէսը նրանց մի լաւ մտրակեց, ճանապարհ բացեց, դէպի դաշտ վազեց, իւր ձին արձակեց ու յետ դարձաւ տուն: Եղբայրներն եկան, իրանց հօրը պատմեցին բոլորը. իսկ Յովհաննէսը լսում էր և քթի տակին ծիծաղում:

Երբորդ օրը եղբայրները նորից գնացին հանդէս: Յովհաննէսը դուրս եկաւ դաշտը և հրեղէն ձին հեծնելով ինքն էլ գնաց. բայց երբ-որ աշտարակին մօտեցաւ, ձիուն այնպէս մտրակեց, որ նրա ազգրի կաշին պլոկուեց: Կենդանին մունչաց, սաստիկ ոյժով վեր ցատկեց և պատըզամբին հասաւ: Յովհաննէսն շտապեց, թագաւորի աղջկայ մատից թանկագին մատանին հանեց, ձիու գլուխը

յետ դարձրեց և սկսեց փախչիլ: Թագաւորը, թագուհին և բոլոր ժողովուրդը սկսեցին զոռալ. «Բռնեցէք, հա՛, բռնեցէք»... Բայց ճրտեղ...

Յովհաննէսը տուն եկաւ՝ ձեռքի մէկը փալասով փաթած: «Այդ ինչ է եղել ձեռքդ», հարցրին հարսները:

«Մորի քաղելիս քարից վայր ընկայ, ձեռքս պլոկուեցաւ, ոչինչ բան չկայ», ասաց Յովհաննէսը ու գնաց, կրակի առաջ ձգուեց:

Եղբայրները յետ դարձան և մեծ զարմանքով պատմեցին իրանց հօրը բոլորը, ինչ-որ պատահել էր քաղաքում: Այդ միջոցին Յովհաննէսը կամեցաւ նայել մատանուն. փալասը բարձրացրեց թէ չէ, բոլոր խրճիթն սկսեց լուսաւորուիլ: «Յիմար, կրակի հետ չեն խաղալ, զոռացին եղբայրները. փոքր մնաց՝ խրճիթը կրակ տայիր. ամենեւին պահելու պտուղ չես. վաղուց պէտք էր քեզ տանից դուրս անել»:

7.

Երեք օրից յետոյ թագաւորից մունետիկներ են գալիս և ասում են, որ բոլոր մարդիկ, որոնք բնակոււմ են նրա թագաւորութեան մէջ, պաշտաւոր են գնալ նրա մօտ՝ խնճոյք անելու, և ով որ թագաւորի այս հրամանը չի կատարիլ, նրա գլուխը կը կտրեն:

Ուրիշ հնար չկար. ծերունին իւր բոլոր ընտանիքով գնաց հրաւէրքի: Եկան, ժողովուեցան, սփռոցի շուրջ շարուեցան, կերան, խմեցին, շատ ուրախացան: Խնճոյքի վերջում թագաւորի աղջիկը իւր ձեռքով սկսեց ամենքին մեղրաջուր բաժանել: Ամենից յետոյ Յովհաննէսին մօտեցաւ: Յովհաննէսն էլ այն օրումն էր, որ թշնամիդ չլինի. շորերը պատառոտուած, մրոտուած, մազերը կեղտոտ, խը-



ճրճուած, ձեռքի մէկն էլ կեղտոտ փալասով փաթաթած.  
խտանկ զգուելի: «Տղայ, ձեռքդ ինչի է կապած, հարցրեց  
թագաւորի աղջիկը. բայց արա, տեսնեմ»:

Յովհաննէսը ձեռքի փաթաթանը յետ արեց. մատի  
վրայ փայլեց թագուհու մատանին: Աղջիկը բռնեց նրա  
ձեռքից, տարաւ իւր հօր մօտ և ասաց. «Հայրիկ, ահա  
իմ փեսացուն»:

Սկսեցին Յովհաննէսին բաղանիք տանել, գլուխը  
սանրել, մազերը օծել, շորերը փոխել . . . և նա այն-  
պիսի գեղեցիկ տղամարդ գարձաւ, որ հայրն ու եղ-  
բայրներն էլ չէին կարողանում ճանաչել նրան: Թագաւո-  
րը եօթն օր, եօթը գիշեր հարսանիք արեց, մեծ խնճոյք  
տուեց և Յովհաննէսին փառքով պսակեց:





# ՇՐՋԱՆ ԶՈՐՐՈՐԴ

Նիւթեր Բուսական Աշխարհից

## 71. Ա Յ Գ Ի

Այգիները երկու տեսակ են՝ պտղաբեր և հասարակ։ Հասարակ այգիները սովորաբար տների առաջ կամ քաղաքի զանազան թաղերումն են լինում՝ զբօսանք անելու համար։ Պտղաբեր այգիները մեծ մասով քաղաքից դուրս են լինում։ Այգիները շրջապատում են ցանկով, պատով կամ ճաղերով (վանդակներով)։ Այգու մէջ տնկում են պտղատու ծառեր, թփեր և պարտիզի ծաղիկներ։ Գեղեցիկ հասարակ ծաղիկներ էլ են բուսնում այնտեղ։

## 72. ԵՐԿՐԱԳՈՐԾԸ ԵՒ ԾԱՂԻԿԸ

Համեստ ծաղիկ դաշտային,  
Վատ ժամի հանդիպեցար.  
Երբ արօրը քշեցի,  
Նրա առաջնն ընկար։

Գեղեցկութիւն դաշտերի,  
Քեզ փրկեկ չըկարացի։

Սրբտի ցաւով, տկամայ,  
Քաղցրը կեանքըդ կարճեցի։

Խոնարհաբար փայլելով  
Իբրև գոհար խոտերում,  
Միամիտ կըսպասէիր  
Արեգակի ծագելուն։

Յանկարծ արօրս սրածայր  
Անգըթաբար քեզ կըտրեց,  
Եւ այսպիսով քաղցր կեանքիդ  
Դըժբաղտաբար վերջ տուեց։

## 73. Պ Ա Ր Տ Է Ձ

Պարտէզները տների մօտ են շինում և չորս կողմից ցանկ կամ պատ են քաշում։ Պարտէզը շատ անգամ մշակում է պարտիզի տէրը, երբեմն էլ պարտիզպանը։ Պարտիզի մէջ շինում են մարգեր (ածուներ) և ցանում են տեսակ-տեսակ ծաղիկներ ու բանջարներ։ Պարտիզում տնկում են նաև պտղատու ծառեր։ Չատ ծառեր էլ կան, որոնք պտուղ չեն տալիս, բայց սիրուն, անուշահոտ ծաղիկ ունին։ Պարտիզին վնաս են տալիս թռչունները, ընտանի կենդանիները և որդերը։ Տար եղանակին մարգերը ջրում են։ Պարտիզի բանջարեղէնները մարդիկ գործ են ածում իբրև կերակուր, իսկ անպէտք մասերը անասուններին են տալիս։ Եթէ պարտիզում միայն բանջարեղէն է ցանած, բանջարանոց կամ ընէզ է կոչում։



74. ԾԱՂԻԿՆԵՐԻ ԵՐԳՔ

Վարդ

Ինձ ամենքը կոչում են  
Ծաղիկների թագուհի,  
Որովհետև ծաղիկս  
Սիրուն գոյն ու հոտ ունի:

Թէև իմ կանաչ թուփը  
Հատ մարդու ձեռք կը ծակի,  
Բայց այս անմեղ յանցանքը  
Ինձ ամեն մարդ կը ների:

ԸՈՒՀԱՆ

Իմ սպիտակ կոկոնում  
Անուշ բուրմունքներ կան շատ,  
Եւ ոսկէնման փոշի  
Մեղուններին բազմաշխատ:

Իմ ցօղունս է նազուք,  
Եւ գազաթս գեղեցիկ,  
Տերևներս ընդարձակ  
Եւ ինքս եմ խիստ հեզիկ:

Իմ հիւրասէր թերթերում  
Մեղու, մրջին, թէ թիթեռ

Կարող են հանդիստ գտնել  
Իբրև ազնիւ գեռուններ:

Յափրուկ

Իմ թուփերս փարթամ չեն,  
Ոչ ծաղիկս փառաւոր,  
Բայց բուրմունքս կը լսեն  
Ամեն մարդիկ հեռաւոր:

Այս պատճառով կարող էք  
Յափրուկ գտնել ամեն տեղ,  
Թէ փոքրիկ պարզ փրնչերում,  
Թէ պարտէզներում շքեղ:

75. Ե Ր Ա Չ Տ

Ամառը չորային էր: Արեգակը օրէցօր բարձրանում էր պարզ երկնքի վրայ: Փոշին ամպի նման տարածւում էր ճանապարհին: Երկիրը քարի պէս պնդացել, ճաքճքոտել էր:

Առունները ցամաքել էին: Ծաղիկները տխրութեամբ կախել էին իրանց գլուխները: Խոտերը դեղնել էին, նորահաս արտերը թառամել: Երկրագործը տխրութեամբ նայում էր իւր արտերին և ասում. «Աստուած իմ, ինչ-որ ինձանից կախուած էր՝ արեցի, հողը՝ որքան կարելի էր, խոր ցեւեցի, ընտիր սերմով սերմեցի և ուշադրութեամբ ցաքեցի. այժմ թող լինի Քո սուրբ կամքը»:

76. ԳԵՐՆԱՆՆԵՐԻ ԸՌՆԻՑ

Գարնան արևը հպարտ բարձրացաւ,  
Երկրագործն իրան մաճը ձեռք առաւ.



Արօրի ետքից հանդարտ գնում է  
 Եւ ուրախ-գուարթ բարձր երգում է.  
 «Ո՛վ է կեանք վարում երկրագործի պէս  
 Գարնան սկզբից միշտ ուրախ այսպէս»:

77. ԲՈՅՍԵՐԻ ԿԵՐԱԿՈՒՐԸ

Պայծառ երկնակամարի վրայ ամպեր երեացին. փոքր-  
 առփոքր նրանք թանձրացան և սև կեղևով ծածկեցին  
 կապոյտ երկինքը, իսկ երեկոյին կենսատու անձրևը ջրեց  
 արօտամարգերն ու արտերը: Գաշտային թառամած բոյ-  
 սերը գուարթացան. նրանք աննկատելի կերպով ծծեցին  
 իրանց բարակ արմատներով թաց հողի սննդաբար հիւթը:  
 Խոտը կանաչեց. ծառերի փայլուն տերևները ազահաբար  
 ներս ծծեցին խոնաւ օդը: Ուրախ-ուրախ տատանուելի  
 սկսեցին ցորենի, գարու և վարսակի արտերը և արագ-  
 արագ լցրին իրանց քստալի հասկերի նիհար հատիկները:

78. ԳԱՐՆԱՆ ՓՈԹՈՐԻԿԸ

Գարնան փոթորիկն ես շատ եմ սիրում,  
 Երբ բարձր օդի մէջ ամպեր են գոռում,  
 Եւ կարծես պայծառ, կապոյտ երկնքում  
 Ուրախ ոստիւնով առաջ են խաղում.  
 Գլորում են, գոռում, անձրևներ թափում,  
 Իսկ կաթիլներից ցնցուղ բարձրանում:

Ձորերի միջով անթիւ առուակներ  
 Ուրախ քրքիջով ցած են գլորում  
 Եւ անտառներում երգող հաւերի  
 Երգի փոխանակ ժայռերն են լինում:

79. ԾԱՌԵՐԻ ՎԷՃԸ

Ծառերը վիճեցին միմեանց հետ, թէ նրանցից ո՞րն  
 է լաւը: Կաղնին ասաց. «Ես բոյոր ծառերի թագաւորն  
 եմ. իմ արմատս գետնի մէջ խորն է մտած, բունս հաստ  
 է, գագաթս երկնքին է նայում. իմ տերևներս կտրատուած,  
 իսկ ճղներս կարծես երկաթից ձուլած լինին: Ես փոթո-  
 րիկների առաջ չեմ խոնարհում, կայծակների առաջ չեմ  
 ընկ-ճըւում»:

Սօսին ժպտաց այս խօսքերի վրայ. «Չատ ես պար-  
 ծենում, ասաց նա. դու մոռանում ես, որ ինձ նման ծառ  
 ողջ Հայաստանումը չկայ. արմատներս անդունդն են հաս-  
 նում, գագաթս ամպերի մէջ է խաղում. ես հարիւրաւոր  
 ճղներ ունիմ, ամեն մի ճիւղս քո բնիցը հաստ: Իսկ իմ  
 բունս... օ, նրա փշակում կարող է մարդս կարիք օրը  
 տեղ գտնել: Համեստութիւն արեցիր, պտուղներդ չի-  
 շեցիր. բայց նրանք էլ խոզերին են քեզ մօտ հրաւիրում.  
 Իսկ իմ կոծոծները թէև սնուցիչ չեն, բայց տերևներիս  
 հետ ձեռք ձեռքի տուած սօսելով, յոգնած ու տոշորուած  
 անցուորականին իրանց ստուերի տակն են առնում,  
 արևից, անձրևից պաշտպանում են»:

Խնձորենին լսեց այս երկուսի խօսակցութիւնը և  
 ասաց. «Դուք երկուսդ էլ շատ էք հպարտանում, բայց,  
 ասացէ՛ք՝ դուք տայիս էք մարդկանց այն, ինչ-որ նրանք  
 ինձանից են ստանում»:

Լսում է մայրին, շարժում է իւր փշոտ գլուխը և ասում  
 է. «Մպասեցէ՛ք, շուտով կը գայ ձմեռը և դուք ամենքդ էլ  
 կը մերկանաք, իսկ ինձ վրայ միշտ կը մնան իմ կանաչ  
 փշերը: Առանց ինձ ցուրտ երկիրներում ապրել չի կարելի.  
 Ես նրանց վառարանները տաքացնում եմ և մարդիկ իմ  
 փայտից իրանց համար խրճիթներ են շինում:



80. ՈՒՌԵՆԻ

«Ուռերի կանաչ, ուռենի սիրուն,  
 Ինչի դու այսօր ուրախ չես ժպտում.  
 Մի՛թէ քեզ սաստիկ արևն է այրում,  
 Արևն է այրում, անձրեւը ծեծում,  
 Արմատիդ մօտից սառ ու ջուր չէ վազում»:

Հայոց աշխարհից իշխաններ անցան,  
 Ուռին կտրեցին—կեանքից զրկեցին.  
 Նրան տաշեցին, տաշտոյրեցին  
 Եւ իրանց համար թիւեր շինեցին.  
 Նաւակ կազմեցին, մէջը նստեցան,  
 Մէջը նստեցան ու տուն յետ դարձան  
 Եւ ինձ, փոքրիկիս, հետները տարան:

81. ՈՒՏԵԼԻՔ ԵՒ ԽՄԵԼԻՔ

Առանց ուտելիքի մարդս քաղցից, իսկ առանց խմելիքի ծարաւից կը մեռնէր: Մարդը իբրև ուտելիք գործ է ածում բուսեղէն, մսեղէն և աղ: Նա խմում է ջուր, թէյ, սուրճ, գինի, գարեջուր...

Ամենահարկաւոր ուտելիքը հացն է. ամենակարևոր և առողջարար խմելիքը ջուրն է:

82. ՀԱՆԵԼՈՒԿ

Մի տուն ունինք, տան նման չի.  
 Գետի ափին, մեծ ժայռի տակ,  
 Կրկրած է մեն-միայնակ.  
 Գիշեր-ցերեկ շար բուի պէս  
 Չայն է հանում, գոռում այսպէս՝  
 Թըր՝ խկ-չըրը՝ խկ,  
 Վը՝ շտ-ճը՝ շտ:

Առուն բարձրից ցած է թռչում,  
 Պատը ծակում, միջովն անցնում.  
 Յատակումը դղրդոց է,  
 Հրբմփոց ու թրըխկոց է:

Տան մէջ երկու ուժեղ զազան,  
 Մինը տակին, միւսը վրան,  
 Առիւծի պէս մօրնչում են,  
 Իրար ըռելս կրոճոտում են . . .

Մրանք մարդ չեն, ոչ արջ, ոչ գայլ,  
 Ինչ էլ որ տաս, քիչ է դարձեալ.  
 Հարամի են իսպառ քաղցած,  
 Էլ չեն լսում ոչ խօսք, ոչ լաց,  
 Գուրս են մղում իրանց փորից  
 Կերակուրը փոշի դարձրած:

Այժմ ասէք՝ այդ ինչ տուն է,  
 Որ մինչ այսօր էլ կանգուն է:

83. ՓՈՐՉԱՆՔ ՈՒ ՊԱՏՈՒՋԱՍ

Գիւղացին ցորեն էր տանում ջրաղացը: Ջոււլը ծակ էր և մի քանի ցորենի հատիկներ թափուեցին ճանապարհին: Ծտերը խմբովին ցած եկան և սկսեցին ուտել հատիկները, բայց աքաղաղը մօտ վազեց և ծտերին հալածեց: Ծտերը դանգատուեցին ցինին: Յինը իւր օրէնքով դատեց նրանց. առաջ պատառոտեց աքաղաղին, իսկ յետոյ խեղդոտեց ծտերին:



84. Զ Ր Ա Ղ Ա Յ

Ջուրը նաւից արշաւելով,  
Կատաղաբար ձայն է հանում  
եւ ջրաղացի յատակի տակ  
Կարծես ամպեր են որոտում:

Անիւնների խիստ շարժուելուց  
Ամբողջ յատակն է դողդողում  
եւ երկանի պտըտուելուց  
Փոքրիկ լեզուակն է չըխշըխկում:

Նա շարժում է օրօրուելով,  
Յորնատաշտի բերնից քաշում,  
Որից վերին երկանի մէջ  
Մաքուր աղունն է կաթկաթում,

եւ քարի տակ մանրուելով  
Ալիւր դարձած ամբարն ածւում,  
Իսկ ջրաղացը գեղեցկապէս  
Իբրև ծերուկ այեգարդում:

85. ՎՈՒՉ ԵՒ ՔԱԹԱՆ

I. Փոքրիկ Հայկանուշը տեսաւ, որ իւր հայրը արտումը բռնով մանր ու փայլուն սերմեր էր ցանում և հարցրեց.

«Հայրիկ, այդ ինչ էս անում»:

— Վուշ եմ ցանում, սողջիկս, որ քեզ ու Բարսեղի համար շապիկ դուրս գայ:

Հայկանուշը մտածման մէջ ընկաւ: Նա երբէք չէր տեսած, որ շապիկներն աճեն արտումը:

Երկու շաբաթից յետոյ ցելը ծածկուեցաւ կանաչ մետաքսեայ խոտերով և Հայկանուշը մտածեց. «Ինչ լաւ կը լինէր, եթէ էս այդպիսի շապիկ ունենայի»:

Մի քանի անգամ Հայկանուշի մայրը և քոյրերը գնացին արտը քաղհանելու և ամեն անգամ ասում էին նրան, թէ լաւ շապիկ պէտք է ունենաս: Անցաւ էլի մի քանի շաբաթ. կանաչը բարձրացաւ. ցօղունների գլուխներին կապտագոյն ձաղիկներ երևացին: «Իմ եղբայր Բարսեղի աջքերի նման են սրանք, մտածեց Հայկանուշը. բայց այսպիսի շապիկ էս ոչ որի հազին չեմ տեսիր»:

Երբ-որ ծաղիկները վայր թափուեցին, նրանց տեղը մնացին կանաչ և կոլոր. գլուխներ: Երբ-որ գլուխները փոքր ինչ կարմրեցին ու չորացան, Հայկանուշի հայրն ու քոյրերը արմատից փետեցին նրանց, խուրձեր կապեցին և կոթերի վրայ կանգնեցրին, որ չորանան:

II. Վուշի խուրձերը չորացան. նրանց գլուխները կտրեցին, կապեցին և պահեցին, իսկ կոթերը թրջոց դրին առուակի մէջ, վրան էլ քարեր դարսեցին, որ ջրէ երեսը չանեն: Հայկանուշը տխուր նայում էր, թէ ինչպէս են իւր շապիկը ջրումը խեղդում: Իսկ քոյրերը նրան նորից ասացին, թէ շատ գեղեցիկ շապիկ էս ունենալու:

Երկու շաբաթից յետոյ վուշը ջրից հանեցին, չորացրին և սկսեցին փայտով թակել՝ առաջ կալումը, իսկ յետոյ բակումը, այնպէս որ խեղճ վուշի չոփերը բոլորը դուրս թափուեցին: Թակելուց յետոյ սկսեցին երկաթէ սանդերքով գգել, մինչև որ նա փափկեց և դարձաւ իբրև մետաքս: «Ի՜նչ գեղեցիկ շապիկ էս ունենալու», ասացին նորից Հայկանուշի քոյրերը: Իսկ Հայկանուշը մտածում էր. «Այդ ինչ տեսակ շապիկ է. կ'ասես թէ մեր Բարսեղի չէկ մագերը լինին»:

III. Չմեռուայ երկար գիշերներն եկան: Հայկանուշի



քոյրերը ճախարակները սարքեցին և սկսեցին վուշից թել մանել: «Այս թել է, իսկ շապիկը ո՞րն է», մտածում էր Հայկանուշը:

Հայկանուշի հայրը տորքը սարքեց խրճիթում, նրա վրայ հինաժ արեց և սկսեց գործել: Մ ա ք ու ք ըր սատանի նման անցուղարձ էր անում թելերի միջով և Հայկանուշը տեսնում էր, թէ ինչպէս էր թելերից քաթան շինւում: Երբ-որ քաթանը պատրաստուեց, պրծաւ, նրան ցրտի տակ սառցրին և ձիւնի վրայ փռեցին, իսկ դարնանը ձգեցին կանաչ խոտերի վրայ, արևի տակը, և վրան էլ ջուր ցանեցին: Քաթանը փոքր առ փոքր սպիտակեց ինչպէս ձիւն:

Մայրը քաթանից շապիկներ ձեւեց և Հայկանուշի քոյրերն սկսեցին կարել, այնպէս որ Ջրօրհնէքին նա էլ, իւր եղբայր Բարսեղն էլ հագան ձիւնի պէս սպիտակ շապիկներ:

86. Չ Ը Հ Ն Չ Ը Թ Ը Ր Տ

Աշունն սկսուեց, ծիծառը թռաւ.  
Անտառն է դատարկ, դաշտը մերկացաւ.  
Միայն դաշտումը, անհունձ մնացած,  
Տխուր ու տըտում մի արտ կայ կանգնած:

Կարծես հասկերը ասում են միմեանց.  
«Ի՜նչպէս մըսում ենք մենք այս ցրտի տակ.  
Չատ տխրալի է գետին խոնարհուել  
եւ ատօք պտուղդ հողում թաթախել:

«Ամենայն գիշեր մեզ մօտ իջնում են  
Անցնող թռչուններն ու մեզ ուտում են.  
Գաղաններն տրորում, քամին մեզ ծեծում.  
Ո՛ւր է մեր տէրը, ինչ է սպասում»:

Քամին տալիս է նրանց վատ համբաւ.  
«Մահը ձեր տիրոջ երկրից վեր առաւ»:

87. Ջ Ր Ի Ճ Ա Ն Ա Պ Ա Ր Հ Ո Ր Գ Ո Ւ Թ Ի Ի Ն Ը

I

Ջուրը ո՞ւմ ասես որ հարկաւոր չլինի. բոյսերին, գաղաններին, թռչուններին և մարդկանց հարկաւոր է նա: Ահա թէ ինչի Աստուած ծովերն ու ովկիանոսները լցրել է ջրով:

Բայց ծովի ջուրն աղի է և դառն: Այդ վնաս չունի, որովհետև ամենքը ծովի մօտ չեն բնակւում: Սակայն ինչպէս մաքրենք ջուրը, ինչպէս տանենք մենք նրան ծովերից հաղարաւոր մղոն հեռու, ինչպէս բարձրացնենք նրանց սարերի գլուխը, ինչպէս անենք, որ նա լաւանայ, քաղցրանայ, խմելու ջուր դառնայ:

Աստուած այս գործը յանձնել է աշխատասէր արևին: Իւր տաք ճառագայթներով արևը ջուրը թեթև գոլորշիների է դարձնում. ջրի գոլորշիներն իրանց միջի աղային մասերը թողնում են ծովերում, իրանք բարձրանում են և, թանձրանալով, երևում են արծաթափայլ ամպի կերպարանքով կապոյտ երկրակամարի վրայ:

II

Գոլորշիները բարձրանալով թանձրանում և ամպ են դառնում. բայց նրանք չեն կանգնում ուղղակի ծովի վրայ: Այստեղ քամին սկսում է իւր գործը և ահագին ամպերը թեթև փետուրի նման քշում է դէպի լոյս աշխարհի ամեն կողմերը: Ամեն մէկ ամպի մէջ այնքան ջուր կայ, որ եթէ նա միանգամից ցած թափուէր, կը ծածկէր քաղաքներ,



գիւղեր, մարդկանց և կենդանիներին: Բայց Աստուած գործը ուրիշ տեսակ է կարգադրել. ամպերից կաթկաթում են անձրևի փոքրիկ կաթիլները, ինչպէս ալիւրը մաղի միջից, կամ սառչում ու թափւում են ինչպէս ձիւն:

III

Ջուրը թարմացնում է հովիտներն ու արտերը և հողը նրան իւր ներսն է ծծում: Հողի տակ աւելորդ կաթիլները միմեանց յետևից հաւաքւում և կազմում են ստորերկրեայ փոքրիկ կոհակներ. մի քանի կոհակներ խառնւում են միմեանց հետ և, մի ճանապարհ դտնելով, դուրս են բղխում երկրի երեսը սառն աղբիւրի ձևով: Աղբիւրը բղխում է և, առուակ կազմելով, առաջ է խաղում: Առուակն էլ իրան համար ճանապարհ է պատրաստում. փոքր առ փոքր հողը քանդում է և սկսում է քարերի վրայ խոխոջալով առաջ գնալ: Պատահում է, որ նա ճանապարհին հանդիպում է իւր նման մի շատախօսի և նրա հետ եղբայրանալով, ձայն ձայնի տուած, առաջ են խաղում: Նրանց պատահում են ճանապարհին երրորդ, չորրորդ և հինգերորդ առուակներ... սրանք ամենքը խառնւում են միմեանց հետ և բարեկամաբար առաջ են հոսում: Նայում-տեսնում ես, որ անա այս եղբայրական միութիւնից մի կանոնաւոր գետակ է կազմուել: Այս գետակը ջուր է տալիս մարդկանց, կենդանիներին, թարմացնում ու զովացնում է դաշտերի ծաբաւ բոյսերը, պտտացնում է ջրադացների երկանները, կրում է իւր վրայ լաստեր և թեթեւ նաւակներ. իսկ նրա սառը կոհակների մէջ խաղում են ուրախ ձկները՝ փայլեցնելով իրանց արծաթագոյն թեփուկները:

IV

Գետակը վազում, խառնւում է ուրիշ գետակի հետ և միասին առաջ են գնում: Ճանապարհին նրանց հետ խառնւում են ուրիշները և այսպիսով կազմում են մի անաղին գետ, որ ունենում է բազմաթիւ վտակներ և անցնում է մի թագաւորութիւնից միւս թագաւորութիւն. երբեմն միւլնոյն գետն անցնում է շատ մանր տէրութիւններով և նրանց ամենին էլ բաշխում է իւր առատ ջրից: Լողում են գետերի վրայ ծանր նաւեր, որոնք բարձած են լինում զանազան ապրանքներով: Անցնում են նրանց վրայով առագաստաւոր նաւեր, իսկ եզերքների մօտ շինւում են արուեստագործական գիւղեր և առւտրական քաղաքներ՝ մինը միւսից հարուստ: Գետը մեծամեծ հարստութիւններ է տանում մի երկրից միւսը և իւր լայն բերանով ոչ թէ փոքրիկ նաւակներ, այլ և մեծամեծ նաւեր, թեւանման առագաստներով զարդարւած, ծովն է մտցնում:

Գետերից շատ ջուր է թափւում ծովերի մէջ, բայց արեգակն էլ հանդարդ չէ մնում. նա անդադար գոլորշիներ է բարձրացնում, ամպեր է կազմում և ամբողջ աշխարհին անձրև է բաժանում:

Գետերը դարերով թափւում են ծովերի մէջ և նրանց երբէք չեն լցնում. արևն էլ յաւիտեան գոլորշի է բարձրացնում ծովերից, բայց երբէք նրանց չէ ցամաքեցնում: Այսպէս ամենիմաստ կերպով է կարգադրել Աստուած այս գործը:

88. ԶԵՐՄԵՆԸԼԻ ՄՅԸԿ

Ինքն է անշունչ, չունի հոգի,  
Բայց գործերն են ազգի-ազգի:



Անիւնները մեծ ու փոքրիկ,  
 Լիսեռները լայն ու նեղիկ.  
 Կաշուէ գօտի մէջքին կապած,  
 Հուր ու դժոխք իւր փորն առած.  
 Ծծած ջուրը տակառներով,  
 Արտաշնչումն ամպ է ու ծով:

Մռնչում է վիշապի պէս,  
 Ծրվվում, ճրչում, մրրիկ կ'ասես.  
 Փռնչոցը այնպէս ուժգին՝  
 Հագար գոմէջ ունի միջին:

Ինչեր ասես նա չէ անում՝  
 Յորեն կախում, կտաւ գործում,  
 Բուրդ ու բամբակ մաքրում, մանում,  
 Վուշը դգում, հինած անում,  
 Երկար ու լայն մեծ տորքերին,  
 Անթիւ ու բիւր մաքուքներին  
 Արագ-արագ գործի դնում:  
 Գերաններից մանրիկ մեխեր,  
 Բազմատեսակ տախտակ քաշում.  
 Մետաղներից սիրուն փողեր,  
 Եւ երկաթից գործիք ձուլում.  
 Կարծր ապակիք, պողպատիկներ  
 Խաղ ու պարով տաշում, յրդկում,  
 Կ'ասես նրա սուր կրտրիչին  
 Չեն գիմանալ՝ ինչ էլ դիպչին:

Այս ամենը նա գործում է անխռով.  
 Յոգնիլ չունի, միշտ շարժւում է անվրդով:

89. ՅՈՒՆԿԸ ԵՒ ՎԱՐԳՈՒՅԻՆ

Երկու որբ, Յոլակը և նրա քոյր Վարդուհին, հեռու ճանապարհ էին դնում: Սաստիկ շոգ էր. արեգակն այրում էր նրանց: Յոլակը ծարաւ էր: Ճանապարհին ոչ աղբիւր կար, ոչ գետ: «Քոյրիկ, ծարաւ եմ, ջուր եմ ուզում, ասաց Յոլակը»:

— Սպասիր, եղբայր, շուտով աղբիւրին կը հասնենք: Գնում են:

Արևն էլ բարձրից կրակ է թափում  
 Եւ խեղճ որբերին այրում, խորովում.

Աղբիւրն էլ, կարծես, դեռ շատ հեռու է.

Գընում են—գընում, նրբան չեն հասնում:

Յոլակը տեսնում է մի ձիու սմբակ ճանապարհի մօտ ընկած, անձրևի ջրով լիքը: «Քոյր իմ Վարդուհի, անձ ջուր. կաց, թող ես այս սմբակի ջուրը խմեմ»:

— 2է, եղբայր, մի խմիր, թէ չէ՝ քուռակ կը դառնաս: Յոլակն ան է քաշում և նորից առաջ են դնում:

Արևն էլ բարձրից կրակ է թափում

Եւ խեղճ որբերին այրում, խորովում.

Աղբիւրն էլ, կարծես, դեռ շատ հեռու է.

Գընում են—գընում, նրան չեն հասնում:

Ճանապարհին Յոլակը տեսնում է մի կովի կճղակ, անձրևի ջրով լիքը: «Քոյր իմ Վարդուհի, անձ ջուր. կաց, թող ես այս կճղակի ջուրը խմեմ»:

— 2է, եղբայր, մի խմիր, թէ չէ, հորթ կը դառնաս: Նրանք շարունակում են իրանց ճանապարհը:

Արևն էլ բարձրից կրակ է թափում

Եւ խեղճ որբերին այրում, խորովում.



Աղբիւրն էլ, կարծես, դեռ շատ հեռու է.

Գընում են-գընում, նրբան չեն հասնում:

Վերջապէս Յոլակը նկատում է մի ոչխարի կճղակ, անձրևի ջրով լիքը: Նա էլ քրոջը չի հարցնում. մի փոքր յետ է մնում, վեր է առնում կճղակը և բոլոր ջուրը խմում է:

II

Վարդուհին յետ է նայում և տեսնում է, որ եղբայրը չկայ. նա կանչում է բարձր ձայնով, բայց փոխանակ Յոլակի, նրան մօտենում է մի սպիտակ գառը: Վարդուհին հասկանում է, թէ սա ինչ գառն է և սաստիկ արտասուում է: Բայց էլ ճար չկար. նա առաջ է գնում գառան հետ: Ճանապարհին նրանց պատահում է մի պարոն: «Սիրո՛ւն աղջիկ, ասում է սա. ծախիր այդ գառը, առնեմ»:

—Ոչ, պարոն, այս գառը ծախու չէ. սա իսկական գառը չէ, իմ հարազատ եղբայրս է:

Պարոնը խզում է նրանց և երկուսին էլ վեր է առնում իւր մօտ: Յետոյ նա պսակւում է Վարդուհու վրայ, իսկ գառանը պահում-պահպանում է:

Նրանք շատ երջանիկ էին ասլըում. բարի մարդիկ, նրանց վերայ նայելով, ուրախանում էին, իսկ շարերը նախանձում էին: Ամենից աւելի նախանձում էր մի պառաւ, որ նրանց հարեանն էր: Սա միտք ունէր իւր աղջիկը պարոնին կնութեան տալ, բայց իւր մտադրութիւնը չկատարուեց: Պառաւը մտքումը գրեց փորձանքի մէջ գցել Վարդուհուն... Մի օր Վարդուհին գնաց լճի ափը զբօսնելու: Պառաւը թագուն հետևում էր նրան: Երբ որ մի փոքր հեռացան բնակութիւնից, պառաւը բռնեց տիկնոջը, վզից մի քար կապեց և գցեց լիճը: Յետոյ նա Վարդուհու շո-

րերը հագցրեց իւր աղջկան և ուղարկեց պարոնի ապարանքը: Նրան ոչ որ չճանաչեց. նոյն իսկ պարոնը խարուեցաւ: Միայն գառն էր տեսել ամեն բան. նա ոչ ուտում էր, ոչ խմում. միշտ վազվզում էր լճի եզերքին և ցաւալի կերպով մայում էր:

V

Նոր տիրուհին տեսնում է, որ գառը շատ է գոռում, գոչում. նա վախենում է՝ չլինի թէ պարոնը հասկանայ իւր խարդախութիւնը, այս պատճառով հիւանդ է ձևանում և խնդրում է ամուսնուն, որ գառանը մորթել տայ: «Ինձ բժիշկներն ասել են, որ այն ժամանակ միայն կազատուիմ այս հիւանդութիւնից, եթէ այդ գառան մտից ուտեմ», ասում է նա: Պարոնը շատ է զարմանում, բայց էլի հրամայում է, որ կնոջ կամքը կատարեն:

Գառը հասկանում է, որ ինքն էլ երկար ապրելու չէ, գնում է լճի ափը և ողբալի ձայնով կանչում է.

«Քոյր իմ Վարդուհի, օգնութեան հասիր, Թշուաւ եղբօրդ մահից ազատիր. Ահա մեր բագում հընոց են շինել, Հընոց են շինել, դանակներ սրել՝ Խզնուկ եղբօրդ ուզում են մորթել»: Վարդուհին ջրի տակից պատասխանում է.

«Անուշիկ եղբայր, ինչպէս օգնեմ քեզ, Ի՛նչպէս ճար անեմ քո ցաւերիդ ես. Մի ահագին քար վրդիցս է կապած, Զուրը ինչպէս սար վըրաս ծանրացած»:

«Անգութ պառաւը ինձ լիճը գըցեց, Տունըս կործանեց, իմ փեսաս խըլեց.



Միթէ խիղճ չունի իսպառ իւր սրբտում,  
Որ անմեղ եղբօրս մորթել է ուզում»:

Պարոնը շատ հեռու չէր. նա լսեց այս խօսակցութիւնը և կանչեց իւր սպասաւորներին.

«Հաւարուեցէք, հաւարուեցէք, ծառաներ,  
Եւ ձգեցէք իմ մետաքսեայ ուռկաններ»:

Ծառաները վազեցին, ուռկանները ձգեցին և Վարդունն հանեցին. նրա պարանոցի թուղ կտրեցին, մաքուր ջրով լուացին և վերան ճերմակ սաւան ձգեցին: Վարդունին առաջուանից աւելի գեղեցկացաւ: Նա գրկեց գառանը և կամենում էր համբուրել... բայց գառն էլ գառը չէր, այլ տղամարդ էր դարձել: Պարոնը տուն տարաւ նրանց և այնուհետեւ երեքը միասին առաջուանից աւելի երջանիկ սկսեցին ապրել: Իսկ պառաւի աղջկան ծառաները տանից դուրս արին:

# ՇՐՋԱՆ ՀԻՆԳԵՐՈՐԴ

Տարուայ չորս եղանակներին

## 90. Չ Ո Ր Ս Ե Ղ Բ Ը Յ Ր

Չորս եղբայր են. ամեն տարի

Երկրիս վրայ ման են գալի.

Չորսն էլ ջոկ-ջոկ ունին հասակ,

Պարզեներն են հաղար տեսակ:

Առաջինըն է պատանի,

Բողբոջ, տերև, սաղարթ ունի.

Պայծառ տերև, կանաչ արօտ,

Որոնց տղայքն են միշտ կարօտ:

Երկրորդ եղբայրն երիտասարդ,

Տալիս է մեզ անձրև առատ.

Ծաղկունք ցանում է ամեն դի,

Տոյս է տալիս առատ հրնձի:

Երրորդ եղբայրն այն չափահաս,



Մրգերով լի ունի մի թաս.  
Բաժանում է տղոց իւր գանձ՝  
Ծիրան, խընձոր, խաղող ու տանձ...

Չորրորդ եղբայրն է ծերունի,  
Ցուրտ ու խաւար շալկած ունի.  
Այգի, անտառ ամայացած,  
Գաշտ և արօտ ձիւնով լցուած:

91. ԱԼԵՒՈՐ ՊԼՊԻ ՉԱՐԻՔՆԵՐԸ

Բարկացաւ ալեւոր ձմեռը, սաստիկ բարկացաւ և մրտ-  
քումը զրեց, որ ոչ մի կենդանի շունչ չթողնէ երկրիս  
երեսին: Ամենից առաջ նա թռչուններին ձեռք առաւ.  
Նրանք ձանձրացրել էին նրան իրանց երգերով ու ծըլ-  
վըլոցով:

Ձմեռը փշեց սառը քամի, ծառերի տերևները վէր  
ածեց, թռչունների տեղը կտրեց: Թռչուններն էլ խուժ-  
խուժը հաւարուեցին, միտք արին և սկսեցին կոկոռալով  
թռչել բարձր սարերի, խոր-խոր ձորերի և կապոյտ ծո-  
վերի վրայով դէպի տաք երկիրները: Մնացին միքանի  
թռչուններ, բայց նրանք էլ մօտեցան մարդկանց բնակա-  
րաններին:

Ձմեռը տեսաւ, որ թռչունների յետևից չէ կարող հաս-  
նել, գազաններին ձեռք առաւ: Ձիւնով ծածկեց դաշտերն  
ու անտառները և մինը միւսի յետևից ուղարկեց իւր  
սառնամանիքները: Գալիս են սառնամանիքները մինը  
միւսից չար, գալիս են և թռչկոտալով անցնում են ծառից  
ծառ, ամեն բան ճայթում, ճոճըռացնում ու գազաններին  
վախեցնում: Բայց գազանները չվախեցան. նրանցից մի  
քանիսը հաստ քուրքի մէջ էին կոլոլուած, միւսներն էլ,

մտան իրանց խոր որջերի մէջ. սկիւռը իւր խոռոչում  
ընկոյգ էր կռծում. արջը քարայրի մէջ իւր թաթն էր  
ծծում. նապաստակը ցաթկոտելով էր տաքանում. իսկ  
ձիւնները, կովերը, ոչխարները շատ վաղուց տաք գոմե-  
րի մէջ պատրաստի խոտը ծամում էին և տաք ջուրը  
խմում:

Աւելի սաստիկ բարկացաւ ձմեռը, դէպի ձկները դար-  
ձաւ: Սառնամանիքներ է ուղարկում մինը միւսից կատաղի:  
Նրանք վազում, անցնում են գետերի և լճերի վրայից և  
նրանց երեսը ծածկում են թանձր սառուցով: Գետերն  
ու լճերը սառան, բայց միայն երեսից. իսկ ձկները ջրե-  
րի խորքը գնացին. սառցային ծածկոցի տակ նրանք ա-  
ւելի տաք էին ապրում:

Ճէ՛հ, սպասիր, ասում է ձմեռը. հիմա ես իմ բոլոր  
բարկութիւնը մարդկանց վրայ կը թափեմ»: Ասում է  
ու մինը միւսի յետևից ուղարկում իւր սառնամանիքները:  
Ցրտութիւնից լուսամուտների ապակիները սառուցով  
ծածկում են. սառը քամին խփում է պատերին, լուսա-  
մուտներին: Իսկ մարդիկ վառում են վառարանները,  
նրանց առաջ նստում ու ձմեռուայ վրայ ծիծաղում: Եթէ  
մէկը կամենում է գնալ անտառը փայտ բերելու, հագնում  
է հաստ քուրք ու տաք թաթմաններ և, երբ սկսում է  
կացինը բարձր ու ցածը անել, փայտ կտրել, դեռ քրքո-  
նում էլ է: Ճանապարհներին, կարծես ծիծաղելով ձմե-  
ռուայ վրայ, կարաւանները շարում են՝ ձիւններից դո-  
լորշի է բարձրանում, իսկ ձիւնները ոտով են գնում,  
ձիւնը տրորում, ուսերը թափահարում և ցուրտը գովա-  
բանում:

Ամենից աւելի ամաչեց ձմեռը, երբ տեսաւ, որ մին-  
չև անգամ փոքրիկ մանուկները իրանից չեն վախենում.  
Նրանք սղղում են սառուցների վրայ, ձնագնդի են խա-



դում, ձիւնից սարեր են կանգնեցնում և նրանց վրայ ջուր ցանկելով՝ երգում են.

«Օրը կարճ է. արևը չկայ, շատ ցուրտ է.

ծերմակ ծիւնը քուլայ-քուլայ կը քրքրէ.

Մարդ, անասուն ըուք-ըորանից վախեցած,

Տաք-տաք տներ, խոր-խոր ըներ են մտած:

Օ՛յ-ճ՛յ-ճ՛յ, — ձմեռն է,

Մեզ դուրեկան մի բեռն է»:

Ձմեռը տեսաւ, որ ոչ ոքի չէ կարողանում յաղթել, բարկութիւնից լաց եղաւ: Երկնքից նրա արտասուքը կաթկաթեց . . . Երևի գարունը մօտեցել էր:

92. Ի՛ՆՁ ԱՐԵՑ ՉՄԵՌԸ

Ո՛ւր է շշնջիւնը

Քաղցը անտառի

Եւ կարկաչիւնը

Մերձակայ առուի.

Ո՛ւր են հոտաւէտ

Ծաղկունքը դաշտի:

Ծառը մերկացաւ,

Էլ տերև չունի.

Չիւնէ սփռոցը

Ամենը ծածկեց,

Դաշտեր ու ձորեր

Սպիտակացրեց:

Ալևոր պասլը

Իւր թևի տակը

Ամենն շղթայեց.

Առուն էլ սառեց:

Միայն ցուրտ քամին

Կատաղութիւնով

Անցորդի բերանն

Լցնում է ձիւնով,

Երկինքն էլ ծածկում

Մռայլոտ մէզով:

93. ՅՈՒՆՎԱՐԻ ՄԷԿԻՆ

Մանկական յիշողութիւնից

Երէկ երեկոյեան մեր տանը շատ հիւրեր կային. նրանք

հաւարուել էին, որ դիմաւորեն նոր տարուն: Ես մինչև տասներկու ժամն արթուն չմնացի և, առանց շորերս հանելու, քնեցի: Այսօր ես շատ վաղ գարթեցի և գնացի, իմ ծնողներին նոր տարին շնորհաւորեցի: Համբուրելով նրանց ձեռքը, ես վազեցի բարի հօրեղբօրս սենեակը, շնորհաւորեցի նոր տարին և ցանկացայ նրան բաղդաւորութիւն և առողջութիւն: Հօրեղբայրս համբուրեց և տուեց ինձ մի գեղեցիկ պատկերագար գիրք: Նա ասաց. «Եթէ միշտ լաւ աշխատես, այսպիսի ընծաներ շատ կըստանաս ինձանից»: Ո՛րքան բարի է իմ հօրեղբայրս. նա իմ փոքր քրոջս ու եղբօրս էլ չմոռացաւ ուրախացնել. Չուշանիկին ընծայեց մի գեղեցիկ տիկին, իսկ Գարեգինն մի փոքրիկ թմբուկ: Նա ուրախութիւնից այնքան խփեց թմբուկը, որ ձեռները թուլացան:

Այսօր ամենքն էլ ուրախ են և շնորհաւորում են միմեանց նոր տարին՝ փոխադարձ բաղդաւորութիւն ցանկանալով: Մայրս հազցրեց մեզ նոր շորեր: Երեկոյեան մենք գնալու ենք հօրաքրոջս տուն: Ես գիտեմ որ այնտեղ կը խաղանք, կ'երգենք և շատ ուրախութիւններ կ'անենք:

94. Ն Ո Ր Տ Ա Ր Ի

Ահա՛ եկաւ նոր տարի,  
Հետը բերաւ նոր բարի.  
Մանր տղոց ուրախ օր,  
Բարի գաւակ հօրն ու մօր:

Մանր տղայք են ուրախ,  
Ունին կաղին, գօզինաղ.  
Մալորի չոր, չամիչ, թուզ,  
Փշատ, յունապ և ընկուզ:



Մանր տղայք, չըմոռնար՝

Եշխարհումս չէք մենակ.

Ուրիշ շատ խեղճ տղայք կան

Աղքատ և անօգնական:

Նորա հայր ու մայր չունին,


Սև չոր հացի կարօտ են.

«Աղքատներին ողորմած

եղէք», կ'ասէ ձեզ Աստուած:

95. ՅՈՒՆՎԵՐԻ ԶԻՆԳԻՆ

Եյսօր երեկոյին Քրիստոսի սուրբ ծննդեան և մկրտութեան ճրագալոյցն էր: Ես իմ ծնողներիս հետ գնացի եկեղեցի,



որ լիքն էր ժողովրդով: Եկեղեցին լուսաւորուած էր հազարաւոր ճրագներով. տիրացուներն ու սարկաւազները քաղցր

ձայնով շարականներ ու երգեր էին երգում. քահանան պատարագ էր մատուցանում. մի ուրիշը կարգում էր աւետարանը. իսկ բոլոր ժողովուրդն աղօթում էր:

Ես էլ էի աղօթում: Ես մտաբերում էի իմ վարժապետի պատմածը, թէ ինչպէս Փրկիչը ծնուեց ոչխարների այրի մէջ, ինչպէս հրեշտակը աւետիս տուեց հովիւներին. ինչպէս այդ հովիւներն եկան, երկրպագութիւն տուին նորածին Մանկանը: Երևի այն երկիրը, ուր ծնուեց Փրկիչը, մեր երկրից տաք էր, որ հովիւները կարողանում էին գիշերները դուրսը քնել: Իսկ մեզ մօտ ինչպէս ցուրտ է այժմ: Ճշմարիտ՝ յունվարը ամենացուրտ ամիսն է: Երկիրը սպիտակ սաւանով ծածկուել է: Ինչքան լաւ կը լինէր, եթէ վաղը գոնէ եղանակը մեզմ լինէր:

96. Զ Ի Ի Ն

«Ա՛խ, ինչո՞ւ-ինչո՞ւ կը գայ պազ ձիւնը.  
Նորից ամիսներ պիտ' մընամ տունը.  
Տեսներու չեմ ես կանաչ ծառ, արօտ.  
Հոտոտ ծաղիկին պիտ' մընամ կարօտ»:

— «Ձիւնը որ կը գայ երկինքէն դէպ վար,  
Իմացիը՝ մեծ բազդ է մարդուս համար.  
Վերմակի պէս տաք կը ծածկէ գետին,  
Որ բոյսի արմատն դիմանայ ցրտին»:


Նա հողին կը տայ հիւթ, պարարտութիւն,  
Դաշտին ու արտին մեծ առատութիւն:  
Մի տըրտնչար, մանրդ, դու բնութենէն.  
Թէ տաք և թէ ցուրտ՝ մեզ միշտ օգուտ են»:



97. ՅՈՒՆՎԱՐԻ ՎԵՅԻՆ

Արդէն քանի օր է, որ գետի եզերքին Քրիստոսի մկրտութեան համար տեղ է պատրաստած: Այսօր, կէսօրին, պատարագից յետոյ, բոլոր քահանայական դասը ժողովրդի հետ մայր եկեղեցուց դիմեց դէպի Յորդանան: Հանդէսը շատ փառաւոր էր:

Ճաշից յետոյ քահանան տիրացուի հետ եկաւ՝ մեր տունն օրհնեց: Նա կարգաց աւետարանից, թէ ինչպէս



Յիսուսն եկաւ Յորդանան գետը՝ մկրտուելու, թէ ինչպէս ընդունեց նրան Յովհաննէս Մկրտիչը, ինչպէս բացուեց երկինքը և Աստուծոյ Հոգին աղանակերպ իջաւ նրա վրայ, ինչպէս լսուեց երկնքից Հայր Աստուծոյ ձայնը:

Միւս արորում է, երբ-որ մտածում եմ, թէ վաղը

չէ՛ միւս օրը պիտի դնամ ուսումնարան. բայց մայրս ասում է, որ եթէ միշտ ազատ ման գամ, տօներն էլ այսպէս ուրախալի չեն լինիլ: Պէտք է իմացած, արդեօք շատ ժամանակ կայ մինչև բարիկենդան: մի նաև նարմա

98. ԸԿՆԿԸՆԹԻՒՆ ԳԵՐՆԸՆ

Չմեռը դաշտում ծաղիկներ չըկան.

Չիւն գալուց սուաջ նորա չըբացան.

Բայց ծաղիկների քնքուշ արմատներ

Փափուկ ձիւնի տակ հանդիստ են առել:

Կըզայ գարուն ոստոստալով,

Սար ու դաշտին այցելելով.

Կուի կրտայ ձիւն ու սառին,

Վերջ կըզնէ զիժ ձըմեռին:

Նոր բողբոջ կըտան խոտերն ու ծաղիկ.

Գարնանաբերը կըբացուի հեզիկ.

Մանկունք ցնծալով դաշտը կըվազեն՝

«Օրհնեալ է գալդ, գարուն, քո», կ'ասեն:

99. ՊԱՍԻ ԱՌԱՋԻՆ ԵՐԿՈՒՉԱՅԹԻՆ

Բարիկենդաններին մենք շատ ուրախութիւններ աբինք, խաղացինք, իւզարիթ կերանք: Մենակ մենք չէինք ուրախանում: Ամենայն կողմից խնդութեան ձայներ էին լսում... Այսօր էլ մարդիկ մեծ շարժողութեան մէջ են, բայց յայտնի երեւում է, որ այդ շարժողութիւններն այն գուարթութիւնը չունին, ինչ-որ երէկ. ամենքն զգում են,



որ այժմ պաս է: Մեղմ գանգահարութիւնը օրը երեք անգամ և փառաբանութիւնները եկեղեցիներում, ահա պասի միակ գարդարանքը: Մարդիկ համեստութեամբ օրը երեք անգամ ժամ են գնում: Երէկ նրանք ուրախանում էին, այսօր աղօթում և պատրաստում են հաղորդուելու:

Այժմ օրերն էլ փոխուել են: Օդի մէջ զարնան նշանները երևում են: Միջօրէի արեգակը բաւականին տաքացնում է: Կտուրներից բիւրեղեան շիթեր են կախում: Չնծաղիկը դեղնած խոտերի միջից իւր գլուխը բարձրացնում է: Ի նշքան ուրախալի է մտածել, որ Չատկին երկիրը կանաչ խոտով ծածկուած կը լինի: Մենք միայն վեց շաբաթ ենք կարդալու. եօթներորդ շաբաթն ազատ ենք:

100. Գ Ա Ր Ո Ւ Ն

Կարօտ ենք տեսիլդ, աննման գարուն,  
Ընտ արի, մեզի բեր ծաղիկ սիրուն.  
Իեր պայծառ արև, բեր մեզ տաք օրեր,  
Ճըւղբոտդ թռչուն, բեր կանաչ դաշտեր:


Իաց մեր դռները, բաց մեր պատուհան,  
Թո՛ղ բացուին, ծաղկին վարդ, մեխակ, շուշան.  
Փակուած սենեակից ելնենք, ազատուենք,  
Կանաչ դաշտ երթանք, խաղանք, գլորուենք:

101. ՄԱՆԿԱԿԱՆ ՅԻՉՈՂՈՒԹԻՒՆԻՑ

Ծաղկազարդ կիրակի

Ահա պասի վեց շաբաթն անց կացաւ: Երէկ մեզ ուսումնարանից արձակեցին: Երբ-որ տուն եկայ, հայրս

հարցրեց, թէ երէկ ինչ տօն էր: Ես այդ չգիտէի, բայց ինձ հասկացրին, որ շաբաթ օրը Ղազարոսի յարութեան տօնն էր. իսկ այսօր Քրիստոսի հանդիսաւոր կերպով Երուսաղէմ մտնելու տօնն է. այս ես գիտեմ:



Այսօր մեր տանըիք բոլորը, բացի մանուկներից, շատ շուտ ժամ գնացին: Երբ մայրս վերադարձաւ, ձեռքին ուռ ունէր: Մենք դու անկողնի մէջ էինք: Մայրս ուռով մեզ կամաց խփեց և ծիծաղելով ասաց. «Ղեր կացէք, այսօր ով որ շուտ վեր կենայ, շնորհքով տղայ կը լինի»: Մենք ամենքս էլ տեղներիցս վեր թռանք: Մայրս համբուրեց ամենիս և մի-մի ուռ տուեց, ասելով՝

«Օրը տաքցաւ, ճիւղը հալուեց արեւից,  
Բջջալով ջուր է հոսում լեռներից.



Սար ու ձորեր զարդարուեցին կանաչով,  
 Դաշտը ծածկուեց ոչխարների հօտերով:  
 Հմ-հմ-հմ, զարուն է:  
 Տեսէք, ինչպէս սիրուն է»:

Ախ, ինչ գեղեցիկ է: Ուռի վրայ զրդոտ կոկոններ  
 — գառնուկներ կան. սա գարնան նշան է: Երևի շուտով  
 ծառերի ծաղիկներն էլ կը բացուին:

102. ԱԻԱԳ ՀԻՆԳՉԱԲԹԻ

Այսօր ես խոստովանուեցի: Ես երկիւղով մօտեցայ  
 քահանային, չորեցի նրա առաջ և խոստովանուեցի իմ  
 տղայական պակասութիւններս: Քահանան խրատեց ինձ,  
 և երբ ես խոնարհաբար խոստացայ, որ կ'աշխատեմ միշտ  
 ջանասէր, բարի և ճշմարտախօս լինել, նա ձեռքը դրեց  
 գլխիս և Քրիստոսի անունով օրհնեց ինձ:

Պատարագն սկսուեց. բայց վարագուրով դեռ ծած-  
 կուած էր սեղանը և քահանան կարդում էր այդ օրուան  
 աղօթքը: Եկեղեցին լիքն էր մարդկանցով: Նրանք ամենքն  
 էլ աղօթում էին: Ես էլ աղօթում էի. ես աղօթում էի,  
 որ Աստուած ինձ կարողութիւն տայ կատարելու իմ խոս-  
 տումներս: Ես գիտեմ, որ խոստում չկատարելը մեծ պա-  
 կասութիւն է: Քահանան վերջացրեց աղօթքը: Յանկարծ  
 վարագոյրը բացուեց. սարկաւազներն սկսեցին գեղեցիկ  
 ձայնով երգել: Սրբութիւնը վերաբերեցին ժողովրդի միջով-  
 չաղորդութեան ժամանակ սարկաւազը երգեց. «Երկիւղով  
 և հաւատով առանջ եկէք և սրբութեամբ հաղորդուեցէք»:  
 Ես խոնարհութեամբ և երկիւղով մօտեցայ սեղանին և  
 հաղորդուեցայ:

Այսօր ես ամբողջ օրը չեմ վազվզել, այլ նստած էի  
 տատիւ մօտ և աղօթք էի կարդում:

Աւագ ուրբաթ գիշեր մենք գնացինք սգին: Քահա-  
 նան կարգաց եկեղեցում, թէ ինչպէս էր աւանդում մեր  
 Փրկիչը աշակերտներին իւր վերջին պատուէրները և թէ  
 ինչպէս զգում էր, որ Ինքն արդէն մատնուած է և պէտք  
 է բռնուի: Իզուր չէր, որ ամեն մի աւետարանից յետոյ  
 դպիրները ողբաձայն երգում էին... Վերջին աւետարանը  
 կարդացին, ուր մանրամասն գրուած էր, թէ չար մարդիկ  
 ինչպէս շարչարեցին ու խաչեցին Քրիստոսին:

Այս գիշեր տասներկու դուռն աւետարան կարդացին:  
 Իհարկէ դժուար էր կանգնել այդքան երկար, բայց ես  
 կանգնեցի:

103. ԱԻԱԳ ՈՒՐԲԱԹ ԵՐԵԿՈՅԻՆ

Այսօր Քրիստոսի թաղման օրն է և մենք գնացինք  
 եկեղեցի: Ժամերգութիւնը դեռ չէր սկսուել: Ես սկսեցի  
 պատել եկեղեցու շուրջը: Զատ պայծառ օր էր. արեգակը  
 երեկոյեան վերջալուսի ճառագայթներով փայլեցնում էր  
 եկեղեցիների գմբէթները: Թռչուններն ուրախ-ուրախ  
 թռչկոտում էին եկեղեցու կտուրի վրայ և երեկոյեան վեր-  
 ջալուսի տակ մեղմօրէն ծլլւացնում էին: Չնայելով այդ  
 բոլորին, ես կարծես տխուր էի. այսօր մեր Փրկչի թաղ-  
 ման օրն է. եկեղեցու մէջ դրած է Քրիստոսի դագաղը,  
 որի չորս կողմը հանդարտ այրւում են մոմերը և իրանց  
 շուրջը կապտադոյն շառաւիղներ են արձակում, կարծես  
 նրանք էլ տխուր են: Միայն ուրախալի է լսել, թէ ինչ-  
 պէս բարի Յովսէփը սուրբ կտաւով պատեց մեր Փրկչի  
 մարմինը և չթողեց նրան չարագործների ձեռքին:

Ժամերգութիւնից յետոյ մենք յետ դարձանք տուն:



ձանապարհին տեղ-տեղ դեռ ևս ձիւն էր երևում, բայց շատ տեղերում էլ նա արդէն հալուել էր: Հալուած տեղերը կանաչ նորափթիթ խոտով ծածկուել էին: Պարտէզներում էլ հոտաւէտ փոքրիկ մանուշակն արդէն բաց էր արել իւր կապոյտ աչերը: Ծառերի կոկոններն ուռել ու լցուել էին. իսկ նշենիներն արդէն քանի օր է զարգարում են այգիներն իրենց սպիտակ ծաղիկներով: Ահա մերձակայ ձորում խոխոջում է ձիւնի ջրերից գոյացած առուակը: Գեղեցիկ արև, գործիր ջանասիրութեամբ, մի մոռանար, որ երկու օրից յետոյ Զատիկ է լինելու:

104. ԳԱՐՆԱՆՆՆԵՐԻ ՋՐԵՐ

Մարերի ձիւնը դեռ չէ վեր կացել,  
 Բայց դաշտ ու հովիտ փթթել են, բացուել:  
 Ձիւնի ջրերը ուրախ կարկաչով  
 Ցած են գլորւում հովիտի միջով:


Ցած են գլորւում հովիտի միջով,  
 Մտնում են դաշտը ուրախ բրբիջով,  
 Եւ ամեն մարդու համբաւ ցանկալի,  
 Ամեն մանուկի աւետիս տալի:

«Ահա կենսաբեր զարունը եկաւ,  
 Նոր հոգի, նոր կեանք մեր երկրին տուաւ:  
 Դուք էլ, մանուկներ, նոր եռանդ առէք,  
 Գարնան ծաղկի պէս դուք էլ ճոխացէք»:

105. ՍՈՒՐԲ ՅԱՐՈՒԹԻՒՆ

Զատիկ շաբաթ երեկոյին եկեղեցում հանդիսով սո-

նեցին սուրբ Յարութեան ճրագարոյցը: Մենք երեկոյեան ժամից յետոյ վերադարձանք տուն և լուծեցինք պաներս— թաթախուեցանք: Եօթը շաբաթ պահելուց յետոյ ինչքան ուրախալի էր ձեռքիդ ունենալ կարմիր ձու և նրանով թաթախուիլ: Սեղանի վրայ դարսած էին զանազան տեսակ կերակրեղէն, բացի մսեղէնից, որովհետև այս երեկոյ



նաւակատիր էր: Հաց ուտելուց յետոյ ևս շուտ քնեցի. բայց խնդրեցի մօրս, որ ինձ էլ զարթեցնի առաւօտեան ժամերգութեանը ներկայ գտնուելու:

Կէս գիշերից յետոյ մայր-եկեղեցու զանգակը որոտաց:



Ես նրա ձայնից ինքս զարթեցի: Լուսաբացին միւս եկեղեցիներէ զանգակներն էլ սկսեցին մեղմաբար զօղանջել: Մենք դուրս եկանք տանից: Փողոցները դեռ ևս մութն էին, բայց եկեղեցին հազարաւոր ճրագներով փայլում էր: Եկեղեցում այնքան ժողովուրդ կար, որ մենք հազիւ տեղաւորուեցինք: Ժամերգութիւնն սկսուած էր: Ես անշափ ուրախացայ, երբ սարկաւագները երգեցին քաղցր ձայնով. «Քրիստոս յարեալ 'ի մեռելոց, մահուամբ զմահ կոխեաց և յարութեամբն իւրով մեզ զկեանս պարգևեաց»: Ահա իսկապէս ամենամեծ տօնը:

Պատարագը վերջանալուց յետոյ՝ մենք վերադարձանք տուն: Ես շտապեցի համբուրել իմ հօրն ու մօր ձեռքը, կրկնելով ինձ շատ սիրելի խօսքը. «Քրիստոս յարեալ 'ի մեռելոց»: Նրանք էլ ինձ համբուրեցին: Ապա ես մօտեցայ իմ փոքրիկ եղբօրս ու քրոջս և քաղցրութեամբ համբուրեցինք իրար:

Մի քանի ժամից յետոյ եկաւ քահանան տիրացուի հետ: Նրանք օրհնեցին մեր տունը և երգեցին Քրիստոսի հրաշափառ յարութեան շարականը:

Ես և եղբայրս դուրս եկանք, որ գնանք մեր բարեկամների Ջատիկը շնորհաւորենք: Ա՛խ, ինչպէս գեղեցիկ առաւօտ էր. փայլուն արեւը սփռում էր իւր արծաթագոյն ճառագայթները. մեր պարտիզի բոլոր նշենիները ծաղկել էին. մանուշակը խոտերի մէջ փռուել էր ինչպէս մի կապտագոյն սփռոց և անուշահոտութեամբ լցնում էր աշխարհս: Ահա միւս կողմից ծիրանի ծաղիկներն էլ իրանց կիսաբաց կոկոնների տակից համեստաբար ժպտում են: Ինչքան պայծառ է օրը. բոլոր բնութիւնը կարծես զարդարուած լինի: Կուռնկների երամներն ահա շղթայաձև ընթանում են՝ փառաբանելով գեղեցիկ գարունը, իսկ նրանցից ցած, երկրի վրայ, մանուկները, միասին ժողո-

վուած, ուրախ զուարթ ձուրի են խաղում: Ահա մատաղ գառների փոքրիկ հօտերն էլ մայելով շրջում են փողոցներում: Ամեն մարդ աշխատում է գառն ունենալ իւր տանը: Սա Ջատիկի նշանն է: Հայրս գնեց մեզ համար մի գեղեցիկ գառ. ես նրան շատ եմ սիրում և նորաբոյս կանաչ խոտով կերակրում եմ:

106. Ք Ր Ք Ս Տ Ո Ս Յ Ը Ր Ե Ը Ւ

Գաշտերումը ձիւնը հալուեց,  
Կենդանաբար հովը փչեց.  
Սառնամանիք, հողմ ձրմեռուան,  
Կարճ միջոցում անյայտացան:  
Բերկրութիւն է անհոգ մարդոց.  
«Քրիստոս յարեալ 'ի մեռելոց»:

Այգի, պարտէզ զարգարուեցան,  
Ծառերն ամեն կանաչեցան.  
Ծիծեռնակներ, թռչուն ամեն  
Ողջունեցին նորեկ գարնան:  
Ցնծութիւն է հարուստ մարդոց.  
«Քրիստոս յարեալ 'ի մեռելոց»:

Բազմութիւնը մեծ ու փոքր  
Ժողովուեցան եկեղեցին.  
Հարսն ու աղջիկ զարգարուեցան  
Որպէս ծաղկունք գարնանային:  
Բերկրութիւն է շատ-շատ մարդոց.  
«Քրիստոս յարեալ 'ի մեռելոց»:



Եկեղեցում վիզը ծռած,  
 Հագուստները պատառուտած,  
 Քարի վրայ ոտաբորիկ  
 Տեսէք, եղբարք, ո՞վ է կանգնած...

Սուգ ու լաց է թշուառ մարդոց.  
 «Քրիստոս յարեան 'ի մեռելոց»:

Որդկերանցով շրջապատուած,  
 Նա աղքատ է, սոված, քաղցած.  
 Նա տրկար է, անօգնական,

Մըխիթարենք, եղբարք, նորան:  
 Տանջանք, մահ է թըշուառ մարդոց.  
 «Քրիստոս յարեան 'ի մեռելոց»:

107. Մ Ե Ռ Ե Լ Ո Յ Ք

Ձատիկ երկուշաբթի ծնողներս ինձ, քրոջս և եղբորս տարան հանգստարան: Այնտեղ, գերեզմանաքարերի տակ, հանգստանում են մեր ազգականներից շատերը. այնտեղ է և իմ քոյր Եղիսաբէթը: Քահանան ներկայ էր: Հայրս օրհնել տուեց քրոջս գերեզմանը: Ի՞նչքան խոտեր են կանաչել նրա փոքրիկ բնակարանի վրայ: Գերեզմանատունն էլ է նորոգուել: Ամեն կողմում ծաղկում են գեղեցիկ ծաղիկներ. Չատ գերեզմանների ճաղապատերի մէջ իրանց ազգականները զանազան ծառեր են տնկել: Գարունը չէ մոռացել հանգստարանն էլ գեղեցկացնել. ծառերը զարդարուած են կանաչ տերևով. թռչունները նրանց վրայ թռչկոտում են և ծղլլում. մինը ծղօտ է տանում, միւսը փետուրներ. երևում է, որ նրանք սկսել են իրանց համար

բներ շինել: Հանգստարանի միւս կողմում գիւղացիք արդէն հերկում են իրանց վարելահողերը:

108. ՅԻՆԸԿՆՆԵՐԻ ԵՐԳԸ

Ա՛յ մարդ, այսօր շատ քրնեցար, ննչեցիր,  
 Առաւօտեան հով ժամանակն անցուցիր.

Արեգակը ծովի ծայրէն ծագեցաւ,  
 Զերմութիւնը ձորն ու դաշտը փռուեցաւ:

Քնկերներդ վաղ արտերը գնացին,  
 Տորին, դարի գերանդիով հնձեցին.

Խուրձ կապեցին, բարդ բարդեցին դաշտումը,  
 Նըստան հանգչիլ կաղնիների հովումը:

Ա՛յ մարդ, վեր կաց, սառը ջրով լուացուիր,  
 Գօտիդ կապէ, գերանդիդ ան, դաշտ հասիր.

Քանի հով է՝ հունձդ արա արտումըդ,  
 Հունձդ հնձէ, մի ծուլանար գործումըդ:

Հունձդ կապէ, բարդըդ բարդէ, տուն արի,  
 Հանգստացիր, երբ քո հունձդ կատարի.

Բեր գերանդիդ, կախէ պատէն քո տանը,  
 Ես իրիկուան կը պատրաստեմ սեղանը:

Ա՛յ մարդ, հերիք ինչ-որ այսօր քնեցար,  
 Աչքդ մէկ բաց, տես թէ որչափ ուշացար.

Մեր դրացին վաղ անցկացաւ, կամուրջէն,  
 Վաղ լըռել է մեր գզիբը ձայնելէն:

Ի՞նչ ես պառկել, ինչ ես քրնել, սիրեկան,



Արեգական շողը հասաւ մեր դրռան.  
Մի ծուլանար, ժամանակդ խընայէ.  
Այն պիտի մեզ բոլոր ձմեռ կերակրէ:

109. ԱՄԱՐԱՅԻՆ ԱՌԱՒՈՑ

Ամառուայ պարզ գիշերն անց կացաւ. առաւօտեան հովը տարածուեցաւ օդի մէջ. մութ մէգերը բարձրացան ձորերից, աստղերը մինը միւսի յետեից շիջան. լուսաստղն էլ թառամեցաւ և շիջանելուն մօտ էր. նա երկնակամարից նկատում էր, որ ամպերը վազում են դէպի արեւելք և, հանդիպելով արեգակին, ոսկիսփայլ և արծաթագոյն շերտերով զարդարւում են:

Ահա և նա երևեցաւ: Ուրախ գուարթ բարձրանում է երկնքում ոսկեճաճանշ արեւը և իւր փայլուն ճառագայթներով արթնացնում է գետակները, դաշտերը, հովիտներն ու անտառները. արթնացնում է ծառերի վրայ թառ եղած թռչուններին և անտառի դազաններին. արթնացնում է բզէզին, որ մի փոքր հանգստացել էր իւր մամռապատ անկողնում: Ոսկիանման արեւը կարճ խօսքերով ասում է ամենին. «Հանգստացաք, բաւական է. այժմ ժամանակ է գործ շինելու»:

Գիշերն ամենքը հանգստացել են ցերեկուայ գործերից: Դաշտերն ու արտերը, զովարար ցօղով նորոգուած, նոր ոյժ են ստացել և ոսկիանման փայլում են առաւօտեան ճառագայթների տակ: Ծառերի տերևները, մարգերի խոտերը, արտերի հասկերը—բոլորը նորոգուեցին, գուարթացան: Թռչուններն արթնացան և սկսեցին ուրախ երգելով իրանց նախկին գործը ձեռք առնել: Ամառուայ գիշերը կարճ է, բայց կենդանարար:

Մանուկները զարթեցին և յետ դցեցին վերմակները. նրանց մատղաշ անդամները բաւական հանգստացել էին. ոտները կամենում էին վազել. ձեռները գործ էին խընդրում. զանգրապատ գլուխներում նոր-նոր մտքեր էին ծնւում: Աղջիկները հագնուեցին, սառը ջրով երեսները լուացան, Աստուծուն աղօթք արին և գնացին ուսումնարան: Ահա վազում են նրանք, ծըրվըլում են ինչպէս թռչունները դաշտերում և ուրախ գուարթ սկսում են գործել: Արեգակը երկնքից նայում է աշխատասէր մանուկներին և ասում է քնքշաբար. «Թող Աստուած օգնէ ձեզ»:

110. Ա Մ Ա Ռ

Ստեղծողն իւր առատ ձեռքը բաց արեց,  
Արտեր, անտառներ հարստացրեց.  
Ծառեր ու թփեր զարդով ծածկուեցին.  
Ամենայն կողմում ծաղկուկ փայլեցին:

Ազատ շրջում են հօտերը դաշտում.  
Ազատ լողում են ձկները ծովում.  
Այգում պտուղներն դեղնել սկսան.  
Արտերում հարուստ ցանքերը հասան:

Դաշտում մանգաղներն սկսան փայլել,  
Եւ անտառներում թռչնակներն երգել.  
«Ինչքան սիրուն է այս ստուերներում.  
Ե՛կ, հանգստացիր, մանկիկ, հովերում.  
Ականջ դիր, ինչպէս մենք երգ ենք երգում,  
Առատ ամառուան փառք վերընծայում»:



— «Ո՛չ թէ ամառուան, ասաց, փառք տուէր՝  
Ով ամառ տուեց, նորան օրհնեցէք»:

111. ԱՄԱՌԸ ԽՈՏՀԱՐՔՈՒՄ

«Տղայք, վաղը առաւօտեան մենք ամենքս կը գնանք խոտհարքի», ասաց մեր հայրը, և մենք այնպէս գոռոռացինք ու վազվզեցինք, որ զօրով կանգնեցրին մեզ: Ես ձուկը բռնելու կարթեր էի պատրաստել, իսկ քոյրերս վեր առան իրանց կողովները, որ պտուղներ հաւաքեն, և առաւօտեան լուսաբացին մեր բոլոր ընտանիքը, սայլերի վրայ նստած, ճանապարհ ընկաւ:

Մի ժամից յետոյ մենք շեղուեցինք լայն ճանապարհից և գնացինք նեղ շաւիղներով, իսկ վերջումը բոլորովին ճանապարհից դուրս եկանք և, վերջապէս, հասանք մեր փափագելի մարգագետիններին: Երբ-որ մենք տեղ հասանք, արևի ոսկիափայլ ճառագայթները դեռ նոր ծածանում էին Մեծ—Մասիսի ձիւնապատ գագաթի վրայ, բայց հովիտն արդէն հնձողներով լիքն էր: Հնձողները, չուխաները հանած, շապկանց, գոյգ-գոյգ առաջ էին քայլում բարձր խոտերի մէջ և իրանց յետևից վայր էին գցում կանաչ խոտերի շերտերը: Նրանցից փոքր ինչ հեռու, միւս կողմը, նրանց ընկերները փոցելով ու եղանով հաւաքում էին չորացած խոտը և փոքրիկ դէզեր կազմում: Հովտի այս ու այն կողմումն էլ սարի նման բարձրանում էին մեծամեծ դէզեր: Մէկ մարդ կանգնած էր դէզի գլխին և վարպետութեամբ դարսում էր խոտը: Գիւղացի մանուկները փոքրիկ կոյտերը կրում էին մեծամեծ դէզերի մօտ: Ուրախութեան աղաղակը տարածւում էր օդի մէջ. աշխատասէր մշակները գործում էին գուարճութեամբ. երգեր, ծիծաղ,

բարձրաձայն խօսակցութիւն, շների հաջոցը, գերանդինների զընգզընգոցը, բեռնակիր ձիւնների խրխընջոցը, եգների բառաչիւնը, անիւների մեղմ շառաչիւնը—այդ բոլորը խառնուելով բնութեան երգիչների քաղցր դայլայլիկների հետ, յափշտակում էին մարդու միտքը:

Ես շտապեցի ձուկը բռնել այն գետակի մէջ, որ հոսում էր այդ հովտի միջով. իսկ քոյրերս սկսեցին հատապտուղներ ժողովել: Յետոյ մենք շատ ուրախութիւններ արինք՝ թիթեռներ բռնեցինք, ծաղիկներ ժողվեցինք և քոյրերիս հաւաքած մորու գեղեցիկ կարմրախառն հատիկներից փնջեր կազմեցինք:

Փոքր առ փոքր սկսեց մութն ընկնել. արեգակն արդէն ծածկուել էր հորիզոնի յետևը: Մշակները դադարեցին իրանց գործերից, ցած զրին գերանդինները և, խաշակնքելով, գոհացան Աստուծուց: Մի քանի բոպէից յետոյ բանուորները, գերանդիններն ուսներին, ուրախ-ուրախ ճանապարհ ընկան դէպի գիւղը: Փոքր տղաները, խրմբեր կազմած, գնում էին առաջից. նրանցից մի քանիսը սրինգ էին ածում, միւսները պարելով հետևում էին նրանց և երգում:

«Մաստիկ շոգ է. ցորեն, գարի հասել են.

Հնձողները խոտը քաղել՝ դիզել են.

Բոլոր ծառեր ծածկըւել են տերևով,

Պտուղները «ճիթ» են անում ժպտալով:

Հօ-հօ-հօ,—ամառ է.

Արևը խիստ կը վառէ»...

Ես ու քոյրերս էլ խառնուեցինք այդ երգող խումբի հետ և ամենեկին չիմացանք, թէ ինչպէս տուն հասանք:



112. Հ Ո Ւ Ն Չ

Անձ բանւորներն շարէ-շար կանգնած,  
Մանգաղը ձեռքին, գոգնոցը կապած,  
Մինչև դատկատեղ բարձրացող արտում,  
Ժպիտն երեսին, ցորեն են հնձում:

Ընդարձակ դաշտը, որ ամիսուկէս  
Մեղմ քամու դիմաց, կապոյտ ծովի պէս,  
ձրկում-թեքում էր ու հէրանց գնում,  
Նորից յետ դառնում, իւր տեղն էր բըռնում,

Այժմ բաց-դեղին ոսկու գոյն առած,  
Տիրոջ օրհնութեամբ հասկերը լցրած,  
Արևի դիմաց փայլում է, խաղում,  
Ամբողջ հովիտը հուր ու ծով շինում:

Կարծես հրեշտակը Տիրոջ հրամանով  
Ծիծաղ է սրփուել իւր առատ ձեռքով.  
Ուրախ ու քրքրիչ, խինդ ու բերկրութիւն  
Դաշտը բռնած է, կ'ասես, օրն-ի-բուն:

Անձ բանւորներն շարէ-շար կանգնած,  
Մանգաղը ձեռքին, գոգնոցը կապած,  
Հնձում են ցորենն ու խուրձեր կապում,  
Կապած խուրձերից տասնեակներ կազմում:

113. Թ Ա Ժ Ա Յ Հ Ա Յ

Կիւրակէի արևը ծածկուեց անտառի յետեր: Միւս  
առաւօտ կիւրացին իւր որդոց հետ դուրս գնաց դաշտը

և ուրախ-ուրախ նայեց մարգագետիններին ու արտերին:  
Մարգագետիններում կանգնած էին մեծամեծ խոտի դէ-  
զեր. իսկ արտերում դեռ տատանում էին հասած ցորե-  
նի հասկերը: Գիւրացին խաշակնքեց և ասաց. «Օրհնենք  
Աստուծուն, որդիք. այս տարի մեր տաւարը խոտ կ'ունե-  
նայ և մենք էլ հաց»: Գիւրացին պոկեց մէկ հասկ, տրո-  
րեց իւր ափի մէջ, նայեց և տեսաւ որ հատիկները մզա-  
ցել են. յետոյ ատամի տակ փորձեց և տեսաւ որ տրա-  
քում են: «Ո՛րդիք, ժամանակ է հնձելու. ձեր մայրը երէկ  
ամբարի վերջին ալիւրը մաղեց»:

Միւս օրը՝ թէ մեծ և թէ փոքր, բոլորը դուրս թա-  
փուեցին դէպի արտերը: Խուրձերը արագութեամբ շարուե-  
ցին միմեանց յետևից. իսկ երեկոյեան արդէն բարձր տաս-  
նեակներ և երեսնեակներ կարգով կանգնած էին արտումը:

Գեռ հունձը չէր վերջացել, որ կամն սկսեց պտրտել  
կալի վրայ: Հայրը մի բեռը ցորեն տարաւ ջրաղաց և  
այնտեղից ձերմակ ալիւր բերաւ: Մայրը խաշ ճարեց,  
խմոր հունցեց. իսկ միւս օրը մանուկներն արդէն ուտում  
էին նոր ցորենից պատրաստած թաժայ հացը:

114. Հ Ա Տ Ի Կ

Լոյսը բացում է, շուտ արտը գնամ,  
Պատռեմ սուր խոփով ես կուրծքը հողի,  
Իմ սիրուն հատիկ, քեզ նորան պահ տամ,  
Մինչև օրերը ամրան արևի:

Թագեմ քեզ, հատիկ, և դարդս քեզ հետ.  
Թէ Աստուած ուզեց, դու կանաչեցիր,



Թող դարդըս մեռնի դետնի տակ անհետ.  
Դու, ինձ մխիթար, կրկին տուն դարձիր:

Եւ ջերմ աղօթքով Տիրամօր առջև  
Ես մոմ կը վառեմ, ես խունկ կը ծխեմ,  
Որ քեզ պարգևէ մի առատ անձրև,  
Որ քեզ միշտ սիրով նայէ խընդադէմ:

Բայց թէ այդ շնորհին, մեղքերիս համար,  
Արժանի չլինիմ, ծով կը դարձընեմ  
Ես տաք քրտինքը ճակտիս արևառ,  
Որ քեզ, իմ հատիկ, ծարաւ չթողնեմ:

Ծլիր, կանաչիր, ոսկէ սաւանով  
Ծածկիր իմ արտը ողջ այժածածան,  
Նոր այն ժամանակ անուշ շրջիւնով  
Տուր ջարդուած սրտիս մի քուն հանգստեան:

115. ՄԱՆԿԱԿԱՆ ՅԻՉՈՂՈՒԹԻՒՆԻՑ

*Օգոստոս*

Չատ ժամանակ է՝ ես իմ յիշատակարանումս ոչինչ  
չեմ գրել. ամբողջ ամառ ես դրա համար միջոց չունէի:  
Այժմ մենք էլ այնքան չենք խաղում, որովհետև շուտ-շուտ  
անձրևում է և աշնան հոտ է գալիս:

Այսօր, Աստուածածնի վերափոխման տօնին, մեծ ու-  
րախութեամբ եկեղեցի են տանում այգիների և արտերի  
պտուղները: Աստուածածնին պտուղներն օրհնում են: Գիւ-  
ղական փոքրիկ եկեղեցին լիքն է մարդկանցով: Բարի  
գիւղացին ջերմեռանդութեամբ վեր է առնում մի փոքրիկ

խաղողի ճիւղ և մի բունն ցորեն: Խաղողը նա ուտում  
է, պասը լուծում, իսկ ցորենը տանում է, իւր սերմա-  
ցուի հետ խառնում: Հայրս և մայրս այսօրուանից սկսում  
են պտուղներ ուտել. իսկ մենք վաղուց լուծել ենք  
պտղապասը:

Դաշտերում արդէն շարուած են ցորենի տասնեակնե-  
րը. շուտով գիւղացին կը բերէ նրանց իւր կալը, որ անձ-  
րևների տակը չմնան: Ահա աշխատասէր գիւղացին ջա-  
նասիրութեամբ կասում է, իսկ նրա որդին խուրձն է  
կրում հնձատեղերից:

Խուրձը կրելուց յետոյ նա պարապ չէ մնալու. արե-  
գակի տաքութիւնը պակասում է. երկինքը շուտ-շուտ ամ-  
պում և անձրևներ է թափում. գիւղացու ցելերը փափկա-  
ցել են. շուտով ցանքը կը սկսուի: Զանձերն էլ սկսել են  
զգալի կերպով կծել. երևում է, որ ամառը վերջանում է:

116. Ա Յ Ո Ւ Ն

Երեկոյեան վերջալուսին  
Ծիծեռնակները չքացան.  
Սարեաները խումբեր կազմած  
Մեր կողմերիցը հեռացան:

Ամեն բան հանդարտ քնած է.  
Դուրսը խաւար է տիրում.  
Չոր տերևը խշխշում է,  
Եւ քամին դուռը ծեծում:

Պ Յ Բ Ձ



# Յ Ա Ի Ե Լ Ո Ի Ա Ծ

(Քերականական վարժութիւններ)

## Ա. Ա Ռ Ա Ր Կ Ա Յ

Մարդը հինգ արտաքին զգայարանք ունի՝ տեսանելիք, լսելիք, հոտոտելիք, ճաշակելիք եւ շօշափելիք:

ա. Դասատանը մենք տեսնում ենք՝ աշակերտ, վարժապետ, սեղան, աթոռ, նստարաններ, գրասեղաններ, գրատախտակ, քարե-տախտակ, լուսամուտներ, դուռը..

Ցանը մենք կարող ենք տեսնել՝ հայր, մայր, եղբայր, քույր, սենեակներ, իսկ սենեակների մէջը...

բ. Երբ անձրև է գալիս, մենք լսում ենք՝ որոտումն, շառաչիւն, գոչիւն. եկեղեցում—դպիրների երգեցողութիւն, քահանաների ընթերցանութիւն, զանգակի հնչիւնը. դաշտումը—սոխակի դայլայլիկը, թռչունների ծլվլոցը. փողոցում—մարդկանց ձայնը, խօսակցութիւնը, աղաղակը, երգը, կուրը...

գ. Ճաշակելով մենք կարող ենք ճանաչել՝ աղը, շիրը, շաքարը, գինին, քացախը ջուրը, թէյը, սուրճը, մածունը...

դ. Հոտոտելով ճանաչում ենք՝ վարդը, մխակը, ռեհանը, շուշանը, մանուշակը, խունկը...

ե. Զօշափելով ճանաչում ենք՝ գնտակը, բամբակը, փետուրը, բուրգը, ձիւնը, հացը..

§ 1. Հինգ զգայարանքի միջնորդութեամբ ճանաչած ըստերը (իրերը) կոչւում են առարկայ:—Աշակերտ, հայր, քույր, երգ, շաքար, բամբակ, վարդ,—առարկաներ են:

Վարժութիւն 1. Ի՞նչ առարկաներ ենք տեսնում եկեղեցում,

դաշտում, անտառում, փողոցում, գետի մօտ, գետի մէջ, արտերում, գոմերում:

Ի՞նչ առարկաներ են շինուում փայտից, երկաթից, կաւից, պղնձից, ապակուց:

Ի՞նչ առարկաներ ենք ուտում: Ի՞նչ ենք խմում: Ի՞նչ ենք հագնում:—Բերանացի:

§ 2. Կան առարկաներ, որոնք մի քանի մասից են բաղկացած:

2. Ո՞րոնք են սեղանի, լուսամուտի, ծառի, կովի, հաւի մասերը: Ի՞նչ մասեր ունի գլուխը, իրանը, ոտները, ձեռքերը:—Բերանացի:

§ 3. Մարդս առարկաներին ջոկ-ջոկ անուններ է տալիս. ամեն առարկայ իւր անունն ունի: Առարկայի մասերն էլ ջոկ-ջոկ անուններ ունին:

Մարդս այն ժամանակն է առարկայի անունը տալիս, երբ-որ իւր տեսածի և մանաչածի մասին ուրիշներին մի բան ուզում է ասել:

Առարկան տեսնում և գննում ենք մեր հինգ զգայարանքներով, իսկ անունը չենք կարող տեսնել և գննել. նրան միայն լսում ենք և հասկանում: Առարկաների անունները մեր տեսողութեանը ենթարկելու համար՝ նրանց գրում ենք, այսինքն տառերով նշանակում ենք:

3. Վերեւ երկու վարժութիւնների պատասխանները ներկայացրէք գրաւոր՝ առաջ ամբողջ առարկաների անունները գրեցէք, յետոյ նրանց մասերի անունները:

## Բ. ԾՆԶԱԽՈՐ ԵՒ ԱՆՇՈՒՆՉ ԱՌԱՐԿԱՆԵՐ

ա. Ոչխար, շուն, կատու, ձի, հաւ, կով, գոմէշ, աշակերտ, քահանայ:

բ. Սեղան, քար, աթոռ, փայտ, կերակուր, այգի, գիրք, եկեղեցի:

§ 4. Առաջին տողի մէջ նշանակած բառերը կենդանի առարկաների անուններ են. այդ առարկաները ազատ



կարող են մի տեղից միւս տեղ անցնել, իրանք իրանց տեղը փոխել: Դրանք շնչատը առարկաներ են:

Երկրորդ տողի մէջ նշանակած բառերը անկենդան առարկաների անուններ են: Այդ առարկաներն իրանց կամքով չեն կարող մի տեղից միւս տեղ անցնել, իրանք իրանց տեղը փոխել: Դրանք անշունչ առարկաներ են:

4. Ի՞նչ շնչատը առարկաներ էք տեսնում դասատանը, պարտէզումը, այգումը, դաշտումը, ուսումնարանումը, եկեղեցումը:—Բերանացի:

Ի՞նչ անշունչ առարկաներ էք տեսնում դասատանը, պարտէզումը, այգումը, դաշտումը, ուսումնարանումը, եկեղեցումը:—Բերանացի:

5. Հետեւել բառերից ջոկեցէք և գրեցէք առաջ շնչատը առարկաների անունները, յետոյ անշունչներինը:—Կացին, գիւղացի, սրոց, սղոց, դարբին, հովիւ, մուրճ, աղախին, կողպէք, ծառայ, աղանի, խոզ, հաւ, հաւաքուն, մեխ, այգի, այգեպան, հաց, հացթուխ, սրահ, գոմ, ձի, կով, եզը, ոչխար, օրօրոց, մանուկ, անկողին, մահճակալ, զգեստ, դերձակ, ասեղ, կօշկակար, կօշիկ, սիսեռ, կաղամբ, համեմ, կարմրախայտ, լոր, մեղու, ճանձ, ծառ, մոծակ, բղէք, խոտ, հնձող, մանգաղ, ձեռներ, ոտներ, աչքեր, այծ, սագ, բադ, եղջիւր, եղջերու, միս, պանիր, աքաղաղ, նապաստակ...

6. Հետեւել օրինակներից արտագրեցէք առաջ անշունչ կենդանիների անունները, յետոյ շնչատըներինը:

Հաւը խօսեցաւ, օրը բացուեցաւ (գրքիս 22 երեսից—մինչև վերջը):

### Գ. ՄՅԱԽՈՐ ԵՒ ՆԻԻԹԱԿԵՆ ԸՌԱՐԿԱՆԵՐ

ա. Աստուած, հոգի, հրեշտակ, ապրուստ, եռանդ, աշխոյժ, աշխատանք, ծուլութիւն, քաջութիւն, սրբութիւն:

բ. Արօր, սեղան, աքաղաղ, մարդ, բաժակ, ալիւր, կաքաւ, կամբ, կացին, անտառ, կարագ, գինի:

§ 5. Առաջին սիւնակի մէջ նշանակած առարկաները թէև կան և անուն ունին, բայց մեր հինգ զգայարանքին ենթակայ չեն. դրանց մենք միայն մտքով կենք ճանաչում: Դրանք մտատը առարկաներ են:

Երկրորդ սիւնակի մէջ նշանակած առարկաները շունչատը և անշունչ առարկաներ են. դրանց ճանաչում ենք մեր հինգ զգայարանքի միջնորդութեամբ: Դրանք կոչոււմ են նաև նիւթական առարկաներ, որովհետև կազմուած են որևէ նիւթից:

7. Հետեւել խօսքերից ջոկեցէք մտաւոր առարկաները նիւթականից, նիւթականներն էլ երկու խմբի բաժանեցէք՝ շնչատը և անշունչ:

Աստուած ստեղծեց մարդուն և տուեց նրան հոգի, միտք և կամք, որ կարողանայ սեպհական խելքով իրան համար ապրուստ ձարել: Մարդը հնարեց արօրը, երկիրը վարեց, հացահատիկներ ցանեց. կացին հնարեց՝ իւր տան ու վառելիքի համար փայտ կտրատեց. սանձ ու թամբ հնարեց և իրանից ուժեղ կենդանիներին հնազանդեցրեց. միտք բանացրեց և շատ անասուններ, գործիք ու սարք ունեցաւ:—Բարի մարդը իւր կարողութիւնից աղքատին փող, ծարաւին ջուր, քաղցածին հաց և տկլորին շոր է տալիս: Աստուծու հրեշտակն օգնում է բարի մարդուն:

Բերանացի և գրաւոր:

### Գ. ԸՌԱՐԿԱՆԵՐ ԹԻՒՂ

ա. Հաց, քար, ծառ, պատ, միս, մոմ, աղ, մաղ, ձեռն, ոտն: Կացին, սեղան, քորոց, աշակերտ, կերակուր, եկեղեցի, քահանայ, մատանի:

բ. Հաց-եր, քարեր, ծառեր, պատեր, մսեր, մոմեր, աղեր, մաղեր, ձեռներ, ոտներ:

Կացին-ներ, սեղաններ, քորոցներ, աշակերտներ, կերակուրներ, եկեղեցիներ, քահանայք, մատանիք:

§ 6. Առաջին երկու տողի մէջ եղած բառերից ամեն մինը մի հատիկ առարկայի անուն է. մի հաց, մի քար, մի կացին, մի եկեղեցի:

Երկրորդ երկու տողի մէջ եղած բառերից ամեն մինը մի քանի միատեսակ առարկայի անուն է՝ շատ հաց, շատ քար, շատ կացին, շատ եկեղեցի:



Միևնոյն անունը, շատ առարկաներ ցոյց տալիս, վերջիցը եր, ներ կամ ք է առնում:

8. Հետեւեալ խօսքերի մէջ մի առարկայի անունը ջոկեցէք շատից: Հայրս գնաց փողոց և գնեց միս, հացեր, հաւեր, բաղ և հընդկահաւեր: Աշակերտները կաւիճ գնեցին և գրատախտակի վրայ դասը գրեցին: Գիւղացիք արտերը վարեցին: Քահանայք եկեղեցում ժամ ասացին: Դաշտում արածում էին կովեր, եղներ, այծեր, ոչխարներ և ուրիշ շատ կենդանիք: Դարբինը շինում է կացին, բահ, խոփ, մանգաղ, ուրագ և ուրիշ բաներ: Ջուլհակը շալ գործեց: Բրուտը շինեց կժեր, սրուակներ, դաւաթներ: Հաւը ձու է ածում: Կովը կաթն է տալիս: Աշակերտը գնեց մատիտ, քանոն, գրիչ, թանաքաման և գրչաման: Հայկը պայուսակ ունի: Արամը կարկին չունի: Բոլոր աշակերտները քանոններ ունին: Ոչ մի աշակերտ տողացանց չունի:

Բերանացի և գրաւոր:

9. Բոլոր ջոկած առարկաները փոփոխեցէք՝ մէկը շատի դարձրէք, շատը մէկի, հետեւեալ կարգով՝ հայրս—հայրերս, փողոց—փողոցներ, միս—մսեր, հացեր—հաց և այլն:

### Ե. ԱՌԱՐԿԱՆԵՐ ԵՎ ՈՐԱՐԿԱՆԵՐԻ ՆՆՆԱԿՆԵՐ

ա. Կարմիր խնձոր, սպիտակ շաքար, թթու քացախ, սև թանաք, կապոյտ ծաղիկ:

բ. Ոսկէ մատանի, քարէ եկեղեցի, արաբական ձի, հիւսիսային եղջերու, առաւօտեան հով:

§ 7. Առաջին և երկրորդ տողերի մէջ նշանակած բառերը՝ կարմիր, սպիտակ, արաբական, հիւսիսային և այլն, ոչ առարկաների անուններ են և ոչ նրանց մասերի. նրանք զրուած են առարկաների համար և ցոյց են տալիս նրանց որպիսութիւնը կամ յատկութիւնը:

§ 8. Մարգս իւր զգայարանքները միջոցով ոչ միայն առարկաներն է ճանաչում, այլև նրանց որպիսութիւնը (թէ առարկան ինչպիսի է):

Որպիսութիւնն առանց առարկայի չի կարող լինել: Որպիսութիւնն էլ, առարկայի պէս, իւր անունն ունի:

10. Հետեւեալ օրինակներից ջոկեցէք որպիսութիւնների անունները:—Սև կուպր, կարմիր գինի, կանաչ խոտ, պայծառ արև, փայլուն աստղ, կապոյտ երկնակամար, փայտեայ կլոր դաւաթ. անտառային թթու խնձոր. դաշային խորամանկ աղուէս, փոքրիկ երկչոտ նապաստակ. թունաւոր սև օձ. եղջերաւոր խոշոր անասուն. հարաւային տաք քամի. հիւսիսային սառնաբեր փոթորիկ. պողպատէ սուր մանգաղ. քարէ լայն ուղի. ծուռ նեղլիկ շաւիղ. հին խոր ջրհոր. տերեւաշատ խիտ անտառ. քառակուսի գեղեցիկ սեղան. մագէ երկար թռիկ. բրդէ փափուկ գուլպայ. արծաթէ փայլուն դրամ. պարսկական թանկագին գորգ:

11. Որպիսութիւն ցոյց տուող անունների տակը գիծ քաշեցէք:—Պայծառ երկնակամարի վրայ գորշագոյն ամպեր երևացին: Ամպերը թանձրացան և սև կեղևով ծածկեցին կապոյտ երկինքը: Երեկոյեան կենսատու անձրևը ջրեց ծարաւ երկիրը: Դաշտային թառամած բոյսերը զուարթացան. նրանք իրանց բարակ արմատներով թաց հողից դուրս ծծեցին սննդարար հիւթը: Ծառերի փայլուն տերևներն ազահաբար ներս ծծեցին խոնաւ օդը: Ցորենի և գարու արտերն իրանց քստալի հասկերի նիհար հատիկները լցրին, կշտացրին:

12. Հետեւեալ առարկաների մօտ դրէք իրանց պատշաճ որպիսութիւնների անունները:—Ամպ, գունդ, շուն, թիթեռ, խնձոր, ջուր, կապիկ, ապակի, քամի, գրիչ, անիւ, խուրձ, խոտ, արև, ոսկի, արծաթ, ածուխ, քար, բամբակ, հաց:

§ 9. Մի առարկայ կարող է նաև մի քանի որպիսութիւն ունենալ՝ կանաչ, տերեւախիտ, քազմաճիւղ, ծկուն, ստուերաշատ ուռենի:

13. Ի՞նչ յատկութիւններ կարող են ունենալ հետեւեալ առարկաները՝ ճանապարհ, տուն, գարուն, ամառ, աշուն, ձմեռ, ջուր, շաքար, ապակի:—Բերանացի և գրաւոր:

§ 10. Մի քանի առարկաներ կարող են միևնոյն որպիսութիւնն ունենալ՝ վնասակար գայլ, վնասակար մարդ, վնասակար գործ. քարձր ձայն, քարձր ծառ, քարձր մարդ, քարձր արժանաւորութիւն:

14. Հետեւեալ որպիսութիւններն ի՞նչ առարկաների կարելի է յատկացնել՝ կարմիր, սպիտակ, սև, կանաչ, կապոյտ, քաղցր, դառը,



սուր, պինդ, փափուկ, կլոր, հիւթաւոր, թափանցիկ, ծանր, թեթև, մաքուր:—Քերանացի և գրաւոր:

15. Հետևեալ առարկաներից ամեն մինը ինչ յատկութիւններ պիտի ունենայ անպատճառ՝ սոխը, սխտորը, արծաթը, ոսկին, պղինձը, շուշանը, մանուշակը, դանգակը, գետի ջուրը, ծովի ջուրը, բամբակը, արծիճը, մեղրը, քացախը:

16. Որպիսութիւն ցոյց տուող բառերի տակը գիծ քաշեցէք:— Անձրեային աշուն: Աշնանային անձրև: Փոթորկալի ծով: Ծովային փոթորիկ: Գաշտային ծաղիկ: Ծաղկաւէտ դաշտ: Անձրևոտ ամառ: Ամառային անձրև: Մարդկային արժանաւորութիւն: Արժանաւոր մարդ: Կենդանական բնութիւն: Բնական կենդանի:

17. Որպիսութեանը նայելով՝ ճանաչեցէք առարկաները:—Հեղուկ, հոսանուտ, թափանցիկ, անհամ: Կլոր, ամուր, սպիտակ, երկնքից վայր ընկնող: Կլորակ, դեղին, աշխարհի սիրելին: Գեղեցիկ, անուշահոտ, կարմիր, փշոտ: Կլոր, կարմրաթշիկ, քաղցրահամ: Պողպատէ, սուր, շողշողուն, կարևոր:

### 9. ՈՐՊԻՍՈՒԹԵԱՆ ԹԻԻՐ

ա. Կարմիր խնձորներ, երկար քանոններ, սպիտակ թղթեր, կանաչ յուլունքներ, գիւղացի մարդիկ, դաշտեցի բնակիչներ:

բ. Կարմիր-ները, երկարները, սպիտակները, կանաչները, գիւղացի-ք, դաշտեցի-ք:

§ 11. Որպիսութիւն ցոյց տուող բառերը թիւ շունին, երբ առարկայի մօտ են դրուած. բայց եթէ մենակ են, կարող են առարկաների անուան պէս նր, ներ, ք տառերն առնել իրանց վերջում և շատի համար գործ ածուել:

18. Հետևեալ օրինակների մէջ գտէք մենակ գործածուած որպիսութիւն ցոյց տուող բառերը և տակը գիծ քաշեցէք:—Հիւանդները նախանձում են առողջներին: Հարուստները պարտաւոր են օգնել աղքատներին: Գիտունները սովորեցնում են: Օրէնքը պատժում է չարերին: Քրիստոսը ներում էր մեղաւորներին, բժշկում էր կողերին, կոյրերին, անդամալոյծներին, բորոտներին և դիւահարներին: Աստուած խնամում է որբերին: Կազն ու կոյրը մի սրբնթաց առուակով պէտք է անցկենային: Վարդերի մէջ ես սիրում եմ կարմիր-

ները: Քաղաքացի մարդիկ թէև շատ անգամ ծաղրում են գիւղացիներին, բայց եթէ գիւղացի մարդիկը չլինին, քաղաքացիք, հաւատա՞, սոված կը կոտորուին:

### Է. ԱՌԱՐԿԱՆՑԻ ԳՈՐԾՈՂՈՒԹԻՒՆԸ

Չունը հաջում է. չունը կծու է. չունը փախչում է: Քոչունը թռչում է. թռչունը խաղում է. թռչունը երգում է, բուն է շինում, ձագ է հանում, մտեղներ է բռնում, ճուտերին կերակրում:

§ 12. Նշանակած բառերը՝ հաջում է, թռչում է, երգում է... ոչ առարկաների անուններ են և ոչ որպիսութեան. նրանք միայն ցոյց են տալիս, թէ առարկան ինչ է անում, ինչ է գործում: Դրանք գործողութիւն ցոյց տուող բառեր են:

Առարկայի գործողութիւնն էլ մարդս ճանաչում է իւր հինգ զգայարանքների միջնորդութեամբ:

§ 13. Գործողութիւնն էլ, որպիսութեան պէս, առարկայի համար է դրուում: Որպիսութիւնը ցոյց է տալիս թէ առարկան ինչպիսի է, իսկ գործողութիւնը՝ թէ նա ինչ է անում:

§ 14. Ինչպէս որ առարկաներն ու իրանց որպիսութիւնները, այնպէս էլ առարկաների գործողութիւնները ջոկ-ջոկ բառերով ենք նշանակում:

19. Հետևեալ խօսքերի մէջ գտէք գործողութիւն ցոյց տուող բառերը և նրանց տակը գիծ քաշեցէք:—Որսորդն սպանեց մի գայլ: Գայլը պատառել էր հովուի ոչխարները: Կարապետը առաւօտները վեր է կենում, շորերը հագնում, երեսը լուանում, աղօթք է անում և առաւօտուայ հացն ուտում ու գնում դաշտը: Մանր տղաներն ուսումնարան են գնում: Ձին բռն է կրում: Օձը սողում է: Ձուկը լողում է: Թռչունը թռչում է: Արծիւը սլանում է օդի մէջ: Գետը հոսում է: Քամին փչում է: Ամպը որոտում է:

20. Արտագրեցէք առաջ գործողութիւն ցոյց տուող բառերը, յե-



տոյ առարկաների անունները:—Գիւղացին մաքրում է վարելահողը, վարում է օրավարը, սերմում է, ցաքանում և Աստուած է կանչում, որ ժամանակին տայ արև, անձրև և օրհնէ իւր վաստակը: Գիւղացին գնում է պարտէզ, հողը մշակում, մարգեր է շինում, բանջարներ ցանում, կարտփիլ սերմում և պարտէզի շորս կողմն էլ ցանկով պատում, որ անասուններ չմտնեն, իւր աշխատանքը շուսեն, շարորեն: Գիւղացին էլի շատ բան է շինում, շատ գործեր գործում:

21. Ամեն մի առարկայի մօտ գրէք իրան յարմարաւոր գործողութիւնը և աւելացրէք թէ առարկան ինչ բան է շինում և ինչից:—  
Հացթուխը թխում է հացը ալիւրից: Քոյրս կարում է շապիկներ քաթանից: Դարբինը շինում է պայտեր... կօշկակարը... պղնձգործը... օսկերիչը... նկարիչը... խոհարարը... ջաղացպանը... դերձակը... հիւսնը... ջուլհակը... որմնագիրը... ճարտարապետը... հնձողը... ձկնորսը...

§ 15. Մի առարկայ կարող է մի քանի տարբեր գործողութիւններ կատարել:—Գիւղացին վերցրեց մանդաղը, դուրս գնաց դաշտը և ձիու համար խոտ հնձեց: Մանուկները ժողովեցին իրանց գրքերը, դարսեցին պայուսակի մէջ և գնացին վարժատուն:

22. Հետեւալ առարկաներից ամեն մինին տուէք մի քանի յարմարաւոր գործողութիւններ:—Ձին, կովը, ոչխարը, հաւը, քրաղաղը, կատուն, շունը, գայլը, ագռաւը, ծիծեռնակը, սոխակը, կկուն, մեղուն, խոզը, աղանիին, գորտը, բազը, թռչունը, ձուկը, օձը, մարդը... —Բերանացի և գրաւոր:

§ 16. Միևնոյն գործողութիւնը կարող է զանազան առարկաների ձեռքով կատարուիլ:—Ձուկը լողում է, գորտը լողում է, բազը լողում է, մարդն էլ լողում է:

23. Ի՞նչ առարկաների կարող ենք յատկացնել հետեւալ գործողութիւններից ամեն մինը:—Լոյս է տալիս (ճրագը լոյս է տալիս, կրակը լոյս է տալիս, լուսինը լոյս է տալիս, աստղերը լոյս են տալիս, արևը լոյս է տալիս...), արթնանում է, թռչում է, բառաչում է, մայում է, հանգչում է, որոտում է, դուրս է գալիս, մայր է մանում, վառում է, վայր է ընկնում, փայլում է, ծաղկում է, աճում է, մեռնում է:

24. Հետեւալ բառերից սրտնք են ցոյց տալիս առարկայ, գործու-

ղութիւն և որպիսութիւն:—Մշակ, մշակել, մշակող, մշակութիւն: Կտարեցի, կտարած, կտոր: Փշրանք, փշրուն, փշրում էր: Կերակուր, կերած, կերել եմ: Կըզրեմ, գիրք, գրութիւն, գրիչ, գրող: Խմիչք, խմեցի, խմած: Խելք, խելօք, խելօքացաւ: Խաղ, խաղում է, խաղասէր, խաղալիք: Ծամում է, ծամ, ծամելու: Կար, կարած, կարող, կարկատան, կարեց: Կըհնձէ, հունձ, հնձող, հնձած: Չայն, ձայնաւոր, ձայնել, անձայն: Ճանապարհ, ճանապարհել, ճանապարհորդ, ճանապարհորդութիւն: Մանուկ, մանկական, մանկանալ: Յիշատակ, յիշատակել, յիշատակող, յիշատակարան: Ներել, ներողամիտ, ներողութիւն: Չնորհ, շնորհել, շնորհած, շնորհաւորէք, շնորհաւորեցիր, շնորհաւորող: Չար, շարանալ, շարութիւն, շարչարանք, շարչարուել: Սուր, սրոց, սրել: Ոյժ, ուժեղ, ուժեղանալ:

Ը. ԳՈՐԾՈՂՈՒԹԵՆ ԹԻԻԼ

- ա. Ես կարգում եմ: Դու գրեցիր: Հնձողը հնձեց:
- բ. Մենք կարգում ենք: Դուք գրեցիք: Հնձողները հնձեցին:

§ 17. Առաջին տողի մէջ գործ կատարող առարկաները մէկ-մէկ են. նրանց կատարած գործողութիւնն էլ մէկ է—մի անգամ է կատարում: Երկրորդ տողի մէջ գործողները շատ են. նրանց կատարած գործողութիւնն էլ շատ է—մի քանի անգամ է կատարում: Գործողութիւնն էլ՝ առարկայի ու որպիսութեան պէս, կարող է մէկ և շատ ցոյց տալ: Գործողութիւնը շատացնելիս՝ վերջից աւելացնում ենք ն և ք տառերը մենակ կամ ուրիշ տառերի հետ:

25. Հետեւալ օրինակները փոփոխեցէք այնպէս, որ առարկաներն ու գործողութիւնները մէկից շատ ցոյց տան:—(Աշակերտը կարգում է իւր դասը: (Աշակերտները կարգում են իրանց դասերը): Կովն արածում է դաշտումը: Թռչունը երգում է իւր քաղցրահնչիւն երգը: Որմնագիրը պատում է պատը: Վարժապետը սովորեցրեց աշակերտին: Աշակերտը լսեց վարժապետի ասածը: Քահանան մկրտեց մանկանը: Մանուկը մեծացաւ, ուժեղացաւ և իւր հօրն օգնող եղաւ: Ամառը ես կըզնամ գիւղը. աշնանը նորից կըվերադառնամ:



26. Հետեւեալ օրինակների մէջ գործողութիւնները փոփոխեցէ՛ր՝ շատը մէկ շինեցէ՛ք:— Հացը թխում են տանտիկինները կամ հացթուխները: (Հացը թխում է տանտիկինը և այլն): Հացը թխում են խմորից: Խմորը հունցում են ալիւրից, ջրից և խաշից: Ալիւրն աղում են ջաղացում ցորենից: Հացահատիկները հասնում են արտերում, հասկերի մէջ: Գիւղացիք դաշտը մշակում են. նրանք հերկում են հողը—ցել են անում, յետոյ ցելումը սերմում են ցորեն և ուրիշ հացահատիկներ:

§ 18. Մեր սովորած ըստերից մի քանիսը առարկայի անուն են, միւսները որպիսութեան, իսկ ոմանք գործողութեան:

27. Հետեւեալ խօսքերը վերլուծեցէ՛ք և ասացէ՛ք իւրաքանչիւր բառի նշանակութիւնը:— Փայտուն արևը մայր մտաւ (փայտուն՝ ցոյց է տալիս արևի որպիսութիւնը. արևը՝ անշունչ և նիւթական առարկայի անուն է. մայր մտաւ՝ ցոյց է տալիս արևի գործողութիւնը): Լուսինը վաղուց գնաց, թագկացաւ: Փոքրիկ աստղերը ամպի տակ մտան: Բարեպաշտ մարդիկ ժամ գնացին: Ծոյլ մանուկները տանը մնացին: Աշխատասէր աշակերտները դասերը սովորում են: Աղօտ լուսինը լուսաւորում է քնած երկիրը: Պայծառ աստղերը փայլում են պարզ երկնքի վրայ: Սև-սև ամպերը ծածկեցին կապուտ երկնքի երեսը: Գիշերը մթնեց: Վայրենի գազանները դարձեցին: Չար մարդիկ սիրում են խաւար գիշերները:

Բ

### ՈՒՂՂԱԳՐԱԿԱՆ ՎԱՐԺՈՒԹԻՒՆՆԵՐ

Թ. ԲԱՌ, ՎԱՆԿ ԵՒ ՏԱՌ

§ 19. Առարկային, նրա որպիսութեանն ու գործողութեանը մարդս առանձին-առանձին անուններ է տալիս: Առարկայի, գործողութեան և որպիսութեան անունները ըստեր են:

- ա. Հաց, ծառ, քար, ջուր, ցուրտ, սև, լաւ, մոմ, միտ, չէկ:
- բ. Բա-ժակ, գարի, ցորեն, բարակ, հասակ, սիրուն:
- գ. Բա-րե-կամ, աշակերտ, աշխատել, աշխատութիւն:

§ 20. Առաջին տողի մէջ նշանակած բառերը կարդացում են միանգամից. երկրորդ տողի մէջ նշանակուածները երկու անգամից, իսկ երրորդ տողի մէջ նշանակուածները երեք անգամից:

Բառի այն մասը, որ արտասանւում է միանգամից, վանկ է կոչւում:

§ 21. Վանկերի թուին նայելով բառերը լինում են միավանկ, երկավանկ և բազմավանկ:

§ 22. Ամենայն բառ մի կամ մի քանի վանկից է շինուած, իսկ ամենայն վանկ շինուած է մի կամ մի քանի հնչիւններից:

§ 23. Գրելու ժամանակ հնչիւնների տեղակ գործ ենք ածում առանձին նշաններ, որոնք տառ կամ գիր են կոչւում:

§ 24. Կան տառեր, որոնք հեշտ են արտասանւում և, առանց ուրիշ տառերի օգնութեան, պարզ հնչւում են. բայց կան և այնպիսի տառեր, որոնք միայնակ դժուար են հնչւում և հեշտ հնչուող տառերի օգնութեամբ են միայն արտասանւում:— Հեշտ հնչուող տառերն են՝ ա, ե, է, ը, ի, ո, օ, ու: Սրանք ծայնատր են կոչւում: Մնացած տառերը կոչւում են ըստածայն:

§ 25. Առանց ձայնաւոր տառի վանկ չի լինիլ: Առանց բաղաձայն տառի վանկ կարող է լինել:

§ 26. Գրելու ժամանակ, բառի մի մասը մէկ տողից միւս տող անցկացնելիս, պէտք է ամբողջ վանկ կամ վանկեր անցկացնել:

- Ա-սան, ա-րան, ա-ժան, գի-նի, քա-րի, դա-նակ, եղան:
- Ա-րե-զակ, ա-րե-դայ, ժա-մա-նակ, ժա-մա-ցոյց:

§ 27. Կանոնաւոր կարդալու և անսխալ զրելու համար



պէտք է գիտենալ, թէ բառերն ինչպէս են վանկուում: Վանկելու հիմնական կանոնն այն է՝ որ բաղաձայն տառը, եթէ մենակ է, կաշում է իրանից յետոյ եկող ձայնաւորին:

28. Վերոյիշեալ կանոնին համաձայն վանկեցէք հետեւեալ բառերը. կերայ, տեսայ, եկայ, բարակ, գաթայ, թաւայ, արեգակ, Արուսեակ, քահանայ, յիսուն, Յիսուս, գարի, ցորեն, ցերեկ, ցուցակ, կարաս, կացին, գաւաթ, դինի, Գարեգին:

Ար-ճիճ, աղ-քատ, աղ-Ղիկ, ար-դար, եղ-նիկ: Ըն-տե-ղէն, ընտ-րու-թիւն, երկ-րա-չափ:

§ 28. Երբ *բառի մէջ մի քանի բաղաձայններ կան, միայն վերջին բաղաձայնն է կաշում իրանից յետոյ եղած ձայնաւորին, իսկ միւսը կամ միւսները մնում են նախորդ ձայնաւորին:*

29. Վանկեցէք հետեւեալ բառերը՝ աղբիւր, եղջիւր, երկինք, երդիկ, երկնաւոր, երկրագործ, իշխանաւոր, ինքնասէր, որկրամու, որդեսէր, սրբակեաց, ընկուզ, ընտանի, ընտեղէն, թարգմանել, մարդկութիւն, մաքրասէր, կարգաւոր, ընտրութիւն:

Բը-ժիշկ, բնակ, բլիթ, դդում, դժոխք, թթու, թզուկ, բըրդել, խըն-դիր, զըն-դան. խըրտ-նել, ճընճ-դուկ:

§ 29. Եթէ *բառի սկզբում մի քանի բաղաձայն տառեր կան, վանկելու ժամանակ առաջին բաղաձայնից յետոյ դրւում է ը ձայնաւորը, իսկ միւս բաղաձայնները վարւում են նախընթաց կանոնին համեմատ:*

30. Վանկեցէք հետեւեալ բառերը՝ բռնել, բրդել, գրիչ, գնտակ, գլուխ, գդակ, դրդել, տրտմել, դղալ, զննել, զրկել, թթու, թզուկ, թռչուն, թշնամի, ժպիտ, ժլատ, ժժմակ, լռել, լրտես, խխունջ, խնձոր, խնդիր, խրանել, ծնունդ, ծնկաչոք, ծղրիդ, կթել, կրկնել, կռթնել, հնդիկ, հնդկահաւ, ձնծաղիկ:

§ 30. Բառի վերջում բաղաձայն տառերը միշտ կըց-

ւում են իրանցից առաջ եղող ձայնաւորին՝ մէկ լինին, թէ մի քանի. միայն ն և ը տառերը հարեան բաղաձայնի հետ առանձին վանկ են կազմում (ծունը—ծունըր):

31. Վանկեցէք հետեւեալ բառերը և, ուր որ պէտք է, ը աւելացրէք.—Սանդ (գործիք), սանր. ծունկ, ծունր. ծածկ, ծանր. մարդ, մանր. կուրծ, կարծր, բարձր. ոտք, ոտն. ձեռք, ձեւն. բերք, բեւն. կառք, գառն, դառն, սառն, դուռն, նուռն, բուռն, ծուռն, ամառն, ձմեռն. մեղր, կայսր, եզր, ծաղր:

Բը-ժիշկ, դըդում, զընդան, թըզուկ, ժըժմակ, լըրտես, խընդիր ծընունդ:

Սկունդ—ըսկունդ. սպաս—ըսպաս. զբաղմունք—ըզբաղմունք. շտապ—ըշտապ. զգալ—ըզգալ:

Առաջին տողի մէջ բաղաձայն տառը վանկուելու համար իրանից յետոյ առել է ը ձայնաւորը, իսկ երկրորդ տողի մէջ բաղաձայնը իրանից առաջ է առել այդ ձայնաւորը:

§ 31. *ս բաղաձայնը թ, կ, ս, տ, ք տառերի հետ, զ բաղաձայնը ք, գ տառերի հետ և շ բաղաձայնը տ տառի հետ հանդիպելիս, բառի սկզբում, հնչւում են որպէս ամփոփ ըս, ըզ, ըշ:*

32. Աւելացրէք ը տառը, ուր որ հարկաւոր էք համարում:—Սթափուել, սկիսուր, սկայ, սկունդ, սկուտղ, սպաս, սպունգ, սպի, սպիտակ, սպեղանի, սպասել, ստամոքս, ստէպ, ստոր, ստոյգ, ստանալ, ստինք, սփիւռ, սփոփանք, սփածանելի, սքողել, սքանչելի, սքանչանալ:—Ջրօսանք, զբաղմունք, զգալի, զգեստ, զգոյշ, զգօն, զգայարանք, շտապել, շտեմարան:

Սարդ (միջատ)—սարդ (այդ սարը):—Չին երկու ոտի վրայ ծառս եղաւ (ծառանալ):—Ծառս արմատից կտրուեց (այս ծառը):—Տունն, բունն (այն տունը):

§ 32. *ս, ռ, ն տառերը, եթէ բառի անանջատ մասը*



չեն, այլ՝ որպէս եկամուտ տառեր, աւելացած են բառի վերջում, որ առարկաների դասաւորութիւնը ցոյց տան, իրանց նախորդ բաղաձայնի հետ միշտ մի վանկ են կազմում:

33. Ուր որ յարմար է՝ ը դրեր և վանկ կազմեցէք.— Կարդ—կարդալ: Կարդ կարիր: Բարդ—բարդել. մարդ—տղամարդ. մէրդ—մարդ մարդ. հորթ—հօրդ. կիրթ—գիրդ. սերդ—սէրդ. բանտ—բանտարկել. բանդ շինիր, յետոյ խաղան. մարս—մարսել. մերս—մերսել. մէրս—մարս—մայրս. սարս—սարսել—սարսափ. սարս ձինսպատ, ամպերս մթին, անտառներս խիտ:

§ 33. Կ տառը զրուում է բառի սկզբում և, եթէ մօտի տառը բաղաձայն է, այն ժամանակ և առնում է ը ձայնաւորը և առանձին վանկ է կազմում. իսկ եթէ մօտի տառը ձայնաւոր է, այն ժամանակ առնում է ( ) նշանը և յաջորդ ձայնաւորի հետ մի վանկ է կազմում՝ կըզըեմ, կ'ասեմ:

§ 34. Հայերէն տառերը զրուում և կարդացուում են հետևեալ կարգով՝ այբ, բեն, գիմ, դա, եչ, զա, է, ըթ, թոյ, ժէ, ինի, լիւն, խէ, ծա, կէն, հոյ, ձա, դադ, ճէ, մէն, յի, նու, շա, ո, չա, պէ, ջէ, ռա, սէ, վէվ, տիւն, ըէ, ցօ, լիւն, փիւր, քէ, օ, ֆէ:

§ 35. Բոլոր տառերը միասին վերցրած՝ կազմում են Հայերէն այբուբենը, իսկ այստեղ յառաջ բերած կարգը կոչուում է այբբենական կարգ: Հայերէն այբուբենի տառերը 38 են:

# ՄԱՅՐԵՆԻ ԼԵԶՈՒ Բ. Տ.

ՆԻԻԹԵՐԻ ՑԱՆԿԸ

Յառաջաբանում յիշուած «Մասունցի Դաւիթը» այս գրքի մէջ չմտաւ. նրան կը գետեղենք «Մայրենի լեզուի» երրորդ տարւոյ մէջ, որը շուտով մամուլին ենք տալու:

I ԾՐՋՆ՝ Թեթեւ նիւթեր նախնական ընթերցանութեան համար:

1. Սյրբենարան . . . . .	5
2. Կարդալ-գրել* . . . . .	6
3. Ամեն բան իրան տեղը . . . . .	»
4. Տխուր երեխայ. Գ. Քաթիպայ . . . . .	7
5. Իմ ուսումնարան գնալը . . . . .	8
6. Արևին* . . . . .	9
7. Մըջիւնը և Աղանին. . . . .	»
8. Աքաղաղն ու հաւը. ժողովրդ. . . . .	10
9. Ագոար աղանետանը. . . . .	11
10. Կոունկներ* ժողովրդ. . . . .	12
11. Օձի գլուխը և պոչը . . . . .	»
12. Հանելուկներ* Շ. . . . .	13
13. Վարդենին ու փուշը . . . . .	»
14. Հանելուկ* Շ. . . . .	14
15. Լաւ ընկերը . . . . .	»
16. Մանուշակ* Գ. Քաթիպայ . . . . .	15
17. Պառան ու հաւը . . . . .	16
18. Մանկական խաղ* Սարգար. . . . .	»

## II ԾՐՋԱՆ՝ Ցանր եւ Ուսումնարանումը

19. Մեր տունը . . . . .	19
20. Խրճիթ* . . . . .	20
21. Մեր դասատունը. . . . .	22
22. Հրաւէր դէպի ուսումնարան* . . . . .	»
23. Մեր ընտանիքը . . . . .	23
24. Զուակների միթարանքը* . . . . .	24
25. Պապը. . . . .	26
26. Բարի գործ* Յով. Թումանեան . . . . .	27
27. Ինչպէս են շինում տները. . . . .	28



28. Տան օրհնութիւնը* Եղեկեան.	29
29. Հացն ուտելով... Թ. Ղուկասեան.	30
30. Գարուն* Գ. Քաթ.	31
31. Ոյժն իրաւունք չէ.	32
32. Հզօր ճար* Գ. Քաթիպայ.	»
33. Առաւօտեան ճառագայթները.	33
34. Օրօրոցի երգ. Գ. Քաթիպայ.	34
35. Կաւիճ.	35
36. Թռչնակ*.	37
37. Սպունգ.	38
38. Գարնան կարապետ* Գ. Քաթիպայ.	40
39. Մատիտ.	41
40. Լուսին և Արև* Արարատեան.	42
41. Ռետին.	43
42. Երկու քոյր* Պատկանեան.	44
43. Կրակ.	47
44. Դարբին* Կ. Հահնազարեան.	48
45. Օդ.	49
46. Քամին և Նաւերը*.	50
47. Ուրիշին հօր փորնս-	51

III ՇՐՋԱՆՆԻ ԵՐԻԹԵՐ Կենդանական Աշխարհից

48. Չնիկ.	55
49. Կատու.	»
50. Հունը և կատուն* Յով. Թումանեան.	56
51. Երկու մուկը.	58
52. Դաշտեցի մուկը.	»
53. Զի.	59
54. Տխուր ձի*.	60
55. Կով.	61
56. Կորած հորթ* Աղայեան.	62
57. Կենդանիների վէճը.	63
58. Կթել և հարել* Արարատեան.	»
59. Ոչխար.	64
60. Գառը զայլի մորթով*.	65
61. Խոզ.	66
62. Խոզը կաղնու տակ*.	»
63. Սագեր.	67
64. Աղանիներ.	68
65. Ծիծեռնակ.	69
66. Պանդխտի երգը* Ռ. Պատկանեան.	»
67. Կապամբի թիթեռ.	70
68. Զատիկ.	71

69. Թիթեռ և մանուկ*.	»
70. Հրեղէն ձի.	72

IV ՇՐՋԱՆՆԻ ԵՐԻԹԵՐ Բուսական Աշխարհից

71. Այգի.	80
72. Երկրագործը և ծաղիկը*.	»
73. Պարտէզ.	81
74. Ծաղիկների երգը*.	82
75. Երաշտ.	83
76. Գարնանային առաւօտ*.	84
77. Բոյսերի կերակուրը.	»
78. Գարնան փոթորիկ*.	»
79. Ծառերի վէճը.	85
80. Ուռնիներ*.	86
81. Ուտելիք և խմելիք.	»
82. Հանելուկ*.	»
83. Փորձանք ու սլատուհաս.	87
84. Զրաղաց*.	88
85. Վուշ և քաթան.	»
86. Զրննածած արտ*.	90
87. Զրի ճանապարհորդութիւնը.	91
88. Զարմանալի մշակ.	93
89. Ցուլիկը և Վարդուհին.	95

V ՇՐՋԱՆՆԻ Տարուայ չորս եղանակների

90. Զորս եղբայր* Պատկանեան.	99
91. Ալեոր պապի շարիքները.	100
92. Ի՞նչ արեց ձմեռը*.	102
93. Յունվարի մէկին.	»
94. Նոր տարի*.	103
95. Յունվարի հնգին.	104
96. Զիւն*.	105
97. Յունվարի 6-ին.	106
98. Ակնկալութիւն գարնան*.	107
99. Պասի առաջին երկուշաբթի.	»
100. Գարուն*.	108
101. Ծախկազարդ կիւրակի.	»
102. Աւագ հինգշաբթի.	110
103. Աւագ ուրբաթ.	111
104. Գարնանային ջրեր*.	112
105. Սուրբ Յարութիւն.	»
106. Քրիստոս յարեալ* X.	115
107. Մեծիօրցք.	116



108.	Զինականների երգը* Պատկանեան.	117
109.	Ամարային առաւօտ.	118
110.	Ամառ*	119
111.	Ամառը խորհարքում	120
112.	Հունձ*	122
113.	Թաժայ հաց.	»
114.	Հատիկ* Յովհաննիսեան	123
115.	Մանկ. յիշողութիւնից (օգոստոսին).	124
116.	Աշուն*.	125

Յ Ա Տ Ե Լ Ո Ւ Ա Տ

Քերականական վարժութիւններ

Ա.	Առարկայ . . . . .	126
Բ.	Չնշաւոր և անշունչ առարկաներ . . . . .	127
Գ.	Մաւաւոր և նիւթական առարկաներ . . . . .	128
Դ.	Առարկայի թիւը . . . . .	129
Ե.	Առարկայի որպիսութիւնը . . . . .	130
Զ.	Որպիսութեան թիւը . . . . .	132
Է.	Առարկայի գործողութիւնը . . . . .	133
Ը.	Գործողութեան թիւը . . . . .	135

Ուղղագրական վարժութիւններ

Թ.	Բառ, վանկ և տառ . . . . .	136
Ժ.	Վանկելու էական կանոնները . . . . .	137





///

CONTENTS

Introduction

- Chapter I
- Chapter II
- Chapter III
- Chapter IV
- Chapter V
- Chapter VI
- Chapter VII
- Chapter VIII
- Chapter IX
- Chapter X
- Chapter XI
- Chapter XII
- Chapter XIII
- Chapter XIV
- Chapter XV
- Chapter XVI
- Chapter XVII
- Chapter XVIII
- Chapter XIX
- Chapter XX
- Chapter XXI
- Chapter XXII
- Chapter XXIII
- Chapter XXIV
- Chapter XXV
- Chapter XXVI
- Chapter XXVII
- Chapter XXVIII
- Chapter XXIX
- Chapter XXX

Appendix

- Table I
- Table II
- Table III
- Table IV
- Table V
- Table VI
- Table VII
- Table VIII
- Table IX
- Table X
- Table XI
- Table XII
- Table XIII
- Table XIV
- Table XV
- Table XVI
- Table XVII
- Table XVIII
- Table XIX
- Table XX
- Table XXI
- Table XXII
- Table XXIII
- Table XXIV
- Table XXV
- Table XXVI
- Table XXVII
- Table XXVIII
- Table XXIX
- Table XXX

///



9 U 10

N<sup>o</sup> 9359